



6

3-c



1 A 10

~~6-13-c-55~~



~~Atta g6 20~~



# INSTITUTIONES

POETICÆ



AD USUM COLLEGIORUM.

SOCIETATIS JESU.

*Ab uno ejusdem Societatis Rhetorices  
Professore.*

EDITIO NOVISSIMA.

D. PROB. ROM. S. J.



*Assist.  
Soc. Jesu*

*Gallia*

TOLOSÆ,

E Typographia CLAUDII-ÆGIDI  
LECAMUS, Regis & Academiæ  
Typographi solius Jurati.

---

M. DCC. XII.



2001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002

1001. 21. 11. 1002



ADOLESCENTIBUS  
ARTIS POETICAE  
STUDIOSIS.

**N**UNC demum prodit in lucem ,  
quem sæpè rogastis ac flagitastis ;  
*Poeticarum Institutionum Libellus , Ado-  
lescentes charissimi atque amantissimi .*  
*Huic vestro studio sum obsecutus , ut me  
dictandi & vos scribendi , quæ non sine  
aliqua temporis schola attributi jactura  
vestraque molestia dictandum erat ac scri-  
bendum , onere sublevarem . Artem illam  
amœniorem homo , fateor , occupatissimus  
vix adductus sum ut celebrarem ac reco-  
lerem , atque illud suscipere quod alii jam  
non solum ingenio & doctrinâ , sed etiam  
otio studioque abundantes luculenter præ-  
stiterunt . Fecit tamen mea in vos benevo-  
lencia singularis , ut quod enixè postulastis , has poeticas præceptiones quas olim ;*

A ij

dum plus suppetebat otii, apud Aristotelem, Horatium, aliosque Autores probatissimos annotaveram, locis denuo recognitis, in brevem quandam synopsis, quam facile quivis intelligere atque animo complecti possit, collegerim. Atque etiam quò magis usui possit esse hac mea impensa vobis non illibenter opera, eam inii disputandi rationem, qua tyronem Poetices planè rudem, quasi manu ductum ac vix advertentem, in reconditiora hujus Disciplina adyta intromittat. Nam, quod rei caput est, statim propono; & cùm quid difficile occurrit incertumque, illud ipsum quale sit, nè meâ quidem interpositâ sententiâ, sic demonstro, adductis breviter rationum momentis, ut intelligat tyro quid dicatur; quid verò teneri oporteat, possit ipse per se aliquando definire. Stylo utor admodum familiari, qui rebus magis quàm verbis serviat. Magistrum docentem interrogantemque discipulum induco, oratoria facultatis antistitem secutus Tullium, qui patrem eloquentia præcepta tradentem, excipientem filium in partionibus oratoriis exhibuit. A longa exem-



plorum serie proferenda consultò abstinui ;  
quam tamen tam jucundam , quàm com-  
modam discipulis accidere non ignoro ,  
quia Libellum memini me scribere , quem  
nolui in spissius aliquod volumen excres-  
cere. Hunc ergo meum , *Adolescentes*  
*charissimi* , exiguum vestri causâ suscep-  
tum laborem nè despiciate , ac valete.

THE  
JOURNAL  
OF  
THE  
AMERICAN  
MEDICAL  
ASSOCIATION  
PUBLISHED WEEKLY  
CHICAGO, ILL.  
1914

# INDEX CAPITUM.

## *Institutionum Poeticarum Liber I.*

CAPUT I. Definitio Poeseos,	pag. 1
CAPUT II. De Materia Poeseos,	4
CAPUT III. De Forma Poeseos,	7
CAPUT IV. De Peripetia,	12
CAPUT V. De Agnosciti,	16
CAPUT VI. De Episodio,	17
CAPUT VII. De Machina,	19
CAPUT VIII. De Moribus,	21
CAPUT IX. De Sententia,	24
CAPUT X. De Dictione,	27
S. I. Perspicuitas Dictionis poeticae,	28
S. II. Majestas Dictionis poeticae,	30
S. III. Numerus Dictionis poeticae,	36
CAPUT XI. De Causa efficiente Poeseos,	40
CAPUT XII. De Fine Poeseos,	43
CAPUT XIII. De Divisione Poeseos,	45

## *Institutionum Poeticarum Liber II.*

### De Epopœia.

CAPUT I. Definitio Epopœie,	47
CAPUT II. De Materia Epopœie,	50
S. I. Actio Fœminæ an materia Epopœie,	51
S. II. Actio Epopœie quomodo una,	54
S. III. Actio Epopœie quomodo tota,	56
S. IV. Actio Epopœie quæ vera & verisimi- lis,	58

§. V. Actio Epopœia quomodò illustris & felix,	60
CAPUT III. De Forma Epopœia,	62
§. I. Fabula epica uotes,	ibid.
§. II. Fabula epica partes,	65
§. III. Fabula epica dispositio,	68
CAPUT IV. De Propositione Epopœia,	73
CAPUT V. De Invocatione Epopœia,	78
CAPUT VI. De Narratione Epopœia,	81
CAPUT VII. De Epilogo Epopœia,	84
<i>Institutionum Poeticarum Liber III.</i>	

— De Dramate.

CAPUT I. Definitio Poematis Dramatici,	88
CAPUT II. De Materia Poematis Dramatici,	90
CAPUT III. De Forma Poematis Dramatici,	92
§. I. Unitas & Simplicitas Fabula Dramaticæ,	93
§. II. Magnitudo Fabula Dramaticæ,	95
CAPUT IV. De Partibus Poematis Dramatici,	98
§. I. Divisio Dramatis in Diuerbium & Choricum,	99
§. II. Divisio in Nexum & Solutionem,	ibid.
§. III. Divisio in Prologum, Episodum, Exodum & Choricum,	100
§. IV. Divisio in Protasin, Epithasin, Catastasin & Catastrophen,	101
§. V. Divisio in quinque Actus,	102
§. VI. Divisio in Fabulam, Mores, Sententiam, Dictionem, Melodiam & Apparatum,	104
CAPUT	

CAPUT V. De Choro in Dramate,	106
CAPUT VI. De Scenico Apparatu,	108
CAPUT VII. Definitio Tragædiæ,	110
CAPUT VIII. De Materia Tragædiæ,	113
CAPUT IX. De Forma Tragædiæ,	116
CAPUT X. De Fine Tragædiæ,	119
§. I. Qui Affectus concitentur in Tragædiæ,	120
§. II. A quibus concitentur Affectus in Tragædiæ,	122
§. III. Quomodo concitentur Affectus in Tragædiæ,	125
CAPUT XI. Præceptorum usus in scribenda Tragædiæ,	127
CAPUT XII. De Comædiæ,	130

### *Institutionum Poeticarum Liber IV.*

#### *De reliquis Poematis.*

CAPUT I. De Elegia,	135
CAPUT II. De Epigrammate,	137
CAPUT III. De Satyra,	141
CAPUT IV. De Poemate Lyrico,	143
CAPUT V. De Hymno, Parodia & Carmine Intercalari,	146
CAPUT VI. De Eclogis, Silvis & Diris,	148
CAPUT VII. De Epithalamio, Genethliaco & Epicedio,	151
CAPUT VIII. De Epinictio, Eucharistico & Propemptico,	154

CAPUT IX. De Carmine Soterico, Pro-  
treptico & Paranelico, 156


De Tabellis anigmaticis, sive de picto  
Ænigmate.

§. I. Quid sit Ænigma pictum,	171
§. II. Quæ res possint exhiberi anigmaticè in Tabellis,	172
§. III. Quæ sint leges rei anigmaticè signi- ficantis,	174
§. IV. Quæ sint leges rei anigmaticè signifi- cate,	177
§. V. Quomodo sit instituenda Ænigmatis solutio,	180
§. VI. Primum Ænigma,	182
§. VII. Alterum Ænigma,	186
§. VIII. Tertium Ænigma,	190



INSTITUTIONUM  
POETICARUM  
LIBER I.

DE POESI  
*universè spectata.*

M.  UM in omni re, quæ in  
questionem venit, debeat  
attendi primùm; quid sit,  
deinde quæ sint ejus affec-  
tiones, idè Poeseos de-  
finitio proferenda, tum de materia il-  
lius, forma, ornatu, causa efficiente,  
sine ac divisione disputandum.

CAPUT I.

*Definitio Poeseos.*

D. QUID est Poësis?  
M. Si vocis vim ac potestatem

tem quæras, Poesis nomen habet ἀρτε  
 τῆ ποιητικῆς, quod est facere seu fingere;  
 unde Ποιητικὴ, ars faciendi seu fingen-  
 di; & Ποιητής, Poeta, id est fictor seu  
 effector, quod fabula, quam texit, ab  
 ejus mente tota esse videatur.

2. Si rei significationem spectes,  
 Poesis modò dicitur ars poetica, modò  
 dicitur opus aliquod ex arte elabora-  
 tum. Juxta primam vocis acceptionem  
 Poesis est ars ritè conficiendi Pœma-  
 tis, sive collectio præceptorum in  
 unum & eundem finem certò tenden-  
 tium, nimirum ad unum aliquod opus  
 poeticum perficiendum. Juxta secun-  
 dam vocis significationem intelligitur  
 usus, & praxis illorum præcepto-  
 rum, atque hoc sensu agimus hic de  
 Poesi.

D. Quomodò definitur hoc postero-  
 ri sensu accepta Poesis?

M. Definitur ars imitandi actiones  
 humanas, seu imitatio humanarum  
 actionum cum fictione. Quod dicatur  
 imitatio humanarum actionum, hac la-  
 tius patente notatione indicatur genus;  
 ratione cujus conveniat cum aliis arti-  
 bus & disciplinis quæ aliquid imitantur,  
 atque imprimis humanas actiones, qua-  
 lis est pictura. Quod verò dicatur imi-  
 tari cum fictione, forma illius sive  
 differentia attingitur, quæ universam  
 illius



Illius generis diffusionem contrahit, ac soli Poësi addicit; unde liquet legitimam esse Poëseos definitionem.

D. Imitaturne reipsa omnis Poësis humanas actiones?

M. Imitatur utique. De præcipuis Poematis non potest ambigi, Epico, Tragico, Comico. Minora quoque Poemata ad humanas actiones suo modo referri primario & per se suis locis patebit inferius.

D. Cur potius humanas actiones imitatur Poësis, quam mores?

M. Ratio hæc petitur ex Philosopho. c. 4. Cum sit Poësis omnis politicæ & civilis Poetæ disciplinæ pars: civilis autem disciplina habeat pro fine civium felicitatem, hunc certè finem Poësi præstitutum esse necesse est; jam verò cum felicitas sit in actione juxta Philosophos, non in moribus, qui ad ipsas actiones, ut ad finem referuntur; planè sequitur, ut, quemadmodum civilis disciplina; sic & Poësis non tam ad mores referatur, quam ad actiones, easque primario & per se imitetur.

D. Num Poësi tam necessario addicta est fictio seu fabula, ut sine illa non possit esse Poësis?

M. Planè dicendum est; ita censet Aristoteles ejusque interpretes, qui c. 4 vim eandem ac dignitatem in Poësi tri-

buunt fictioni quam animæ concedunt in homine. Cùm autem sublatâ animâ nullus sit homo ; sic nec sublatâ fictione potest esse ulla Poesis. Ita sentiunt probatissimi authores bene multi, Plato in Phædone, Plutarchus lib. de audiendis Poetis, &c. Non erit itaque Poeta dicendus is, qui sine fictione, sicut qui sine metro scripserit. Ratio patebit utriusque c. 3. ubi quid nomine fictionis seu fabulæ veniat, exponetur.

## CAPUT II.

### *De Materia Poeseos.*

D. QUÆ est materia Poeseos?

M. Quid est id omne de quo tractat Poesis.

D. Quotuplex est illa materia?

M. Duplex ; una remota, altera proxima.

D. Quænam est materia remota?

M. Tam longè latèque diffusam poeticæ ; quàm oratoriæ facultati materiam assignat Tullius ; cui Poeta cum  
 1. de Oratore in hoc idem est, nullis ut terminis uterque circumscribat, aut definiat jus suum, adeoque possit uterque de rebus omnibus disputare.

D. Quænam est materia proxima Poeseos?

*M.* Sunt actiones humanæ, prout potuere, vel debuere geri. Atque etiam ex eo capite liquet, quàm latè pateat Poetæ dicendi campus, cùm nihil fermè sit quod ad humanas actiones referre non liceat. Aget itaque Poeta de naturæ mysteriis; de artium, disciplinarumque arcanis, de gentium moribus, legibus, institutis, &c.

*D.* Ecquid artes omnes scientiasque perfectè callere debet aliquis, ut Poeta perfectus esse possit?

*M.* Nequaquam. Satis est enim ex omnibus artibus, & scientiis ea tenere, quæ ad imitationem humanarum actionum faciant. Patebit, illustrabiturque res hæc similitudine. Si quis picturæ pariter, atque architecturæ intelligens novâ formâ palatium aliquod animo primùm effingat, deinde penicillo describat; non is quatenus pictor est, sed quatenus architecturæ gnarus, novam animo effingit formam; verùm quâ Pictor, non quâ architectus conceptam animo formam penicillo delineat; eoque consideratè parum tribuat aliquis pictoribus omnibus architecturæ notitiam. Ita planè si Poeta scientiam aliquam omnino complectatur animo, ac de illa carmine disputet accuratissimè; id agat, non quâ Poeta, sed quâ peritus illius scientiæ.

*D.* Nunquid debent esse vera quæ in

Poeseos materiem assumuntur à Poeta?

*M.* Tenetur aliquando Poeta ea dicere quæ verè contigerint, aliquando non tenetur. Quamvis enim Poetice, Poësis, & Poema artem faciendi, effectiorem, effectumque significant; non eo sensu tamen sunt accipiendæ illæ voces, ut suam sibi semper materiem procreare Poeta debeat; imò in epopœia, tragœdia atque etiam in aliis minoribus Poematis, qualia sunt genethliaca, epicedia, epinicia, &c. subesse debet quasi fundus historiæ, cui magnificè aliquid inædificetur. Potest autem suam sibi condere materiem in comœdia, aliisque Poematis bene multis; atque etiam debet materiæ, quæ vera sit, novam formam inducere atque eatenus falsa referre. Cavendum autem utrobique diligenter, ut quæ proferentur, sive vera sive falsa, ea sint omnino verisimilia. Præcipit Aristoteles ut ea, quæ facta sunt, aut facta non sunt, canere non possit Poeta, nisi cum verisimili congruant.

Poet.  
Q. 7.

*D.* Quid vocas verisimile?

*M.* Est id, quod naturali quodam rerum exitu debet, aut certè potest contingere in iis circumstantiis in quibus dicitur contingere.

*D.* Itane sunt verisimilia quæ Virgilius narrat de descensu Æneæ ad inferos, de

mutatione navium in Nymphas marinas, aliaque hujusmodi.

*M.* Fuêre utique verisimilia, quòd ab Heroibus, Diisque & fieri posse, & reipsa fieri aliquando putarentur.

---

## C A P U T I I I.

### *De Forma Poeseos.*

*D.* QUÆ est forma Poeseos?

*M.* Est fictio, seu fabula. Cùm enim Poetice sit ars fingendi, ut vox ipsa sonat, debet certè fictio sic naturam Poeseos constituere, ut eam ab omni alia re secernat atque distinguat; quomodò forma, quæ vocatur in Physicis, uniuscujusque rei materiem sic perpolit ac perficit, ut ejus naturam planè dicatur constituere. Ita censet passim Aristoteles, qui fabulam sic Poesi attribuit, ut sine illa Poetam esse nolit.

*D.* Quid est illa fictio seu fabula?

*M.* Non una eademque vocis illius notio. 1. Significat sermonem quemdam merè fictitium, qualia sunt Æsopica colloquia bestiarum, & inania quædam Ethnicorum commenta. 2. Usurpatur à Philosopho pro actione ipsa & materia Poematis, vel etiam pro toto Poemate. 3. Sumitur ab eodem Philosopho.

pro structura quadam Poematis, sive ut loquitur, pro constitutione rerum, & compositione in Poemate.

D. Quo sensu fabula dicenda est forma Poeseos?

M. Juxta postremam hanc vocis acceptionem. Nam eodem modo de Poetica videtur dicendum, ac de aliis artibus quæ imitatione perficiuntur; in quibus certa quædam dispositio & compositio universè dici debet earum forma. Sic in statua aurea, aurum est materia; & artificiosa auri dispositio est ultima statuæ forma in genere operis artificiosi. Et ut exemplum proferam, quo non semel usus est Aristoteles. Pingatur v. g. Socrates. 1. Picturæ materies est Socrates, qui pingi debet; is materiam repræsentat Poeseos. 2. Corporis descriptio cum apta membrorum omnium conformatione ac dispositione est forma; & hæc fabulæ comparatur. 3. Colorum varietas & contemperatio est ornatus picturæ, & cum fabulæ ornamentis rite potest conferri. Rectè itaque pronuntiavit Aristoteles: *Λιγὸν μᾶλλον τῆτον τῶν συντακτικῶν τὸ πραγματικόν.*

Definitio Fabulam esse Compositionem rerum.

c. 4. 6. D. Qualis debet esse illa fictio seu constitutio & structura Poematis?

M. 1. Exquisitam illam esse jubet universè Horatius, atque etiam in majori-

bus Poematis magnificam ; nec vult Poetam dici posse illum , qui talem formam materiæ non induxerit.

. . . . Neque enim concludere versum  
Dixeris esse satis ; neque si quis scribat utinos  
Sermoni propiora , putes hunc esse Poetam. In  
Ingenium cui sit , cui mens diviniore , atque os Sa-  
Magna sonaturum , des nominis hujus ho- tyr.  
nore.

2. Hæc structura , ut de illa aliquid magis distinctè sigillatimque statuamus , complectitur varia quæ à Philosopho appellantur fabulæ ornamenta , peripetias , agnitiones , episodica , machinas , graphicam morum expressionem , sententias , accuratam dictionem , numerum poeticum , aliæque omnia , unde mirabile dicendi genus efflorescat ; adeò ut nulla sit fictio quæ aut omnibus his destituta sit , aut aliquibus saltem instructa non sit ornamentis.

D. Quæ Poemata aut hæc omnia , aut aliqua saltem sibi vendicant fabulæ ornamenta ?

M. In sublimioribus Poematis frequentius , parcius in humilioribus sunt usurpanda. Sic epicum Poema , tragicumve eo omni ornatu debet splendescere : aliquo nitere debent minora Poemata , vel quæ in genere heroico sunt posita , ut adhortationes , laudationes , &c. vel quæ suapte naturâ simpliciores ,

minusque figuratum dicendi habitum requirunt. Verùm quæ fictio cuique illorum, qui cultus ornatuque conveniat, exponetur commodius suis locis, cum de singulis agetur Poematum generibus.

*D.* Licetne in Poesi adhibere fictionem, quatenus vox illa aliquid merè fictitium sonat?

*M.* Sanè licet. 1. Nihil opus est in majoribus Poematis esse usquequaque vera, quæ in peripetiis, episodiis, machinis, &c. proferuntur.

2. Placent maximè quæ à veteribus sæpè recentioribusque Poetis in Poemate epico, tragico, comico, bucolico, etiam & satyrico fictitiæ inducuntur Personæ.

3. Non sine dignitate ac venustate rebus inanimis spiritus, mutis vox tribuitur; ut cum Roma, Gallia, Africa loquentes inducuntur; vel cum scientiæ, artes, virtutes in personas item conformantur.

4. Suus est etiam in sacris argumentis, neque angustior quàm in profanis ejusmodi fictioni locus, ut evicit manifestissimè in suo opere verè aureo de Poemate Frizonius, cujus ex animad-

- lib. 1. versione id unum cavendum est, ut moderetur prudentia fictioni, ne quid vanum, insolens, aut à communi sensu alienum afferatur.



Ex dictis collige 1. Poetæ perinde esse, vera ac falsa dicere, modò verisimilia dicat; nisi fortè in aliquibus Poematis, quæ suprà attigimus, in quibus debet esse vera quæ profertur, materies; quamvis falsi aliquid in eadem ornanda possit aspergi, quod tamen intra verisimilitudinis septa contineri debet.

Collige 2. quàm malè jubeantur è Parnasso exulare Poetæ qui mera commenta in sua carmina non invexerunt, & eo nomine fabulam non scripsisse dicuntur; quasi verò ipse Virgilius in suo opere absolutissimo Georgicon, Poeta non sit appellandus, cum vera dixerit; sed splendide, sed artificiosè, sed poeticè, adeoque non sine fictione.

Collige 3. Non esse illum propriè dicendum Poetam qui tenuiter ac jejunè, servatâ duntaxat legitimâ syllabarum pedumque dimensione, rem tractavit, eumque versificatorem appellandum; quòd sine fictione poetica scripserit, quæ ut minimùm requirit habitum loquendi aliquem figuratum, floremque eloquentiæ leviter delibatum versuque exornatum.

D. Quæ sunt jam ornamenta fictionis seu fabulæ?

M. Septem numerantur ab Aristotele, peripetia, agnorisis, episodium, machina, mores, sententia, dictio: de

D.

quibus omnibus sigillatim agendum est.

## CAPUT IV.

### *De Peripetia.*

D. QUID est peripetia?

M. Q Peripetia à περιπέτεια, *incido*, nihil aliud est, ut vox ipsa indicat, quàm rerum in statum contrarium lapsus; quapropter definitur ab Aristotele: *Eorum*  
 a. 9. *que aguntur mutatio in contrarium, sive*  
 Poet. *mutatio hæc prospera sit, sive adversa.*

D. Da exemplum utriusque peripetiae.

M. Exemplum esto prosperæ rerum conversionis. Iosephus, fratribus suis infelicem suam sortem lugentibus, quis tandem ipse sit, aperit timoremque excutit; unde efficiuntur illi verè fortunati.

Adversæ verò mutationis exemplum sit istud. Nuntius Corintho missus Oedipum rogat Thebanorum regem ut Corinthiorum quoque regnum communi omnium consensu post mortem Polybi regis ipsi delatum velit capescere. Corinthum adire abnuat. Oedipus nè fortè quod oraculum præcinuerat, incesto flagitio matris polluendæ, quam putabat esse Meropem Polybi demortui uxorem, periculum subiret. Dat operam. Nun-

tjus ut hoc eum metu liberet; sed simul ea refert, unde cognoscit Oedipus impletum jam fuisse oraculum, & matrem, Jocastam eo flagitio pollutam, & patrem Laïum à se fuisse interfectum; atque hinc tantum concipit mœrorem, ut vagus & exul, effossis sibi oculis, reliquam vitam transigere constituat, in summam proinde prolapsus calamitatem.

*D.* Quot sunt conditiones ad perfectam peripetiae formam requisitæ?

*M.* Tres assignantur. Prima est ut sit magna illa mutatio rerum fermè omnium fortunarumque, sive ex felici statu ad infelicem, sive contra.

Altera, ut sit illa mutatio subita & inopinata; ut si præter expectationem ea rerum oriatur perturbatio, ut metus repente lætitiæ, vel terrori lætitia ac terror succedat.

Tertia, ut sit verisimilis ejusmodi rerum conversio. Contra quam præceptionem peccant imprimis Romanciorum authores, qui nulla habitâ verisimilitudinis ratione, rerum duntaxat captant delicias; nec fidem facere curant, modo lectorum animos admirabilitate rei teneant & delectent. Habes eximiam peripetiae formam apud Virgilium, ubi Æne-  
Trojanis in Italiam appulsis, cum faustè omnia atque ex sententia cederent, 7.  
dimissis à Latino rege cum bonis verbis

atque amplis muneribus legatis, pacta-  
que Æneæ Laviniâ, Juno irarum plena,  
omnia commutat perturbatque, summa-  
que in rerum tranquillitate, summum  
derepentè bellum excitat.

*Ecce autem Inachiis sese referebat ab Argis  
Sava Jovis conjux, aurasque inveſta te-  
nebat :*

*Et lætum Æneam, clafſemque ex æthere longè  
Dardaniam ſiculo proſpexit ab uſque Pa-  
chyro.*

*Moliri jam teſta videt, jam fidere terræ,  
Deſeruiſſe rates : ſtetit acri fixa dolore.  
Tum quaffans caput, hæc effudit pectore diſta.  
Heu ſtirpem inviſam, &c.*

*Hæc ubi diſta dedit, terras horrenda petivit,  
Luſiſtam Aleſto dirarum ab ſede ſororum,  
Inferniſque ciet tenebris, &c.*

*Quam Juno his acuit verbis ac talia fatur.  
Hunc mihi da proprium Virgo ſata nocte  
laborem*

*Diſjice compositam pacem, ſere crimina belli*

*Exin Gorgoneis Aleſto infeſta venenis  
Principio Latium, & Laurentis teſta Ty-  
ranni*

*Celſa petit, tacitumque obſedit limen Ama-  
ta*

Huic Dea ceruleis unum de crinibus an-  
guem.

Conjicit, &c.

Postquam visa satis primos acuisse furores,  
Consiliumque, omnemque domum vertisse  
Latini,

Protinus hinc fuscis tristis Dea tollitur alis  
Audacis Rutuli ad muros, &c.

Turne tot incassum fufos patire labores?

Arma amens fremit, arma toro, tellisque  
requirit.

Dum Turnus Rutulos animis audacibus im-  
plet,  
Electo in Tencros Stygiis se concitat alis,

Pastorale canit signum cornuque recurvo  
Tartaream intendit vocem, &c.

Tum verò ad vocem celeres, quò buccina  
signum

Dura dedit raptis, concurrunt undique te-  
lis

Indomiti agricola, nec non & Troia pu-  
bes

Nec minùs interea extremam Saturnia bel-  
lo

Imponit Regina manum, &c.

## CAPUT V,

## De Agnorisi.

D. Quid est agnorisi?

c. 7. *Poet.* M. Agnorisi, latine agnitio dicitur ab Aristotele *ex ignorantia in cognitionem mutatio*. Id est, personarum agnitio, ex qua amicitia oritur vel inimicitia inter eos qui felices esse debent vel infelices. Unde colliges per hoc fabulae ornamentum, 1. Intelligi personarum inter se agnitionem. 2. Amicitiam vel inimicitiam. 3. Felicitatem vel infelicitatem ex illa agnitione nasci.

D. Da exemplum agnitionis.

M. Orestes Iphigeniae frater ad aram mactandus praesente sorore, quam non agnoscebat, ait simili fato perire se ac sororem, quam Dianae immolatam fuisse credebat. His illa auditis fratrem agnoscit; inito deinde inter se consilio aufugiunt, & morti se Orestes, & fædo homines immolandi ministerio Iphigenia se subducit.

D. Quotuplex est agnitio?

M. Duplex, una dicitur simplex, duplex altera; ut si in allato modo exemplo Iphigenia tantum agnoscat Orestem, simplex erit; si Orestes quoque agnoscat

Iphigeniam, duplex erit agnitio.

D. Utra præstat alteri?

M. Sanè duplex; atque illa imprimis magni facienda est, quæ admixtam habet peripetiam. Historia Josephi, de qua in superiori capite, duplicem continet agnitionem, & mirabilem peripetiam.

Varias agnitionum species sive modos latè prosequitur ex Philosopho Daniel Heinſius, libro de Tragædiæ constitutione. c. 7.

## CAPUT VI.

### *De Episodio.*

D. QUID est episodium?

M. 1. Si vocis etymon spectes, est insertum quiddam in carminis fabulam, cum idem sonet atque adjectum aliquid ad cantum.

2. Si definitionem quæras, est actio adjectitia apta & necessariâ quodammodo connexionem cum actione primaria conjuncta.

D. Explica; quæso, singulas voces.

M. 1. Dicitur actio; neque enim descriptiones, comparationes, & narrationes aliquot dici debent episodica. Sic tempestatis descriptio in 1. Æneid. v. g. non est episodium; sed in 2. Trojæ excidium, & in 3. Æneæ peregrinatio ex omnium

sententia sunt episodia, quia sunt actiones.

2. Dicitur actio adjectitia, quâ voce fecernitur ab actione primaria, cujus ne pars quidem esse debet episodium, sine quo potest esse actio primaria; sic potuit *Aeneas* Italiae applicare *Turnum*que vincere, omisâ excidii Trojani narratione, item & præteritâ errorum suorum expositione, quæ duo sunt episodia.

3. Dicitur ejusmodi actio aptè conjuncta cum actione primaria: ut neque petita longius, neque affectata studiosius, neque contorta violentius esse debere episodia, significetur.

4. Præcipitur ut necessitate aliqua cum primaria actione connectatur, ut indicetur sic esse cum actione illa commitendum episodium, ut sine aliqua culpa præteriti non posse videatur. Nunquid debuit v. g. *Virgilius* qui *Arma virumque canebat, Troje qui primus ab oris, Italiam fato profugus, Lavinaque venit Littora*, suo operi Trojæ incendium non intexere? num debuit hoc in aula *Dædonis* silere, quod jam per totum orbem fama vulgaverat? quâ potuit ipsa *Dido* de iis suum hospitem non interrogare, quorum pars magna fuerat? qui verò potuit *Aeneas* Reginae de se quàm optimè merita, præsertim roganti, narrationem hanc denegare? Debet itaque semper subesse causa aliqua episodia attexendi, quanquam



non ubique par esse debeat.

D. Nunquid Philosophus damnat episodia, cum ait nihil esse insulsius actionibus episodice? c. 8.  
Poet.

M. Appellat eò loci episodia, quæ neque verisimiliter, neque necessariò cum fabula conjuncta sunt; quæ certè eo nomine sunt rejicienda, quantumvis habeant aliunde admirabilitatis, quòd parùm ad rem, aut nihil faciant.

## CAPUT VII.

### *De Machina.*

D. QUID est machina?

M. 1. Si vim vocis quæras, machina dicitur in Poesi quodcumque auxilium extraordinariè collatum. Nam cum Deos Tragoedi tanquam è cœlo delapsos producebant, vel homines è theatro offerebant adhibitâ machinâ, auxilium illud aut à Diis præstitum, aut alio quovis modo, sed extraordinario, & supra humanas vires exhibitum, machina solebat appellari.

2. Si rei definitionem postulas, machina dici potest actio, vel actionis modus quidam viribus humanis superior, qui nodo difficili solvendo adhibeatur.

D. Explica singulas voces.

M. 1. Dicitur actio. Sic apud Home-

rum irato Achille miles discessum parabat; retinendus tamen erat: en Minerva Junonis impulsu in terras delapsa susceptum redeundi consilium discutit.

2. Dicitur vel actionis modus, cum videlicet Deus latet, & occultâ quadam efficientiâ, juvat hominis actionem. Sic Juno Turnum, & Venus Æneam passim juvant apud Virgilium.

3. Dicitur humanis viribus superior: Ecquid enim Deus aliquis excitetur, si virtus humana sufficiat? rectè itaque monet Horatius:

in      *Nec Deus intersit, nisi dignus vindice*  
Arte,      *nodus*  
            *Inciderit.*

Homerum certè reprehendit Aristoteles, quòd Minervam è cœlo deduxerit milites ut moraretur; quòd operâ, consilioque viri prudentis effici potuisset.

D. quâdonam igitur adhibenda est machina?

M. Cùm opus est sciri aliquid v. g. aut eorum quæ præterita sunt aut futura, quòd sine Deorum ope sciri omnino non possit; aut aliquid est agendum quod suapte naturâ vires humanas excedat; tunc enim licet ad Superiorum auxilium confugere. De machina recurret mentio in carmine epico & tragico.

## CAPUT VIII.

*De Moribus.*

D. QUID intelligis per. mores ob-  
servandæ fabulæ servientes?

M. Quod Græci, *ἦθος*; Latini, mores di-  
xerunt; quâ voce non tam mores, quàm  
eorum proprietas, & cuiusque indoles &  
ingenium designatur. Mores autem diver-  
si esse solent in singulis, pro habituum,  
affectuum, nationum, ætatum & fortu-  
næ diversitate; v. g. ex habitibus dicitur  
aliquis justus, mitis, temperans; ex af-  
fectibus, amans, iratus; ex natione,  
Græcus, Romanus; ex ætate, puer, ju-  
venis, vir, senex; ex fortuna, victor vel  
victus. Ita morum voce usus est Hora-  
tius: *Ætatis cujusque notandi sunt tibi in  
mores.* Itaque per mores fabulæ intelligo Arte  
ejusmodi morum graphicam expressio-  
nem.

D. Quales debent in Poesi mores exhi-  
beri?

M. Exhibendi sunt boni, convenien-  
tes & æquabilis tenoris.

D. Quomodò mores bonos exprimet  
Poeta?

M. Si mores illos effingat qui virtutis Arist.  
amorem ac vitii odium ingenerent, ed-1.c.2



que revocet pravos mores, si quos exhibere necesse sit. Ita fit mentio in *Æncide* *Sinonis* & *Mezentii*, quod majori sint odio execrationique eorum mores pessimi. Cum enim sit ille præstitutus omnem *Poesi* finis ut mores jucundè instituat, sanè liquet à suo fine planè aberrare Poetam qui malos mores in suum opus de industria velit inducere ac celebrare. Non debent itaque mores pessimi in viro principe accuratè depingi, minimè verò omnium in *Heroe*.

D. Nunquid *Achillem* exhibuit *Homerus* in *Iliade* justò iracundiorē adversus *Agamemnonem* contra fas rebellantem, eumque verborum contumeliis non subdito tantum, sed viro etiam ingenuo indignis laceffentem ac lacerantem?

M. 1. Qui volunt hac in parte *Homerum* omni culpa carere, respondent cum *Aristotele* *Achillem* bonum ab *Homero* fictum, qui animo in Deos pio, juris gentium tenax, amicitiae cultor fuerit & fortitudine præcelluerit; ac licet animo præceps esset neque iræ satis potens, non tamen sine causa iratum.

2. Reponunt alii bonos illos esse mores qui fini poematis sunt accommodati, quamvis alioquē sint de se mali; ac proinde distinguunt bonitatem poeticam inter & moralem, traduntque primam semper

per

per in Poesi, non item alteram requiri. Aiunt itaque bonitatis poeticæ habuisse rationem Homerum in Achille; quod satis fuit ad finem sibi propositum: volebat enim Græcis Dynastis demonstrare consiliis promovendis regnisque conservandis concordiam esse planè necessariam, quod liquidò constabat ex rebus ante Trojam per Achillem gestis, quo bene cum Agamemnone consentiente, Græcis res prosperè admodum; dissentiente verò, infausè omninò cessere. Unde colligunt non admodum curare debuisse Homerum bonos mores suo Heroi affingere, quem satis est non fuisse planè improbum. Contendunt iidem diversam prorsus Poetæ Latino ineundam fuisse rationem, bonitatemque insuper, quam vocant moralem, fuisse accersendam, qui pietatis simul & magnanimitatis exemplar in Ænea, in gratiam nimirum Augusti, cui scribebat, debuerit exhibere.

D. Quomodò describit Poeta mores convenientes?

M. Quando virtutem cuique tribuit quæ ipsi convenit; & sic fœminæ non tribuet fortitudinem quæ congruat Achilli, aut prudentiam quæ sit propria Nestoris. Habenda ratio sexûs, ætatis, dignitatis; hoc præcipit Horatius his versibus:

*Aut famam sequere, aut sibi convenientia  
finge,*

in  
Arce

Scriptor. Honoratum si fortè reponis Achil-  
leni ;

Impiger , iracundus , inexorabilis , acer ;  
Jura neget sibi nata , nihil non arroget ar-  
mis ,

Sit Medea ferox invictaque ; flebilis Ino ;  
Perfidus Ixion ; Io vaga ; tristis Orestes.

D. Quomodò mores erunt æquabilis  
senoris ?

M. Si sic effingantur ut , non discrepet  
aliquis à seipso. Ajax certè discreparet  
v. g. si mores primùm Ajacis , ac post  
paulò Ulyssis referret. Ea de re sic præci-  
pit Horatius :

in  
Arte.

Si quid inexpertum scenæ committis , &  
audes

Personam formare novam , servetur ad  
imū

Qualis ab incepto processerit , & sibi constet.

## CAPUT IX.

### De Sententia.

1. 2. D. QUID est sententia ?  
Rhet. M. Duplex hujus vocis notio est  
c. 4. & apud Philosophum , cui 1. Sententia di-  
citur gnome , est que pronuntiatum ali-  
quod de re aliqua universè. 2. Dicitur  
dianœa , & eo sensu est vis animi que ex-  
plicat naturam rei , tum eas que ip-

si congruunt, affectiones; cujus est proinde demonstrare quæ latent; dissolvere quæ nexa sunt; motus animorum ciere; augere quæ sunt exigua, & quæ vergrandia, minuere. Utroque modo ad fabulæ ornamentum pertinet sententia; nihil est tamen quodd de illa juxta secundam hanc vocis acceptionem hîc agamus, cum tractentur hæc in Rhetoricis; sed satis fuerit juxta primam acceptionem in sententiam inquirere.

D. Quomodo definitur eo sensu accepta sententia?

M. Est simplex pronuntiatum universè de vita rectè informanda. Hinc patet triplicem esse sententiæ dotem. 1. Esse unam. 2. Dici universè. 3. Esse moratam.

D. Quomodo erit una simplexque sententia?

M. Si non diffundatur in plura quæ illam efficiant quodammodo multiplicem. Ita posset hæc Horatii sententia, *Pulvis & umbra sumus*, sic explicari ac dilatari, ut illius causæ afferrentur quamplurimæ, adhiberentur similitudines comparationesque; undè non tam una aliqua, quam plures existerent sententiæ.

D. Quomodo erit universè dicta?

M. Si libera sit ac soluta à loco, tempore, persona, aliisque adjunctis quæ res afficiunt singulares. Talis est hæc Horatii, *Dulce & decorum est pro patria mori*.

D. Quomodo erit morata ?

M. Si vitam rectè informes. Talis est allata jam sententia , quâ pietas erga patriam sic prædicatur, ut vitæ propriæ dicatur anteponenda. Atque hujus postremæ defectu conditionis axiomata physica aut mathematica, ut : Sol major est terrâ: Rectum est contrarium curvo , in sententiis locum non habent, quod nihil præferent ad vitam bonis moribus instituendam.

D. Suntne frequentius adhibendæ sententiæ ?

M. Non sunt admodum frequentes apud Homerum , aut Virgilium aut apud antiquos Oratores ; & illæ quidem non quæfitæ ambitiosius, sed ultro & è se nata oblatæ.

D. Quòdnam est discrimen sententiam inter & acutè dictum ?

M. Sententia pugna caret & conflictu ; acutè dictum verò totum est in eo conflictu. Exempla subjicio de sententia pura , de acutè dicto purè, & de utroque mixto.

Sententia pura illa est quæ dicti quidem amplitudinem habet ac majestatem ; sed contentione caret : sic dicitur apud Senecam :

Her. *Cogi qui potest, nescit mori.*

iv. Acutè dictum purè est contentio sine sententia ; tale est apud eundem Senecam illud *Hecubæ*



Ille tot Regum parens  
Caret sepulchro Priamus, & flammâ indiget  
Ardente Trojâ. Trop.

Sententia mixta, est cui annexa est contentio: tale est istud: *Avaro tam deest quod habet, quàm quod non habet.* Sepositâ enim contentione, viget tamen sententiæ vis & dignitas; idemque est ac si diceretur: *Avarus nemo dives.*

## C A P U T X.

### De Dictione.

D. Quid est dictio?  
M. Dictio universè describi potest dicendi ratio quæ animi sensa declarat, quo demum-cunque modo id fiat. Aris-  
Atque hac latius patenti notione dictio tot.  
omnis, sive oratoria, sive poetica, aut c. 4.  
alia quæcunque attingitur. Poet.

D. Quænam est igitur dictio poetica?

M. Est illa dicendi ratio quæ soli Poeti convenit; ac proinde quæ & communes omni dictioni, & proprias sibi quæ uni additas dotes vendicat.

D. Quæ sunt illæ dotes dictionis poeticæ?

M. Tres vulgò assignantur ad quas cæteræ omnes facillè revocantur. 1. Perspicuitas. 2. Majestas. 3. Numerus. Prima

patet ad omnem dictionem quæ aperta esse debet, cum is loquenti finis sit propositus, ut intelligatur; altera ad eximia quædam opera, qualia solent esse poetica, pertinet; tertia ad unam Poësin sic restringitur, ut nulli alteri convenire possit. Quamvis enim suus sit orationi numerus, non vult tamen Aristoteles esse sonorum illum, qualis est in Poematis & Canticis. Cum igitur poeticæ dictionis doctrina omnis tribus his dotibus contineatur, de iis modò nobis ordine agendum est.

## §. I.

*Perspicuitas Dictionis Poeticæ.*

D. Q u o m o d ò dictio poetica erit perspicua?

M. Cum dictio poetica, ut quævis alia, ex verbis constet ac sententiis, idè & in verbis & in verborum contextu quærenda est illa perspicuitas.

D. In quo posita est verborum perspicuitas?

M. In vocabulorum propriorum & rei exprimendæ maximè accommodatorum usurpatione. Itaque fugienda sunt verba obsoleta atque ex antiquitatis rudibus effossa; adhibenda quæ versantur in sermone & consuetudine quotidiana, atque imprimis quæ clarissimorum authorum

usu non trita minùs , quàm splendida ;  
afferenda quæ ejus rei verba sunt , de  
qua loquemur.

D. Nunquid excludi debent à dictione  
poetica verba quæ vocantur impropria ?

M. Immo verò cùm sit humilis ea Poe-  
sis , teste Aristotele , quæ propriis tan- c. 2.  
tùm vocabulis sit perspicua , idcò trans-  
latis locus esse debet ; sed quæ perspicui-  
tati nihil officiant. Et sanè si ritè adhi-  
beantur tropi & figuræ non minorem  
Poesi lucem quàm venustatem dignita-  
temque affundent. Sic simplicem hanc  
locutionem. v. g. *geminì scopulì altè con-  
surgunt* , tam clarè quàm eleganter effert  
per hyperbolèn Virgilius , *geminique mi-  
nantur in cælum scopulì*. Usurpentur igitur  
metaphoræ , metonymiæ , hyperbo-  
læ ; inducantur prosopopœiæ , exclama-  
tiones , apostrophæ , congeminationes ,  
antitheses , interrogationes , dubitatio-  
nes aliaque id genus schemata , quæ Poe-  
sin maximè illustrent.

D. Quomodò in sententiis five in ver-  
borum contextu perspicuitas elucebit ?

M. Si neque abrupti pendentesque sen-  
tentiæ , neque oblongæ exitumque non in-  
venientes inducantur periodi ; si neque ,  
cùm dicitur vel incisim , vel membratim ,  
vel periodicè , laboret intricata dictio.  
Nam & Poetis ut Oratoribus sua sunt in-  
cisa , sua membra , suæ verborum senten-

tiarumque comprehensiones & clausulæ,  
 tam apertè quàm continnè concludentes.  
 Incisim v. g. membratimque dicunt illi,  
 cùm res festinationem flagitat, vel cùm  
 minùs gravitatis, plus habet acrimo-  
 niæ, ut in altercationibus, in colloquiis,  
 & multis in narrationibus; periodicè  
 verò, cùm res expoliuntur magis, cùm  
 nulla est, vel levis saltem contentio.  
 Jam verò quot incisim; quot membris,  
 quot versibus debeat poetica periodus  
 circumscribi, patebit facilè vel tironi  
 optimos quosque authores, atque im-  
 primis Virgilium perlegenti.

## S. I I.

*Majestas Dictionis Poetica.*

D. ¶ Am verò qui cultus, qui splendor  
 convenit poeticæ dictioni?

M. A proprio dicendi genere vulga-  
 rique recedendum esse Poetæ statuit  
 Aristoteles, cui consentit omninò Ho-  
 ratius:

cap.  
21.  
Car.

lib 3. *Odi profanum vulgus, & arceo.*

Od. 1. *Favete linguis. Carmina non priùs  
 Audita Musarum Sacerdos  
 Virginibus puerisque canto.*

Saty- Idem signantiùs pronuntiaverat non  
 ra 4. satis esse ad Poetæ nomen pro digni-  
 tate sustinendum puris versum perscri-

*bere verbis, & scribere sermoni propiora, os videlicet desiderandum magna sonaturum. Quamobrem postea, posuit:*

*Idcirco quidam Comœdia nec-ne Poema  
Esset, quasi vivere, quod acer spiritus & vis  
Nec verbis nec rebus inest, nisi quod pede certo  
Differt sermoni sermo merus.*

D. An eadem semper eaque sublimis dicendi ratio usurpatur à Poetis?

M. Cùm tria sint apud Poetas, uti apud Oratores genera dicendi, tenue, grande, medium, miscentur illa sæpè inter se, ac temperantur in pluribus Poematis; distinguuntur tamen aliquando ac planè secernuntur, atque aded non sublimem ex æquo dicendi formam omnia requirunt. Quæ tenue, quæ grande, quæ medium dicendi genus postulent, notabitur inferiùs, cùm varias Poematum attingemus species. Nunc satis fuerit statuere universè haud vulgarem esse debere poeticam dictionem, sed sublimem, sed grandem, sed majestate plenam.

D. Unde comparatur hujus dictionis majestas?

M. Præter ea quæ diximus, duo insuper ad eam majestatem conferunt plurimum. 1. Si apposita, quæ vocant, nomina, sive epitheta aliquid eximii præferant. 2. Si quæ occurrunt tritæ ac

vulgares loquendi formæ, mutantur in alias exquisitiores ac reconditiores.

D. Quomodo apposita nomina sive epitheta aliquid eximii præferent?

M. Si adhibeantur ea, non ut impleatur duntaxat, sed etiam ut ornetur versus; si contra quærantur ea quæ vim ac dignitatem vocibus quibus attribuuntur, adjiciant.

D. Undè petuntur ejusmodi epitheta?

Poet. M. Varia distinxit capita Frizonius  
l. 3. undè maxima promanat lectissimorum epithetorum copia, cujus verba paucis detractis, brevitatis causâ, aut leviter immutatis, hinc attexere operæ pretium fuerit.

1. Parentum in liberos, majorum in posteros nomina transeunt; inde Alcides Laertiades, Telamonius Ajax, Daunius Heros, Cecropidæ, Romulidæ, &c.

2. A loco ubi quis ortus aut dominatus, aut commoratus, viris cognomina formantur; Smyrnæus vates, Homerus; Mycenæus ductor, Agamemnon vocatur.

3. A viris loca vicissim, urbes à fundatoribus, regiones à Principibus cognomina traxerunt; Amphionix Thebæ, Troica Roma; Achæmenia Persis, in qua regnavit Achæmenes.

4. Brutæ quoque animantes cognominantur à gentibus, apud quas reperiun-

tur; Pœni leones, Hyrcanæ tigres, Strymonia grues; arbores item aliaque inanima, palmæ Idumææ, thura Panchææ, balsama Judæa, marmor Parium, &c.

5. Ab adjunctis, à moribus, dictis factisque tribuuntur nomina, ut corniger Moïses, Petrus claviger, Elias igneus & fulmineus, ab igne de cœlo ter devocato.

6. A sensibus petuntur per translationem epitheta. Sic amor occultus & inconsideratus dicitur cœcus ignis; dicitur & cœca nox, cœca via, id est tenebrosa; & quæ sunt unius sensus, ad alium referuntur, ut surdum palatum, cui suavissimi non sapiant cibi; stupens hebesque animus, qui laudis gustum non habeat.

7. A paradoxo quærentur ejusmodi nomina, quoddam specie aliquâ repugnantia admirationem excitet. Sic apud Claudianum Sirenes, dulce malum pelago, blanda pericula, terror gratus vocantur. Propertius victrices moras appellavit Fabii illius qui prudenti cunctatione Annibalem fregit. Vide locum ubi etiam quandonam præponi nominibus aut postponi, vel plura eidem voci epitheta adungi conveniat, statuitur.

D. Quomodo trita & vulgares, quæ occurrunt loquendi formæ, in alias ex-

quisitiores reconditioresque mutabuntur.

*M.* Cùm instituta sit hæc mutatio, vel necessitatis causâ, metri lege id requirente, vel ornatûs gratiâ, ut carmini venustas quæratur ac dignitas; idem fiet variis modis, pro metri ratione vel elegantia.

1. Adjectivum nomen usurpabitur substantivè per hellenismum, ut cùm diceretur, ardua terrarum, opaca locorum, deserta viarum, alta montium, ima vallium, amœna collium, pro arduæ terræ, opaca loca, desertæ viæ, alti montes, imæ valles, amœni colles, vel mutabitur in nomen substantivum materiæ ex qua res facta est: sic dicitur ebur citharæ pro cithara eburnea, aurum coronæ pro corona aurea.

2. Substantivum nomen sic mutabitur, ut 1. Pro re aliqua sumatur materia ex qua res illa constat, ferrum pro ense, pinus & alnus pro navi, &c. 2. Pars pro toto sumatur per synecdochen, ut tecta pro ædibus, prora pro navi, &c. 3. Causa pro effectu, ut boum labores pro vervanti segete, Cælitum labor pro Troja; rerum authores pro illis rebus, ut pro vite & vino Bacchus, pro pane Ceres, &c. Item elementorum & rerum aliarum divi Præsides pro illis, ut pro aere Jupiter, pro aqua Neptunus, pro igne Vulcanus, &c. 4. Ut signum dicatur



catur pro re significata, pro purpura sceptrum, corona pro regia dignitate, toga pro senatoria, &c. Item signa à gentiliis insignibus petita pro populis & regnis quorum sunt insignia, ut Lilia pro Francis, Aquilæ pro Germanis, Luna pro Turcis, &c. Item flumina regnorum pro ipsis regnis.

3. Numeri cardinales unus, duo, tres, &c. redduntur per adverbia numerandi bis, ter, quater, &c. Conjuncta vel cum numeris cardinalibus, ut hoc Virgiliano versu:

*Sunt mihi bis septem præstanti corpore Nymphæ:*

Vel conjuncta cum numeris ordinalibus, binus, ternus, &c. Ut in hoc Ovidiano: *Martia ter senos proles adoleverat annos:*

Id est, Romulus agebat annum decimum octavum. Vel etiam mutantur numeri cardinales in alias voces ceterum annorum numerum significantes. Ita lustrum significat numerum quinque annorum, trieteris trium. Sic dicitur:

*Jamq; unus lustris geminis accesserat annus.*

Id est undecimus agebatur annus; eodem modo dicitur apud Baldeum is qui attigit annum ætatis vigesimum quartum, *trieterida emensus octavam.*

4. Verbum mutabitur vel per locutionem, quæ circumstantiam actionis significet, ut si metro sit hoc intelligendum

Sæpe ad illius aram agnos mactabo, di-  
ces cum Virgilio :

*Sæpe tener nostris ab ovilibus imbuet agnus.*

Vel per locutionem, quæ pro ipso  
tempore aliquam temporis circumstan-  
tiam explicet; ut cum Virgilius vocem,  
*advesparascit*, reddidit his verbis :

*Majoresque cadunt altis demontibus umbrae.*

Vel per locutionem quæ circumstantiam  
loci describat; ut si mille agnas te habere  
significaturus, dicas cum eodem Poeta :

*Mille meæ Siculis errant in montibus agnae.*  
Plura si voles ex Arte metricâ Cellerii  
petes, ubi plurima & præcepta &  
exempla ea de re unum in locum ille  
concessit.

### §. III.

#### *Numerus Dictionis Poeticae.*

D. **Q**ui numerus poeticæ dictioni  
convenit ?

M. Numerum ab oratorio longè diver-  
sum indicit Aristoteles, qui numerus  
*μῆτρον* præcè, latinè dimensio appellatur.

D. Quid requiritur ad illum numerum ?

M. Duo requiruntur maximè. 1. Ut re-  
ligiosè servetur legitima pedum dimen-  
sio. 2. Ut numerus ille rebus ipsis, quæ  
celebrantur, sit imprimis accommodatus.

D. Quomodò legitima servabitur pe-  
dum dimensio ?

**M.** Servabitur. 1. Si prosodiæ syllabarum ac pedum ratio habeatur, quæ omnis disciplina traditur à Grammaticis.

2. Si versus solutus non sit & sine cæsurâ, qualis est hic Ennianus :

*Sparsis hastis longis campus splendet & hæret.*

3. Si crebriora continenter in versu non subsultent monosyllaba, ut in hoc Ovidiano :

*Si quis, qui, quid agam fortè requirat, erit.*

Vel contra, grandiorum vocabulorum continuatio non inducatur; ut enim minutiores voculæ humilitatem, sic grandiora vocabula tumorem in versum invehunt.

4. Si vitetur collisio consonantium asperior, qualis est hæc, Rex Xerxes; quam de industria. quærat aliquando ejusmodi collisio ad rem exprimendam, ut in hoc Virgiliano versu :

*Undè prius lætum siliquâ quassante legumen.*

5. Si rejiciantur vocalium elisiones duriores, cujusmodi est hæc Horatiana initio carminis, sed in satyris :

*Quam aut aquila aut serpens.*

**D.** Quomoddò numerus rebus ipsis accommodabitur ?

**M.** Si pedes ita coagmententur, ut verba rebus ipsis quasi concinere videantur.

Atque ideo observandum est qui numerum ad læticiam & celeritatem, qui ad mor-

ram, difficultatem, molem & tristitiam, qui verò faciant ad lenitatem; & exempla ponenda in versu omnium spectatissimo, hexametro, locaque adducenda ex Poetarum principe Virgilio.

D. Qui numeri valent maximè ad lætitiā & celeritatem?

M. Valent ad id numeri fluentes ac liberi, cum ipsa carmina decurrunt expedita perpetuis aut frequentibus dactylis, raris aut molliusculis elisionibus:

4. Æ. *Inde ubi clara dedit sonitum tuba, sinibus*  
acid. *omnes*

*Haud mora prosilire suis: ferit æthera*  
*clamor*

*Nauticus, adductis spumant freta versa*  
*laceratis.*

2. *Trepidusque repente refugit.*

3. *Quadrupedante putrem sonitu quatit*  
*ungula campum.*

D. Qui pedes ad moram, difficultatem, molem, tristitiā & majestatem faciunt?

M. Faciunt ad hoc crebri spondæi, elisiones, verba longiora:

7. Ge. *Flammarum longos à tergo albescere tractus.*  
org.

1. Æ. *Luctantes ventos tempestatesque sonoras.*  
acid.

3. *Monstrum horrendum, informe, ingens,*  
*cui lumen ademptum.*

5. *Amissum Anchisen flebant cunctæque proæ*  
*fundum*

*Pontum aspectabant flentes.*

2. *Illi inter sese magna vi brachia tollunt*

*Liber I.*

*In numerum, versantque tenaci forcipe  
massam.*

Item excurrit aliquando hypermetrum  
carmen, & rerum granditatem ipsâ syl-  
labarum redundantia demonstrat.

*Et magnos membrorum artus, magna ossa,  
lacertosque*

*Exiit.*

*Jamque iter emens, turres ac tecta Lati-  
norum*

*Ardua cernebant Juvenes.*

Exit quoque versus in monosyllabam  
cum energia in sequentibus exemplis:  
*Procumbit humi bos. Mole suâ stat. Totâ  
nituntur opum vl. Subsedet aquæ pons.*

*D. Qui pedes faciunt ad lenitatem car-  
minis?*

*M. Lenissimè fluit alternorum dactylo-  
rum & spondæorum contemperatione.*

*Flectit equos, curruque volans dat lora se-  
cundo.*

*Sidoniam picto chlamydem circumdata lim-  
bo.*

Neque pedum tantum, sed litterarum  
etiam ratio habenda est, cum aliæ suavi-  
tatem concilient, asperitatem inducant  
aliæ; quædam granditati serviant & am-  
plitudini. Primum elementum, A, nescio  
quâ mollitiâ carmen exhilarat; quare à  
sapientissimo Poeta libentissimè frequen-  
tatur.

*Mollia luteolâ pingit vaccinia calthâ*

*Vel mista rubent ubi lilia multa  
Alba rosâ.*

Potuisset luteolis calthis scribere, & multis rosis. E & I sonum habent exilem. U, vastitatem sonat, vastos volvunt ad lit-  
tora fluctus. Vorat aequore vortex. Litera O omnium lenissima, maximeque sonora est. R carmini affert asperitatem, ideoque dicitur litera canina; hanc sæpius usurpavit Virgilius agens de Cane inferorum:

*Æ- Cerberus hæc ingens latratu regna trifauci  
neid. Personat, adverso recubans immanis in an-  
tro.*

*ergo.* Quàm aptè dicitur! ergo agrè rastris terram rimantur. Sed hæc sufficiant, ex quibus capi possit conjectura cæterorum; est enim eadem ratio pedum in aliis carminum generibus, ubi metrum rebus aptari debet, ut in versu heroico.

## CAPUT XI.

### *De causa efficiente Poeseos.*

*D.* QUÆ est causa efficiens Poeseos?  
*M.* Mens Poëæ certis imbuta præceptis, & arte instructa omnem efficit Poësin.

*D.* Igitur poetica appellanda est ars?

*M.* Sanè appellanda est. i. Sic vocant omnes qui de Poetica scripserunt Autho-

res. 2. Tam Poetica in artibus reponenda est, quàm ipsa Rhetorica; cùm finitimus sit *Oratori Poeta*, ut habet Tullius, *nume- 1. de ris astrictior paulò, verborum autem licen- orat- tia liberior, multis ornandi generibus so-*

*cius ac penè par.* 3. Quia Poetica est facultas animi quæ certis quibusdam & non errantibus præceptis ad finem suum tendit opusque perficit, quæ est artis notio.

D. Num furor aliquis poeticus, quod aiunt, requiritur ad efficiendam Poësin?

M. Requiritur utique, si modò bene intelligatur quid veniat furoris illius nomine.

D. Quid est ille furor?

M. Est quidam impetus vehementior quo cùm impellitur animus, furere dicitur, oriturque ille impetus à variis animi perturbationibus quæ undecim numerantur, amor, desiderium, gaudium, odium, fuga, dolor, ira, spes, desperatio, audacia, timor. Neque existimandum est afflari divinitus, ut fabulantur Poetæ, huiusmodi furorem; verùm cùm vehementius solito his agitur, quos appellavi, motibus, qui poeticè scribit, & in rei cuiuspiam maximâ contentione fertur, contemplationem, calorem concipit, vi cuius sic loquitur, ut à sensibus alienatus esse videatur.

D. Quandonam opus est illo furore?

M. Nihil opus est illo furore cùm Poe-



ea fabulam instruit suis partibus ; nihil ,  
cùm aliquid sedatè ac consideratè impri-  
mis canendum est ; sed in aliquibus ora-  
tionibus, narrationibus, descriptionibus,  
objurgationibus, querelis, &c. commo-  
dè aliquando accidit ille furor.

D. Ultra plus confert ad Poësin ars , an  
natura ?

M. Parum certè sine arte natura , pa-  
rum ars sine natura confert. Ars enim  
sine natura tristis est & exsucca ; natura  
sine arte vasta est & inculta. Ita sentit

in Horatius cùm ait :

Arte. *Naturâ fieret laudabile carmen , an arte  
Quæsitum est. Ego nec studium sine divite  
vena*

*Nec rude quid profit video ingenium : al-  
terius sic*

*Altera poscit opem res , & conjurat amicè.  
Qui studet optatam cursu contingere metam  
Multâ tulit , fecitque puer , sudavit , &  
alst , &c.*

Quare quod vulgò dici solet , nasci  
Poetas , sic intelligendum est , ut multæ  
dotes à natura requirantur ad Poësin ,  
quæ tamen arte debent perfici.

D. Qui fuère Poëseos inventores ?

M. De hoc certi nihil afferri potest.  
Orpheus certè, Linus , Musæus , aut Ho-  
mèrus inventores Poëseos dicendi non  
sunt , sed illustratores , antè quos con-  
stat floruisse Poetas.



## CAPUT XII.

*De Fine Poeseos.*

D. Q U I s est finis Poeseos ?

M. Q Est jucunda morum institutio.  
Nam eò tendit Poeta, ut doceat delectando, juxta illud Horatii:

*Aut prodesse volunt, aut delectare Poeta, in  
Aut simul & jucunda, & idonea dicere Arte,  
vita;*

Et paucis interjectis versibus:

*Omne tulit punctum qui miscuit utile dulci,  
Lectorem delectando, pariterque monendo.*

D. Explica, quæso, singulas responsionis voces.

M. 1. Cùm finis sit id cujus gratiâ aliquid sit, sitque alius arti, alius artificis propositus, non agitur hîc de fine artificis, qui est multiplex; cùm possit Poeta scribere vel ut famam aucupetur, vel ut aliquem demereatur, vel ut gratiam alteri reponat, vel ut opes comparet. Verùm agitur de fine artis, propter quem est illa instituta, ac proinde ad quem suapte naturâ collineat.

2. Dicitur ille finis esse morum institutio; quia civilis facultas cùm ad perfectum civitatis statum civiumque felicitatem tota collimet, & ars poetica ad ci-

vilem illam facultatem, ut pars illius eximia, pertineat, planè sequitur Poësin omnem ad ejusmodi felicitatem referri. Cùm autem ejusmodi felicitas per optimam morum informationem comparetur, ad eum finem instituta est Poësis, ut hoc modo mores informet, atque etiam cùm id commodè obtineatur actiones humanas celebrando, in quibus sita est felicitas, ut superiùs tradidimus, hinc factum est ut actiones celebrando, mores instituat.

E. I.

3. Jucunda appellatur morum informatio, propter naturam Poëseos, cujus ornatus omnis miras habet delicias. Et sanè debuit in hoc Poësis, ut in multis aliis, à Philosophia quæ ad mores pertinet, discrepare, ut austerè & jejunè Philosophia; jucundè verò ac planè magnificè mores Poësis instituat.

D. Nonne fines sibi propositos peculiare ac diversos habent singula Poëseos genera? Quomodò igitur Poësis habere dicitur pro fine jucundam morum institutionem?

M. Habent utique suos diversos fines, ut diceretur inferiùs; sed huic primo finì subjectos sic, ut singuli omnes ad eum demum referantur: v. g. Epica Poësis ex fine suo ad id instituta est, ut Viros Principes admirabili dictione ad virtutes comparandas incitet; Tragica, ut quas-

dam animi perturbationes componat ac perpurget; sed hæc ad jucundam quoque morum institutionem referuntur. Neque etiam aliò tendunt comœdiæ, sales ac joci, quàm ut derisa palam vitia, ludibrioque in scenis habita evitentur diligentius; sicque suo modo ad hanc morum informationem alia Poeseos genera revocantur, ut patebit clariùs ex dicendis inferiùs.

## CAPUT XIII.

### *De Divisione Poeseos.*

*D.* Q U O M O D O dividitur Poësis?

*M.* Cùm Poësis omnis, ut initio diximus, aut ferè omnis in imitatione posita sit, optima erit illa Poeseos divisio, quæ à diverso genere imitationis petetur.

*D.* Quotuplex est imitandi genus?

*M.* Triplex vulgò assignatur. Nam in Poematis, vel Poeta per se ipse narrat aliquid, & sermonem alterius refert sine ullis personarum inter se colloquiis; vel non ipse narrat, sed alios tantùm loquentes, & quasi negotiantes inducit; vel & ipse narrat aliquid, & alios inducit loquentes agentesve. Atque ex tribus his imitationis generibus, totidem petuntur genera Poeseos.

D. Quis vocas primum genus ?

M. Narrativum, vel enuntiativum ; hoc genere continentur v. g. tres primi libri Georgicon, & prima pars quarti, ubi semper ipse narrat Virgilius.

D. Quis vocas secundum genus ?

M. Dramaticum, five activum, quo genere comprehenduntur tragicæ & comicæ fabulæ ; item eclogæ, ubi inducuntur agentes inter se pastores.

D. Quis vocas tertium ?

M. Mixtum appellatur, in quo Poeta ipse narrat, atque etiam personas inducit agentes. Ad hoc genus pertinent Ilias & Odyssæa Homeri, Æneis Virgilii, & alia id genus Poemata. Ad hæc tria genera faciliè revocantur, ut patet, omnes elegiæ, odæ, satyræ, aliaque Poemata.

D. Nonne alia est divisio Poeseos ?

M. Alia est maximè vulgaris in Poemata multum alicunde inter se discrepantia. Celebrantur imprimis epopœia, tragiœdia, comœdia, satyra, elegia, ode, epigramma, &c. Unde Poetæ epici, tragici, comici, satyrici, elegiaci, lyrici, epigrammaticarii appellati, de quibus singulis, aliisque momenti alicujus Poematis deinceps agendum erit.



# INSTITUTIONUM

## POETICARUM

### LIBER II.

#### *DE EPOPOEIA.*

**M.** CUM principem inter Poemata locum obtineat epopœia, de illa nobis modò agendum est. Illius naturam ac varias affectiones ut exponamus, definitio primum illius proferenda est, deinde examinanda materia, quam statuemus esse actionem, cujus dotes singulas prosequemur; tum forma explicanda, & apta partium tradenda dispositio, ubi de propositione, invocatione, narratione & epilogo Poematis epici, quantum satis erit, disputabitur.

## CAPUT I.

*Definitio Epopœia.*

D. **Q**UÆ est vis & potestas hujus vocis, *Epopœia*?

M. Ut locutio omnis oratio est, antonomasticè tamen oratio appellatur ornatissima quâ utuntur Eloquentes; sic *Epos*, quod generatim verbum significat, additum est speciatim *Poesi*, atque ab illa communi significatione contractum est ad *Poema*, quod vocatur heroicum. Item *ποίησις* græcè, idem est ac latinè *facere* vel *ingere*. Hinc fit ut *epopœia* secundum vim vocis, sit quasi fictio seu scriptio *Poematis* epici, quod heroicum dicitur.

D. Quomodò definitur *epopœia*?

M. Definitur imitatio actionis unius, totius, veræ, verisimilis, illustris, felicitis & à nobili persona profectæ, narratione dramaticâ, & versu hexametro, quæ viros principes ad primarias virtutes excitat atque adhortatur.

D. Explica, quæso, singulas voces.

M. 1. Dicitur imitatio, quia *Poesis* omnis, aut quæ saltem spectatissima est, ut *epica*, in imitatione posita est.

2. Dicitur actionis imitatio, quia actiones humanæ sunt materia *Poesicos*, ut supra docuimus.

3. Dicitur actionis unius, totius, veteris, verisimilis, illustris, felicitis & à nobili persona profectæ; quibus verbis designatur materia Poematis epici; ratione cujus partim convenit cum aliis Poematibus, partim ab iisdem discrepat, putà à comœdia, cujus materia est actio vulgaris, & plerumque obscura.

4. Dicitur imitatio actionis narratione dramaticâ insignis, eo sensu, ut ne Poeta semper ipse narret; sed personas loquentes, agentesve sæpè etiam inducat; quòd jucundius multò vitæ ritè instituendæ hoc pacto præcepta tradat.

5. Dicitur hæc imitatio versu hexametro exornata, quòd necessariò illud requiratur ad epicum carmen, juxta illud Horatii:

in  
Arte.

*Res geste Regumque, Ducumque, & tristitia bella*

*Qua scribi possent numero monstravit Homerus.*

Arist.  
c. 22.

Undè epicum quidem omne idem est hexametrum; non tamen vice versâ hexametrum omne carmen habendum est epicum, atque heroicum; sed illud tantum quo heroum actiones laudesque celebrantur cum heroica quadam dignitate ac majestate.

6. Dicitur imitatio actionis quæ viros principes ad primarias virtutes incitet, quibus verbis attingitur epopœia

finis. Ad id enim illa instituta est, ut omnium animos, sed principum præsertim, ad præclara facta accendat, ad eaque quasi viam sternat, ponendo ob oculos illustrem quandam actionem, de qua in capite proximè consequenti. Atque ex his patet legitimam hanc esse epopœiæ definitionem, cùm ea complectatur quæ sunt ei addicta sic, ut ad alia traduci nullâ ratione possint.

## C A P U T I I.

### *De Materia Epopœiæ.*

D. QUA est materia epopœiæ?

M. Est actio personæ nobilis, una, tota, vera, verisimilis, illustris, ac felix.

D. Quare debet esse actio personæ nobilis?

M. Quia cùm finis ille, sit epopœiæ propositus, ut viros principes ad præclare facta accendat, debet certè proponi personæ actio, quam imitari sit gloriosum: certum est autem sibi laudi vertere principes, non plebeias aut obscuras personas, sed nobiles atque illustres imitari. Sit itaque illa actio insignis alicujus v. g. herois quî principum animos laudis studio incensos ad sui admirationem imitationemque rapiat.



D. Quem vocas heroem?

M. Antiqui fabulabantur heroes esse quoddam genus deos inter & homines; natos illos vel ex dea aliqua & mortali viro, ut Achillem, & Æneam; vel ex deo & muliere mortali, ut Herculem. Jam verò heros virum extraordinarium sonat, in quem tria hæc maximè dicuntur confluere. 1. Corporis habitudo firma ac laborum patiens. 2. Animus præsens, erectus & robustus quodammodo; cui ab optima corporis temperatione accedat magnitudo. 3. Divina quædam vis & efficientia, quâ qui afflatur, supra hominem & sapere & posse videatur.

§. I.

*Actio Fœminæ an materia Epopœiæ.*

D. **I**TANE actio epopœiæ debet esse herois, ut non possit esse fœminæ, quæ dicatur heroina?

M. Actionem fœminæ esse posse materiam epopœiæ affirmant aliqui, negant alii. Utriusque partis rationes subjicio.

Qui affirmant, aiunt. 1. Non obesse fœminæ animum, qui virili similis est ejusdemque naturæ, huic esse posse armorum usum; atque etiam fœminas aliquando & corporis firmitate & laborum patientiâ viris præcellere. 2. Fœminæ actio-

nem esse sæpè materiam tragœdiæ, quidni & epopœiæ? 3. Fœminæ actione ad præclarè facta accendi posse viros principes, quibus turpe sit ea non posse agere quæ fœmina gesserit. 4. Fœminas à præstantissimis Poetis inductas esse in epopœias & maximis celebratas laudibus propter fortitudinem bellicam, putà Chlorindam à Tasso, à Virgilio Camillam. 5. Excitari à deo posse heroinam quandam, cui belli alicujus summa committatur, quæ habeat omnes herois doctes, nullos habeat sexûs defectus.

Qui verò negant actionem fœminæ esse posse materiam epopœiæ, respondent, 1. Animorum quidem sexum esse nullum: at fœmineum corpus esse imbellius, cujus contagione languet animus, neque rebus bellicis perfectè tractandis idoneas esse fœminas; quibus Aristoteles curam rei domesticæ attribuit; arma verò & ea quæ non modò extra civitatem, sed etiam extra privatos parietes fieri necesse est, viris concedit.

Reponunt. 2. Actionem fœminæ convenire tragœdiæ, non item epopœiæ; quia finis hic est tragœdiæ, ut excitentur purgenturque quidam animi affectus; qui finis tam faciliè obtinetur, siue viri, siue fœminæ celebretur actio; at epopœiæ cum sit ille finis, ut ad ardua quæque & præclarè facta accendat viros principes,

huic rei imparem esse fœminæ actionem ;  
undè :

Negant 3. Actionem fœminæ talem  
esse posse , quam velint viri principes  
imitari. Esto possit illa fœminæ actio in-  
citare viros principes ad arduum aliquid  
suscipiendum ; sed actione illâ fœmineâ  
movebuntur tanquam argumento , quod  
vocant à *minori ad majus* ; quòd turpe sit  
viro , maximè principi , ad illud non  
aggredi , quod fœmina fortiter gesserit ;  
etenim non erit hæc actio exemplaris lo-  
co , quod sibi proponunt viri principes  
imitandum.

Observant 4. Nullam unquam fœmi-  
næ actionem à præstantissimis Poëtis in  
materiam epopœiæ fuisse assumptam ; ce-  
lebratas quidem à Tasso & Virgilio fœ-  
minas ; sed in episodiâ quasi contusas il-  
las fuisse , atque etiam in pœnam remeri-  
tatis obscurâ morte fuisse multatas ; nè  
fuso imbelli indignoque sanguine virum  
aliquem fortem contaminarent. Sic Chlo-  
rinda , de nocte , & ab imprudenti Tancre-  
do perimitur apud Tassum ; ab ignobili  
viro occiditur Camilla apud Virgilium.  
Atque etiam fictitiæ illæ heroinæ non  
stant ab heroe epopœiæ ; imò ipsi adver-  
santur , ut Chlorinda , quæ Mahometanis ,  
& Camilla , quæ Turno militabat. Adde  
quòd unam Camillam uno in libro pug-  
nantem adducit Virgilius , quæ venato-

rem & sacerdotem interimat, heroem nullum.

Notant 5. Actionem foeminae à Deo excitatae, quae nullos habeat sexus defectus, non esse aptam epopoeiae, quod solvatur hoc pacto actio primaria per machinam, quod vitiosum imprimis esse contendunt. Verum nè quid modò dicam de solutione per machinam, de qua postea in forma epopoeiae, bellè reponunt hujus secundae sententiae patroni de actione heroinae ordinariae, at non extraordinariae & per miraculum à Deo excitatae, procedere quaestionem. Atque hae sunt utriusque partis rationes, quae suum utrumque pondus suamque, quamvis fortè non ex aequo, videntur habere probabilitatem.

## S. II.

### *Actio Epopoeia quomodo Una.*

D. Q UO sensu actio epopoeiae debet esse una?

M. EO sensu, ut sit illa actio per se simplex, nec dividi possit in plures actiones primarias. Sic Virgilius Trojae ruinam, & multiplicia sui herois facta contexuit in *Aeneide*, quae sunt quidem variae per se actiones; sed habet tamen unam simplicemque actionem, eamque primariam, quae est in Italia religionis regnique per

victricam de Turno constitutio; undè pender herois felicitas, ad quam cæteras omnes reulit, tanquam actiones secundarias.

D. Quare una debet esse actio epopœiæ?

M. Hanc affert rationem Aristoteles, quod omnes artes, quæ imitatione aliquid perficiunt, ad unum quid imprimis absolvendum allaborent, cujus gratiâ alia esse videantur; talis v. g. pictura, quæ unum aliquid in unaquaque tabella sic perpolit, ut cætera ad id referri omnia satis intelligantur.

D. Qui Poetæ contra epopœiæ peccant unitatem?

M. I. Qui multas actiones unius, ejusdemque herois primarias uno Poemate complectuntur. Reprehendit certè Aristoteles eos, qui ab Hercule, vel Theseo res omnes præclarè gestas uno eodemque opere definiri posse putaverunt. Vicio vertitur Statio quod in Achilleide herois suâ vitam persequi velit integram; canit enim initio Poematis:

*Magnanimum Æacidam, formidatamque  
Tonanti*

*Progeniem, & patrio vetitam succedere  
cælo*

*Diva refer. Quanquam acta viri multum  
incluta cantu*

*Mæonio, sed plura vacant. Nos ire per om-  
nem*

*Sic amor est, Heroa velis, Scyroque latentem  
Dulichia proferre tuba; nec in Hectore  
tracto.*

*Sistere, sed tota juvenem deducere Troja.*

2. Qui duas diversas actiones primarias, quod uno eodemque tempore contigerint, unam epopœiam velit celebrare; esto id concedatur historiæ, at epopœiæ non licet.

Arist. 3. Qui plures heroas inducunt, quibus  
c. 22. eandem ex æquo gloriam tribuant, plures adsint; esto, uno in Poemate heroes; modò unus cæteris videatur præcellere, cujus sit actio primaria. Sic Pallas & Tarchon Aeneæ nihil officiant gloriæ, quamvis fortiter pugnet uterque, atque unus multum conferat ad victoriam de Turno reportandam.

### §. III.

*Actio Epopœia quomodo Tota.*

D. Q UO sensu actio epopœiæ debet esse tota?

a. 5. M. Eo sensu vult esse totam Aristoteles, ut sit in illa initium, medium & finis.

D. Quid intelligis per initium, medium & finem actionis?

M. Per initium intelligo causas & consilia actionis suscipiendæ; per medium, causarum illarum effectus omnes accipio,

& effectuum difficultates ad felicem exitum perducendorum; per finem verò; illarum omnium difficultatum solutionem interpretor.

D. Rem pone in exemplo.

M. Exemplum esto in Æneide. Æneas incensâ Trojâ in eam regionem, undè majores sui venerant, vocantibus fati, collectâ Trojanorum manu, conferre se constituit, *ecce initium*. Post multos terrâ marique exantlatos labores, Junone totam Trojanorum gentem dirissimis odiis ubique prosequente, in Italiam tandem appellit; amicè à Latino rege accipitur, atque etiam in genus asciscitur. Ægrè admodum id ferens Turnus Dauni Rutulorum regis filius qui jamdudum Lavinix Latini filix nuptias ambiebat, grave bellum movet contra Æneam quocum sæpè pugnat & atrociter, *en medium*. Sed victor tandem Æneas, Turno occiso, & Laviniam & regnum obtinet, *en finis*. Reliqua sunt in episodiis.

D. Quid itaque Maphæus Vegius librum adjecit Æneidi, in quo dolorem Rutulorum, Dauni fletum de morte filii, nuptias Lavinix & Æneæ apotheosin profectus est?

M. Vitiosè nimirum, & ineptè egit; cum id satis intelligatur consecutum; & multa circa duo postrema insinuet Virgilius in suo opere absolutissimo.

D. An ideo perfecta dicenda est, quod tota sit actio epopœiæ?

M. Cum tota sit illa actio cui nulla pars deest, perfecta ut sit, requiritur præterea ut partes inter se aptè cohæreant accedatque rerum omnium perfectio & absolutio. Quare præcipit Philosophus, ut Poeta qui fabulam rectè velit constituisse, non tantum eam non incipiat temerè aut finiât, sed etiam formis traditis insistat. Verum & hæc, & quæ ab eodem traduntur de magnitudine actionis, commodius, cum agetur de forma epopœiæ, tractabuntur.

## §. I V.

*Actio Epopœiæ quæ Vera, & Verisimilis.*

D. Q U o sensu debet esse vera actio epopœiæ?

M. Eo sensu ut Poeta teneatur proferre actionem quæ verè contigerit; quam tamen sic ornabit, ut in ornamentis studeat magis verisimilitudini, quam veritati.

D. Quare actio epopœiæ debet esse vera?

M. Quia nemo ad præclarè aliquid gerendum incitabitur proposito aliquo consimili factio, quod certò tamen cognoverit



verit esse falsum, ac proinde sine suo ex-  
cideret epopœia, si falsa induceretur actio  
primaria.

*D.* Potest actio comœdiæ esse falsa quâ  
ad agendum aliquid movetur auditor, &  
quidni & epopœiæ?

*M.* Ratio discriminis est quod cum ac-  
tio comœdiæ per se sit obscura & perso-  
narum vulgarium, satis est illam esse ve-  
rissimilem, ut credatur esse vera, cum  
aliundè ignoretur an vera sit vel falsa; ac-  
tio verò epopœiæ cum sit illustris & no-  
bilitium personarum, non potest ignorari  
qualis sit, adeoque certò creditur vera  
vel falsa; si autem teneatur ejus falsitas,  
eâ non incitabuntur ad imitationem vi-  
ri principes; quandoquidem nemo falso,  
quod agnoscit, movetur ad agendum.  
Idem planè de tragœdia dicendum est,  
cujus actio, ut illustris, sic vera debet  
esse, ut moveat.

*D.* Possunt esse falsæ actiones secunda-  
riæ in epopœia, quidni pariter & actio  
primaria?

*M.* Eodem modo de secundariis illis ac-  
tionibus dicendum, ac de actione primaria  
comœdiæ, si sint illæ non admodum il-  
lustres, satis est verisimiles esse. Tunc  
enim cum nulla subsit falsitatis opinio,  
eum veris ex æquo ferè movebunt.

*D.* Quo sensu debet esse verisimilis  
actio epopœiæ?

*M.* Eo sensu, ut, quod narratur, eredi facile possit contigisse. Nihil præcipit studiosius Philosophus, quàm ut verisimilitudinis habeatur ratio.

*D.* Quare debet esse illa actio verisimilis?

*M.* Quia non satis est aliquid esse verum, nisi & illud idem verisimile sit, ut ad imitationem excitet. Nam quò fieri potest ut si actio proponatur, quæ quidem vera sit, sed vires tamen humanas longè superet, hominem illa ad simile quid suscipiendum aut gerendum impellat?

## S. V.

*Actio Epopœia quomodo Illustris,  
& Felix.*

*D.* Q U o sensu debet esse illustris actio epopœiæ?

*M.* Debet esse illustris vel ratione sui, vel ratione personarum. Illustris est ratione sui actio *Æneidos*, ubi inter alia, agitur de fundatione imperii & constitutione religionis, juxta illud:

*Æne.  
1.*

*Dum condéret urbem  
Inferretque Deos Latio; genus undè Latinum,  
Albanique Patres, atque alta mania Romæ.*

Illustris est ratione personarum actio

Odyssæ, quæ viris non admodum illustribus potest convenire; illa enim sic habet: Ulysses, classe amisâ, occisis sociis, multiplices iniquissimi maris tempestates expertus, multos annos domo absuit; rem illius domesticam intereâ proci decoquebant, ejus uxoris nuptias ambiebant, Telemachum filium insidiis petebant; reversus ille, procos ex insidiis occupat atque interficit. Quid hîc illustre præter personas?

Arist.  
c. 5.

D. Quare illa actio debet esse illustris?

M. Quia cum epopœia viros principes ad præclara facta debeat incitare, proponi debet illustris actio, quam illi imitentur.

D. Quo sensu debet esse felix illa actio?

M. Eo sensu ut felici semper terminetur exitu. Nam præterquam quod sæpè actio tota non erit quæ infelici claudetur exitu, si prætereâ heros misere pereat, aut grandi aliquâ calamitate sub finem excipiarur, concitabit ille indignationem ac dolorem; verum ad imitationem sui minimè commovebit, & sic epopœiæ finis non comparabitur. Debet itaque actio primaria felicem sortiri exitum, quamvis nihil opus sit heroas inducere usquequaque, & in omnibus adjectitiis actionibus fortunatos.

Quia si heros misere pereat, aut grandi aliquâ calamitate sub finem excipiarur, concitabit ille indignationem ac dolorem; verum ad imitationem sui minimè commovebit, & sic epopœiæ finis non comparabitur.

## CAPUT III.

*De Forma Epopœiæ.*

D. QUA est forma epopœiæ?

M. Q Cùm forma Poeseos universè sit fictio seu constitutio, & compositio rerum quæ tractantur in Poesi, sic epopœiæ forma erit earum rerum compositio quæ soli conveniat epopœiæ, posita illâ in quodam cultu ornatuque actionis, qualem in superiori capite descripsimus; adeò ut illa forma nihil aliud sit quàm actio suo modo composita, culta, ornata.

D. Quid requiritur ad illam formam, sive actionis compositionem?

M. Requiritur ut forma illa, fabula, compositio (eòdem enim recidunt hæc vocabula) sit una, magna, splendida, in suas partes ritè distributa & certo quodam ordine disposita; quibus verbis attinguntur: 1. Fabulæ epicæ dotes. 2. Partes. 3. Dispositio: de quibus omnibus breviter disputandum est.

## §. I.

*Fabula Epica Dotes.*

D. QUAE sunt dotes epicæ fabulæ?

M. Q Tres imprimis memorantur & unitas

unitas , magnitudo , majestas.

*D.* Quomodo erit una illa fabula quæ res adeò dispares diversasque complectitur ?

*M.* Erit illa una, si tanta sit illarum rerum omnium inter se connexio , ut in unum aliquid videantur coalescere ; si, cum loco movetur aliquid aut refecatur , non bene sibi constet fabula. Laudat Homerum Philosophus quòd sive naturâ duce , sive arte in *Odyssæam* non conclusit ea *Ulyssis* facta , quæ alia ex aliis non satis penderent. Eâ certè laude florere dicenda est *Æneis* , cui , si v. g. *Trojanæ* excidii , vel *Æneæ* per septem annos peregrinationis narrationem detrahas , à *Didone* tam appositè expetitam , ut quis ac quantus vir tenderet in *Italiam* , planè liqueret ; vel si ludorum celebritatem qui ad posteros transmitti deberent , subducas ; vel si descensum ad inferos , ubi tam multa de Romano , quod fundaturus erat Imperio , didicit *Æneas* , silentio prætermittas , aliquid certè in ea fabula desiderari sentias.

*D.* Quomodo magna erit fabula epica ?

*M.* Philosophus epopœiam comparat e. ss cum animali , quod quamvis elegans , si pusillum est , bellum vocari potest , non pulchrum ; si præter modum exereverit , monstrum fiet , debet videlicet naturali florere magnitudine. Ita se habet

Poema, quod nec brevius, nec longius esse oportet; sed ita temperatum, ut oculos magnitudine impleat, non fugiat.

Quæ cum universè dicta sint, propriè magis ac definitè aliquid de justa epœicæ magnitudine statuendum est, monendumque imprimis aliam esse actionis, aliam fabulæ magnitudinem: de prima non agi hoc loco, quæ in eo sita est, ut  
 2. 1. habeat actio initium, medium & finem,  
 9. 32 ut supra docuimus; sed de altera institutam esse quæstionem, ac proindè videntum quæ sit illa magnitudo fabulæ.

D. Quænam est igitur hæc fabulæ epicæ magnitudo?

M. Duplicem item illam facit Philosophus, unam actionis, quam vocat, non nudæ aut suo carentis ornatu, sed compositæ; alteram quantitatis.

D. Quænam est magnitudo actionis compositæ?

Dis- M. In eo posita est ut uno circiter anno  
 fert, gesta fuerit, quæ est actio primaria; sic  
 perip. Iliadi annum dedit, Homerus ex animad-  
 q. 7. versionem Mambruni, Odysseæ tantum quin-  
 n. 7. quaginta dies idem attribuit; Æncidi  
 quatuor menses supra unum annum concessit Virgilius. Sed episodica aliaque adjectitia ornamenta nullis definiuntur temporis limitibus, cum Ilias novem annis, Odyssea undeviginti res gestas comprehendat, & Æneis quidquid interfuxit ab

heroicis Æneæ temporibus ad ætatem Augusti Imperatoris.

D. Quænam est magnitudo quantitatis?

M. Posita est hæc in numero versuum, qui ad dena ferè millia excurrit in Æneide, duodena excedit in Odyssæa; octo vel novem Tragedias vulgò dicitur æquare versuum numero epopœia. Sed de hoc argumento redibit sermo inferiùs, cum de magnitudine dramatis disputabitur.

D. Undè accersetur majestas epicæ fabulæ?

M. Ex triplici potissimùm capite. 1. Ex mirabili peripetiarum, agnitionum, episodiorum machinarumque contextu. 2. Ex narratione dramatica, cum personas loquentes agentesve adducet Poeta. 3. <sup>1. l. c.</sup> Ex dictione illustri ac splendida, de qua <sup>10. §.</sup> diximus superiùs. <sup>3.</sup>

## §. I I.

### *Fabula Epica Partes.*

D. QUA sunt partes fabulæ epicæ?

M. QUA Dux assignantur, nexus nimirum & solutio, gallicè, *l'intrigue*, & *le dénouement*.

D. Quid est nexus fabulæ?

M. Est ea pars quæ ab initio fabulæ ad eam usque partem excurrit, quæ transi-

Arist. Poeta ab infelicitate ad felicitatem in  
c. 16. epopœia ; vel contra , à felicitate ad infelicitatem in tragœdia.

D. Quid est solutio ?

M. Est altera pars fabulæ quæ ab illo transitu ad usque finem pertinet ; v. g. quidquid in Homeri Iliade certamen antecedit , quo decertavit cum Hectore Achilles , in nexu ponitur ; ipsum verò certamen est in solutione : item in Æneide quæcunque Æneæ & Turni monomachia præmittuntur , sunt in nexu ; ipsa monomachia in solutione est.

M. Quid potissimum observandum est circa nexum fabulæ ?

M. Nè varia sic texantur episodica quæ in nexum cadunt , potissimum ut animum auditoris delectando , longius aberrant ab actione primaria , aut à fine Poematis sint prorsus aliena. Sic Tassus in amoribus Reginaldi & Armidæ qui nihil ad Godofredum Bullonium pertinent , fuit prolixior ; brevius certè & consultius amores Didonis & Æneæ attigit Virgilius , ubi appositè omnia committuntur.

D. Quid observandum est circa solutionem fabulæ ?

M. Primum ut si quæ sint in solutione episodica , ne longius petantur illa ; sed sponte quasi oblata & è re nata esse videantur ; alterum ut ea sint breviter imprimis : quandoquidem in solutione ad



finem anhelat auditoris animus, quem proinde longioribus episodiis morari minimè convenit.

D. Licetne adhibere machinam in solutione fabulæ?

M. Alii negant, affirmant alii. Qui negant, suam 1. ex eo capite tuentur sententiam, quòd solutio facta per machinam, epopœiæ fini maximè officiat. Nam qui poterit ad actionis imitationem vir princeps impelli, cui se sentiat planè imparem; cùm intelligat auxilio se plusquam humano ad simile aliquid suscipiendum indigere? 2. Authoritatem obtinent Aristotelis, qui vult fieri solutionem, non per machinam, sed ex verisimili, id est, ratione naturali, quâc. 12. res exire solet.

Qui verò affirmant, aiunt nihil obstare quominus per machinam solvatur epopœiæ fabula. 1. Ad imitationem actionis posse impelli viros principes, in qua externo quidem numinis alicujus auxilio adjuvatur heros, dum otiosus ille heros non remaneat, sed præstet per se plurimum undè feliciter cedat præclarè factum. 2. Sic clausisse epopœias præstantissimos Poetas; esse v. g. machinam in Odissæ clausula, quæ Minervæ ope solvitur; esse in Æneide, ubi Turni cædes Jovis ductu & auspicio, atque etiam furæ ministerio conficitur. 3. Aristotelis

præceptionem maximè locum habere in tragœdia, in epopœia non item; ratio est quia in epopœia cùm lateat magis machina quàm in tragœdia, ubi machinâ Dii è cœlo delapsi in theatrum producebantur, magis certè animos feriebat subiecta oculis ea machina in tragœdia, quàm suscepta auribus in epopœia; ac proinde minùs erat ferenda in tragœdia quàm in epopœia. Vide Frizonium, qui tam fusè quàm doctè eo de argumento agit in poetica dissertatione de narratione.

### §. III.

#### *Fabula Epica Dispositio.*

D. QUÆNAM est fabulæ epicæ dispositio?

M. Duplex est illa dispositio, una rerum, partium altera.

D. Quænam est dispositio rerum?

M. Intelligitur illa dispositio è celeberrima inter magni nominis in re poetica authores orta dudum contentione, quorum alii volunt rerum, prout contingere, servari ordinem naturalem; alii contendunt eundem debere perturbari; undè quæstio extitit, an Poeta, ut Historicus, hunc servare debeat narrandi ordinem, ut quodcumque primùm contigerit, narret

primum, & in ultimum locum conjiciat quæ postremò facta sunt; vel contrà, an debeat, relicto naturali ordine pro arbitrato suo, à mediis aut etiam postremis auspicari, Rationes, quibus utraque Sententia nititur, hîc refero.

Pro turbatione ordinis naturalis. 1. Stat Horatius qui Antimacho vitio vertit, quòd ab initio actionis fuerit exorsus; & Homero laudi tribuit, quòd secùs fecerit, qui

*Nec reditum Diomedis ab interitu Meleagri,*

*Nec gemino bellum Trojanum orditur ab ove.*

in  
Arte

*Semper ad eventum festinat, & in medias res,*

*Non secùs ac notas, auditorem rapit.*

Idem sentiunt Macrobius, Vida, Scáliger & alii qui de Poetica scripsêre. 2. Quia in eo videntur inter se differre debere Poeta & Historicus, ut perturbatum unus, naturalem alter narrandi ordinem sectetur. 3. Quia hæc perturbatio ordinis ad animorum facit expectationes suspensionesque, quas Poeta quærit studiosiùs. 4. Quia sic demùm narraverunt Poetæ præstantissimi, Homerus & Virgilius, quorum prior non ab Helenæ raptu aut ab initio belli Trojani, sed ab ira Achillis, quæ jamdiu cœptâ Trojæ oppugnatione, in Agamemnonem erat.

fit, opus inchoat; alter Æneæ navigationem erroresque narraturus, à septimo anno peregrinationis initium ducit carminis:

*Vix è conspectu sicula telluris, &c.*

Part.

1.

quæst.

2.

Contra tamen pro naturali ordine sentiunt alii bene multi, quibus consentit Mambrunus in Dissertatione peripatetica de epopœia. Adducunt illi primum Philosophi auctoritatem, qui sancit eum ordinem ab epico Poeta retinendum esse, ut fabula ab ineunte actione incipiat, continetur & cum eadem desinat.

2. Suam sententiam multiplici ratione confirmant. 1. Natura suis quæque locis disponit; igitur & ars naturæ æmula. 2. Poema instar animantis obtinet; quod certè, si caput pectoris locum aut pedum invadat, monstrum fiet. 3. Argumentum epopœiæ breve esse debet, quomodo breve illud erit, si plurium annorum res gestas complectatur. 4. Episodiis nullus erit locus, si omnia per se ad fabulæ constitutionem pertineant.

3. Contendunt neque Homerum, neque Virgilium perturbatè narrasse; & primum quidem Homero non fuisse propositum in Iliade Trojæ excidium, sed Achillis iram, quæ rem Græcorum ante Trojam inclinatam restituit; idque constare ex ipso principio, & invocatione: *Iram cane Dea Pelide Achillis*; neque in Odyssæa

Odyſſea propoſitos fuiſſe omnes errores Ulyſſis, ſed navigationis partem tantum; quod itidem ex proœmio patet in hunc modum exeunte: *Horum partem Dea Filia Jovis dic & nobis*; quæ autem intexuntur Iliadi Achillis itam & ſimilitudinem antecedentia tempore, quæ in Odyſſea de Polyphemo, de Circe, de Ulyſſis deſcenſu ad inferos, habenda eſſe in epiloſiis, idem ſtatuunt de Æneide, nempe ſeptimum duntaxat annum navigationis Æneæ ſuſcipi à Virgilio, narrandum cum appulſu in Italiam & fatali ad conſtituendum imperium de Turno victoria; narrationem verò excidii Trojani apud Didonem aliaque ejusmodi antecedentia ſeptimum navigationis annum in epiloſiis reponenda eſſe.

4. Itaque præcipiunt peti aliundè Poetæ ab Historico discrimina. Historicus verum, quæ verum; Poeta verum vel veriſimile, quæ veriſimile, tantum ſecratur. Plures actiones primarias Historicus; unam Poeta proſequitur. Ab epiloſiis ſibi temperat Historicus, quibus liberaliter indulget Poeta; in id tamen ambo conveniunt, ut nè in epopoia magis aliquid, quàm in hiſtoria perturbatè narrari poſſit.

D. Quid tandem ſtatuſ ea de re ſentiendum?

M. Eodem puto utramque recidere ſen-

rentiam, ac proinde non tam de re hic ;  
quàm de voce disputari ; nimirum quo  
nomine appellanda sit ejusmodi narratio ;  
ambigitur ; cùm in id omnes consentiant  
optimè fuisse institutum narrandi ordi-  
nem ab Homero Virgilioque usurpatum,  
rerumque permixtionem perbellè cade-  
re ; verùm alii contendunt non idèò per-  
turbari ordinem dicendi naturalem ; aliis  
perturbari volunt. Quæ ut concilientur  
inter se, dicendum videtur, non pertur-  
batè narrari, si spectetur sejuncta ab epi-  
sodiis actio primaria ; perturbatè verò  
narrari, si omnia simul accipiantur, ne-  
que à primaria actione secernantur epi-  
sodia.

D. Jam verò quis ordo partium servan-  
dus est in fabula epica.

M. Posteaquam Poeta actionem, qua-  
lem descripsimus, animo informavit,  
personarum mores & officia excogitavit,  
epilodia, peripetias, agnitiones & ma-  
chinas commentus est, & suum cuique  
locum destinavit; ad opus tandem aggre-  
ditur. 1. Proponendo quid canendum sus-  
cipiat. 2. Invocando numen aliquod cujus  
afflatu arduum opus perficiat. 3. Rem to-  
tam narratione prosequendo. Denique  
epilogum aliquando sive perorationem  
attexendo. Unde quatuor epopœiæ partes  
existunt, propositio, invocatio, narra-  
tio & aliquando peroratio ; de quibus

omnibus modò nobis agendum est.

## CAPUT IV.

### *De Propositione Epopœiæ.*

D. QUID est propositio epopœiæ?

M. Est prima pars Poematis epici in qua Poeta breviter proponit & summarim quid in reliquo Poemate sit dicendus.

D. Quæ sunt dotes illius propositionis?

M. Quod Rhetores in orationis exordio præcipiunt, ut appositè, ut breviter, ut verecundè, ut accuratè contextatur, idem omninò de propositione epopœiæ, quæ est ejus exordium, dicendum est.

D. Quomodò appositè præmittetur propositio?

M. Si non vagè, sed propriè congruenterque argumento prætexatur; id est si rei caput designetur primis versibus: talis est propositio Æneidos:

*Arma virumque cano Trojæ qui primus ab  
oris*

*Italiam fato profugus, Lavinaque venit  
Littora.*

Interdum etiam aliquid propositioni subjungitur, quod extra propositionem

quidem sit, sed valeat ad gratiam principis vel populi aucupandam, ut istud apud Virgilium :

. . . . . *genas undè Latinum*  
*Albanique Patres, atque altæ mœnia Romæ.*

D. Quomodò brevis erit propositio?

M. Si non excurrat latius in iis quæ parum ad rem faciunt; ea enim tantum adhibenda sunt quæ valeant ad docilitatem & attentionem comparandam cum aliqua, si opus est, benevolentia. In legem brevitatis peccat Jovianus Pontanus in principio Uraniæ:

*Qui cœlo radiant ignes, quæ sidera mundo*  
*Labantur tacito, stellis quibus emicet ingens*  
*Signifer, &c.*

Ubi vides crebram ejusdem rei expressionem, ignes, sidera, stellas, cœlo, mundo tacito, &c. quæ omnia eodem recidunt. Quantò aptius est initium Georgicon Virgilii.

*Quid faciat lætas segetes, quo fidere terram*  
*Vertere Mæcenæ, ulmisque adjungere vites*  
*Conveniat: quæ cura bovm, qui cultus*  
*habendo*

*Sit pecori, atque apibus quanta experientia parcis,*

*Hinc canere incipiam.*

Hic nihil redundat, sed libri Georgicon singuli singulis ferè numeris aut incisis designantur. Peccat item Lucanus octavo e vitæ initio Pharsaliæ, ubi  
 statim



statim effunditur, ac longâ declamatione conqueritur, & renovatam propositionem invocationi subnectit:

*Fert animus causas tantarum expromere rerum,*

*Immensumque aperitur opus.*

Tum causas illas amplissimè exponit, quæ strictim ac leviter attingendæ fuerunt; quod sanè prudenter observatur à Virgilio initio *Æneidos*:

*Urbs antiqua fuit; Tyrii tenuere coloni,  
&c.*

Verùm alia est prorsùs ratio panegyricorum, ubi exordimur aliquando à descriptione, vel propositâ quæstione latius excurrimus, ut videre est apud Claudianum in panegyricis. Ratio brevitatis est in propositione, quòd aperte agat Poeta, neque veteratorio quodam flexu, ut Orator, indigeat ad animum auditoris demerendum, qui ubi cognovit quæ de re sit agendum in Poemate, statim ad narrationem festinat.

D. Quomodò verècundè & modèstè fiet propositio?

M. Si absit omnis ingenii doctrinæque jactatio, omnis granditas ac tumor, & exquisitior ornatus. Cyclicum Poetam seu circumforaneum, qui carmen in corona ad gloriam aucupandam recitabat, acriter reprehendit Horatius quòd sic exorsus fuisset:

in  
Arto

*Fortunam Priami cantabo, & nobile bellum.*

*Adjungit mox :*

*Quid dignum tanto feret hic promissor  
hiatu ?*

*Parturient montes , nascetur ridiculus mus.*

*Deindè prædicat Homerum qui modestius Odyssæam incipit , & paulatim assurgit magnificentius :*

*Quantò rectius hic , qui nil molitur ineptè ?*

*Dic mihi , Musa , virum capte post tempora Trojæ*

*Qui mores hominum multorum vidit & urbes.*

*Non fumam ex fulgore , sed ex fumo dare lucem*

*Cogitat , ut speciosa debinc miracula promat*

*Antiphatem , Scyllamque , & cum Cyclope charybdim.*

*Initium Pharsaliæ affectatius videtur & tumidius :*

*Bella per Emathios plusquam civilia campos*

*Fusque datum scelerè canimus populumque potentem*

*In sua vittrici conversum viscera ferro ,*

*Cognatasque acies , & rupto fœdere regni ;*

*Certatum totis concussi viribus orbis*

*In commune nefas , infestisque obvia signis*

*Signa , pares aquilas , & pila minantia pilis.*

*Quæ carmina , ut nihil dicam de voce ,*

*plusquam , initio Poematis usurpata , tam*

*vasta sunt , sonantia , tumida , ut fateatur*

*Scaliger se videri sibi audire Luca-*

num non tam canentem, quàm latrantem.  
Nihilo fuit verecundior Statius in prin-  
cipio Achilleidos :

*Magnanimum Æacidem formidatamque  
Tonanti*

*Progeniem, & patrio vetitam succedere  
cælo,*

*Diva refer.*

Ubi versu primo sexies literam, a, re-  
petitam habes, tres continuas voces te-  
tra-syllabas, quæ negotium facessant pro-  
nuntianti. Turgidus est quoque Claudia-  
nus in propositione carminis de raptu  
Proserpinæ :

*Inferni Raptoris equos afflataque curru  
Sidera Tenario caligantesque profunda  
Junonis thalamos audaci promere cantu  
Mens congesta jubet.*

D. Quomoddò erit accurata propositio?

M. Si neque tumida, neque jacens ne-  
glectaque sit; perinde ergo vitanda est  
nimia cura, & nulla. Languidior paulò  
videtur hæc propositio Silii Italici de  
bello Punico 2.

*Ordior arma quibus cælo se gloria tollit  
Æneadum, patiturque ferox Oenotriâ jura  
Carthago. Da, Musa, decus memorare la-  
berum, &c.*



## CAPUT V.

*De Invocatione Epopœia.*

D. Quid est invocatio in Poemate epico ?

M. Est ea pars Poematis epici in qua numen aliquod invocatur, cujus afflatu carmen, quod per se arduum est & humano ingenio majus habetur, tandem perficiatur. Quæ invocatio attentionem & admirationem commovet, arque etiam summam operi conciliat auctoritatem, ut quasi divinitus, quæ canuntur, postmodum efferantur.

D. Estne semper adhibenda invocatio ?

M. Cum grave aliquod scribitur Poema, illa adhibetur; in minoribus vero Poematis, maxime in panegyricis, frequenter omittitur.

D. Sejungiturne invocatio à propositione ?

M. Sejungitur aliquando, aliquando cum illa involvitur. Latini epici ut plurimum sejungunt; sic apud Virgilium post hanc propositionem: *Arma virumque cano*, &c. sequitur invocatio, *Musa mihi causas memora*, &c. Græci vulgò invocationi propositionem implicant; sic Homerus orditur Iliadem: *Iram cane, Dea,*

*Pelide Achillis, &c.* Sic *Odyſſeam* : *Virum mihi dic, Muſa, &c.* Atque etiam apud Latinos Lucretius, Statius, Vida, & Virgilius ipſe in *Eclogis* invocationem cum proſitione permittunt. Id autem fit oportune cum opera principibus inſcribuntur viris, quos honorifice ſtatim appellamus.

D. Repetitur invocatio in decurſu Poematis ?

M. Repetitur cum res gravior dicenda occurrit; ac tum comparatur attentio cum ſignificatur tanti rem eſſe, ut opus ſit divino quodam afflatu ad eam pro dignitate exponendam. Sic Virgilius in ſingulis *Georgicis* invocationem, quam ipſo in limine operis generalem inſtituerat, inſtaurat pro rerum natura tractandarum; ſic in 6. *Æneid.* inferos deſcripturus, Deos inferorum invocat :

*Dii, quibus imperium eſt animarum, umbræque ſilentes,*

*Et chaos, & Phlegeton, loca nocte ſilentia latè,*

*Sit mihi fas audita loqui: ſit numine veſtro Pandere res altâ terrâ, & caligine merſas.*

Clariffima eſt quoque illa invocatio è 6. libro petita, ubi ad alteram ſui partem inſtituti, vitamque *Æneæ* bellicoſam aggreditur :

*Nunc agè, qui Reges, Erato, que tempora rerum;*

*Quis Latio antiquo fuerit status advena  
classem*

*Cum primum Ausoniis exercitus appulit oris  
Expeſciam, & primæ revocabo exordia pugnae  
Tu valem, tu Diva mone.*

D. Qui sunt invocandi in poemate?

M. Ethnico Poetæ profana & commentitia numina liceat invocare; at Christiano divinus Spiritus, Christus servator, Virgo Deipara, Angelus tutelarior, aut is cujus res gestæ canuntur, Vir sanctus implorandus est. Item si res præclare gestas Ducis alicujus aut Principis scribimus, aut si illi opus dicamus, commodè ille potest invocari, uti exemplo suo docuit Virgilius in 1. Georg. his luculentis carminibus:  
*Tuque adeo, quem mox quæ sint habitura  
Deorum*

*Concilia, incertum est, Urbisne invisere  
Cæsar*

*Terrarumque velis curam, &c.*

Sic Lucanus Neronem in Pharsalia, Valerius Flaccus initio Argonauticon, & Statius initio Thebaidos, Domitianum invocant. Atque hîc observandum est licere Poetæ Christiano in sacro Poemate Musas usurpare pro poetica facultate, pro sacro impetu, atque enthusiasmo, Jovem pro cælo, Neptunum pro mari, pro bello Martem; adeoque hæc aliaque his similia hoc sensu accepta, posse Poematis de Christianis mysteriis scriptis inseri.

## CAPUT VI.

### *De Narratione Epopœiæ.*

*D.* Quid est Narratio epopœiæ ;

*M.* Est pars, seu potius corpus Poematis, cui propositio & invocatio quasi facem præferunt, parantque attentionem & docilitatem. Cum autem non tam verum, quàm verisimile Poetæ sit propositum ; sic non tam rei gestæ quàm velut gestæ expositio dici debet hæc narratio.

*D.* Quid est spectandum maximè in illa narratione ?

*M.* Cum tam latè pateat ut totum Poema exhauriat, cadunt in illam quæ hactenus omnia de epopœiæ, atque etiam de Poesi universè sumpta diximus. Quare addenda sunt aliqua duntaxat circa proprias, quæ vulgò assignantur, illius dotes.

*D.* Quæ sunt illæ dotes ?

*M.* Tot epicæ, quot oratoricæ narrationi dotes tribuuntur, brevitæ, perspicuitas, probabilitas & suavitas.

*D.* Quo sensu narratio epica debet esse brevis ?

*M.* Eo sensu, ut crebriores prolixioresque digressiones nè adhibeantur, maximè si ad rem parum faciunt : arguitur

Catullus quòd dimidium Poematis de nuptiis Pelei & Thetidos in descriptione vestis Ariadnæque fabula consumpserit ; ut nihil deductum longius , sic nec repperitum fastidiosius , aut quæsitum ambiciosius afferatur. Fabulæ epicæ qualem descripsimus , seruetur magnitudo , quæ longior non erit si nihil adducatur inane , quod recidi possit. Nam ut acutè Martialis :

*Non sunt longa quibus nihil est quod demere possis :*

*Sed tu , Coscon , disticha longa facis.*

D. Quomodò debet esse perspicua narratio ?

M. Si alludatur quidem ad fabulas & historias ; si usurpentur hellenismi seu formæ loquendi à Græcis desumptæ ; sed ita tamen ut à quovis non imperito facile intelligantur ; si vocabula obsoleta & ex altissimis antiquitatis ruderibus effossa , ac proinde obscura vitentur. Sanè ut quisque disertissimus est , ita loquitur apertissimè ; sed sat multa eo de argumentis tradidimus suprà in dictione poetica.

D. Quomodò debet esse probabilis illa narratio ?

M. Eo sensu ut sit verisimilis , nihil debet magis cavere Poeta , ut jam sæpe docuimus. Itaque , quod rectè monet Horatius :

*Ficta voluptatis causâ sint proxima veris ,*  
Nec

l. 2. sp. 55.

c. 10.  
§. 3.



Nec quodcumque volet, poscat sibi fabula <sup>in</sup>  
 credi. <sup>Arte</sup>

Et ut jam inde à principio docuerat,

*Pictoribus atque Poetis*

*Quidlibet audendi semper fuit aqua po-  
 testas.*

*Scimus, & hanc veniam petimusque, da-  
 musque vicissim;*

*Sed non ut placidis coeant immitia, non ut  
 Serpentes avibus jungantur, tigribus agni.*

In locis temporibusque notandis, ma-  
 ximè verò in effingendis personis hujus  
 verisimilitudinis habenda est ratio:

*Ætatis cujusque notandi sunt tibi mores, in  
 Mobilibusque decor naturis dandus & -Arte  
 annis,*

Inquit idem Horatius, qui varios ho-  
 minum mores luculenter ibidem descri-  
 bit, de quibus & nos, quantum satis est,  
 egimus superius. Ubi tamen velim ad lib. 1;  
 veritas non tam artis circundari terminis c. 8;  
 probabile, ut locus non sit admirabili,  
 quod in Poemate spectatur imprimis.

*D. Quomodo suavis erit narratio epica?*

*M. Si elegantia & jucunditate verbo-  
 rum sonantium leniumque floreat, quod  
 de oratione monet Tullius; si neque as-  
 peros habeat concursus neque disjunctos  
 atque hiantes; si sit circumscripta, non  
 longo anfractu, sed ad spiritum vocis ap-  
 to, si eodem semper tenore non decurrant  
 carmina. Item suavis erit, si intexantur*

hypotyposes, suspensiones, metaphoræ, exclamationes & admirationes; si interponantur motus animorum, mores & colloquia personarum, obliquæ orationes, exitus inopinati, dolores, lætitiæ, metus, cupiditates, iracundiæ pro rerum varietate. Sed nihil ad suavitatem accommodatius est quàm idonea rebusque ipsis consentanea modulatio numerorum, de qua egimus in dictione poetica.

Atque hæc de generali narratione quæ corpus efficit Poematis; peculiaribus tamen, quæ huic intexuntur narrationibus, eadem pro rata portione conveniunt. Eximia illiusmodi narrationum habes exempla apud Frizonium, & in gravi, & in temperato genere.

## C A P U T VII.

### *De Epilogo Epopæiæ?*

D. **A** P P O N I T U R N E epilogus & quasi peroratio epopæiæ?

M. Apponitur, non semper quidem, sed aliquando tamen & epopæiæ & aliis Poematis, atque etiam interdum in ipso decursu operis post aliquod nobile factum. Ita Virgilius in 9. *Æneid.* narratâ Nisi & Euryali celeberrimi paris amicorum cæde, rem hoc epilogo sive epichaphemate concludit:

Fortunati ambo, si quid mea carmina possunt:

Nulla dies unquam memori vos eximet ævo;  
Dum domus Aeneæ Capitoli immobile saxum  
Accolet, imperiumque pater Romanus habebit.

In fine sæpius suorum operum epilogum usurpant Poetæ variis modis. Nam aliquando indicant ea quæ cecinerunt, & temporis, loci, ætatis, occupationum suarum aliquam mentionem attexunt; ita Virgilius in fine Georgic.

Hæc super arborum cultu pecorumque canebam,

Et super arboribus, Cæsar dum magnus ad altum

Fulminat Euphratem bello, victorque volentes

Per populos dat jura viamque affectat olympo.

Illo Virgilium me tempore dulcis alebat  
Parthenope, studiis florentem ignobilis oîs,  
Carmina qui lusi pastorum, audaxque juven-  
venta

Tityre, te patula cecini sub tegmine fagi  
Virgilium imitatus Scævola Sammar-  
thanus, in fine Pædottrophix canit:

Hæc ego Pætonicis quondam secretus in agris -

Buxiferos inter colles & confraga saxa,  
Numen ubi dabat ipse loci gratissimus hor-  
ror

*Cantabam; exili quàm se vagus amne per  
herbam*

*clanús agit sensim, & sinuoso littore serpit;  
Tempore quo veteri deductus ab Hectore  
sanguis,*

*Henricus nova spes hominum, nova cura  
Deorum,*

*Gallica Sarmaticis forti conjuncta gerebat  
Sceptra manu, &c.*

*Aliquando gratulantur, & immortalita-  
tis spe sibi blandiuntur; sic Ovidius in fi-  
ne Metamorphoseon canit:*

*Jamque opus exegi, quod nec Jovis ira,  
nec ignes,*

*Nec poterit ferrum, nec edax abolere ve-  
tustas;*

*Cum volet illa dies, quæ nil nisi corporis  
hujus*

*Jus habet, incerti spatium mihi finiet ævi:*

*Parte tamen meliore mei super alta perennis*

*Astra ferar, nomenque erit indelebile nos-  
trum.*

*In eundem sensum Nibrum tertium car-  
minum claudit Horatius:*

*Exegi monumentum ære perennius,*

*Regaliq; situ pyramidum altius:*

*Quod nec imber edax, aut aquilo impotens*

*Possit diruere, aut innumerabilis*

*Annorum series, & fuga temporum.*

*Non omnis moriar, &c.*

*Modestius suam Thebaida affatur Sta-  
gius in fine:*

*Durabis*

*Durabisne procul, dominoq; legere superstes,  
O mihi bis senos multum vigilata per annos  
Thebai? jam cæptæ præsens tibi fama be-  
nignum*

*Stravit iter cæpitque novam monstrare fu-  
turis.*

*Jam te magnanimus dignatur noscere Cæsar,  
Italia jam studio discit memoratque juven-  
tus.*

*Vive precor, nec tu divinam Æneida tenta,  
Sed longè sequere, & vestigia semper adora;  
Mox tibi si quis adhuc prætendit nubila li-  
vor,*

*Occidet, & meriti post me referentur bono-  
res.*

*Aliquando Poeta missionem petit à  
Musis, laboris diuturnitatem causatus,  
& in alicujus laudes digreditur; ita Fri-  
zonius carmen absolvit de pace sive de in-  
sula fortuna:*

*Emerita hic demum statio benefida carinae,  
Hic longi requies cursus. At tu, inclyte Juli,  
Nam quid dissimulo? Genius tu pacis Haroo  
Cum magno adversas componens fœdere  
gentes,*

*Seu Gemini implacidos tranquillanti lumine  
fluctus,*

*Ecce alium ex alio rapis indefesse laborem.*

*Epilogum epopœiæ minimè necessa-  
rium esse demonstrant Ilias, Odyssea &  
Æneis, quæ ipsâ narrationis absolutio-  
ne concluduntur.*



# INSTITUTIONUM

## POETICARUM

### LIBER III.

#### DE DRAMATE.

**P.** **E**PICAM Poëfin excipit proximè dramatica, de qua sic disputabimus, ut in Poema dramaticum universè primùm, deinde in singulas ejus species inquiramus, ac pro instituto dicendi ordine definitionem, materiam, formam, partes, finem, aliasque, quæ ipsum tum generatim, tum singulatim afficiunt, proprietates breviter exponamus.

#### CAPUT I.

##### *Definitio Poematis Dramatici.*

**P.** **Q**UID est Poema dramaticum?  
**M.** **Q**UOD est Si vocis etymon species, à

voce græcâ *ᾠδὴ*, latinè *agere*, dicitur Poëma dramaticum, quod totum sit in actione: unde actores vocantur ii qui eo in Poemate colloquuntur.

2. Si rei definitionem quæras, est imitatio actionis unius, totius, justæ magnitudinis, veræ vel falsæ, verisimilis, insignis vel vulgaris, felicitis vel infelicitis, quæ metro & harmoniâ, non narrando, sed agendo, vel quosdam animi affectus excitat & perpurgat, vel vitæ privatæ exemplum proponit.

*D.* Explica, quæso, singulas voces?

*M.* 1. Dicitur imitatio actionis, quia cum poësis in imitatione actionum humanarum sit posita, ut initio docuimus, lib. 1. species quoque illius singulæ ejusmodi cap. 1. actiones imitantur.

2. Dicitur actionis unius, totius, justæ magnitudinis, veræ vel falsæ, verisimilis, insignis vel vulgaris, felicitis vel infelicitis; quibus verbis partim dramatica Poësis cum epica convenit, cujus actio est una, tota, magna, vera, verisimilis, illustris ac felix; partim ab eadem discrepat, cum actio dramatica possit esse falsa & vulgaris, si scribatur comœdia; infelix, si tragoedia.

3. Dicitur Poëma dramaticum imitari metro & harmoniâ; quia inducuntur personæ colloquentes inter se, non solutâ, sed illigatâ numeris oratione, cui

cantus in certis quibusdam locis adjicitur.

4. Dicitur non narrando, sed agendo imitari; quia nihil ipse Poeta exponit aut commemorat, ut in epopœia; sed productis in scenam personis sermonem tribuit, easque inter se agentes negotiantesque exhibet.

5. Dicitur vel excitare ac purgare affectus, vel privatæ vitæ exemplum proponere; quibus verbis tum officium, tum finis Poematis illius attingitur; excitat enim ac purgat affectus tragœdia; vitæ privatæ proponit exemplum comœdia; mores utraque, ut omnis Poësis, rectè instituit.

## CAPUT II.

### *De Materia Poematis Dramatici.*

D. ○ UENAM est materia Poematis  
M. dramatici?

M. Est actio una, tota, magna, vera vel falsa, verisimilis, insignis vel vulgaris, felix vel infelix.

D. Quo sensu debet esse una, & tota illa actio?

1. 1. c. M. Eo sensu, ut nec in plures actiones
2. §. primarias dividatur, nec suo initio, me-
2. & dio ac fine careat, ut suprâ docuimus.
- 3.



*D.* Quo sensu debet esse magna ?

*M.* Eo sensu, ut eò usque crescere possit ac debeat, donec tandem pro rerum natura, quæ aguntur, necessariò vel commodè mutatio inferatur in fabula implexa, & in simplici juxta naturalem rerum exitum finis imponatur, qui su- c. 3.  
premus est actionis terminus : qualis sit §. 1.  
ille, patebit ex dicendis inferiùs.

*D.* Quomodò erit vera vel falsa ?

*M.* Si verè contigerit aut non contige-  
rit ; quando autem & quatenùs veritas  
vel falsitas actioni dramaticæ conveniat,  
dicetur postea, cùm agetur de tragœdia c. 8. &  
& comœdia. 12;

*D.* Quo sensu debet esse verisimilis ?

*M.* Eo sensu, ut nihil afferatur quod sit  
præter naturalem rerum ordinem, specta-  
tis circumstantiis in quibus dicitur illa  
actio contigisse. Ubi duplex distingui so-  
let verisimile ; unum, quod dicitur gene-  
rale ; ut quid debuerit aut potuerit age-  
re rex, imperator, ambitiosus, iracun-  
dus, &c. alterum, quod particulare vo-  
catur, ut quid Alexander, Cæsar aut  
quivis alius gesserit. Atque etiam illud  
utrumque verisimile vel ordinarium est,  
quòd tam sæpe accadat quàm contrarium ;  
vel extraordinarium, quòd rariùs qui-  
dem, sed probabiliter tamen accadat ;  
sic callidior à minùs callido fallitur, for-  
tior à minùs forti aliquando vincitur.

D. Quomodo actio illa insignis erit, vel vulgaris?

M. Talis erit vel ratione sui, vel ratione agentium personarum: quid conveniat tragœdiæ, quid comœdiæ, explicabitur inferius.

c. 9. D. Quomodo erit felix, vel infelix illa actio?

M. Ratione exitûs felicitis vel infelicitis solet hîc appellari felix vel infelix actio; adeoque felix est, quæ licet multas contineat turbas, fortunato tamen exitu concluditur; & contrà infelix illa est, quæ quamvis prosperè admodum in decursu succedat, luctuoso tamen fine terminatur. Quatenus autem actioni tragicæ vel comicæ congruat felicitas aut infelicitas suis locis exponetur. Ad formam  
c. 8.  
c. 12. veniamus jam Poematis dramatici, eaque proferamus quæ de illa universè, quatenus ad tragœdiam & comœdiam simul pertinet, uti fecimus de ejus materia, tradi commodè possunt.

### CAPUT III.

#### *De Forma Poematis Dramatici.*

D. QUA est forma Poematis dramatici?

M. Est fabula sive compositio actionis,

in qua, ut in epica, considerandæ sunt  
dotes, partes & dispositio?

D. Quæ sunt dotes fabulæ dramaticæ?

M. Prima est unitas, altera simplici-  
tas, tertia magnitudo.

§. I.

*Unitas & simplicitas Fabula  
Dramaticæ.*

D. In quo posita est unitas fabulæ dra-  
maticæ?

M. In tanta partium omnium rerum-  
que diversarum inter se connexionem, ut  
in unum aliquid videantur coalescere:  
nam ut domus, quamvis constet ex plu-  
ribus, sit tamen una ex apta eorum om-  
nium conjunctione; sic fabula dramatica  
fit una ex plurium aptè inter se conne- lib. 4.  
xorum complexione, ut docuimus in fa- cap. 3.  
bula epica. §. 1.

D. Quomodo simplex esse debet fabula  
dramatica?

M. Geminam tribuit huic voci notio-  
nem Philosophus, qui fabulam simplicem  
modò duplici, modò opponit implexæ.  
Fabula simplex, quæ duplici opponitur, c. 9.  
est ea in qua oritur unus status eorum de Doct.  
quibus est fabula, qui è felicibus infeli-  
ces, aut contrà ex infelicibus felices exis-  
tunt. Duplex verò ea est in qua alii se-

lices, infelices alii evadunt, uti fit in Odyſſea, ubi felix Ulyſſes, proci infelices; & in Æneide felix Æneas, Turnus infelix efficitur; Atque hoc ſenſu ſimplicem fabulam eſſe vult Ariſtoteles in dramate, aut ſaltem longè antepoſit duplici, quòd multò magis valeat ad affectuum commotionem: commoventur enim illi vehementius, cùm grandi omnes, nullo excepto, excipiuntur calamitate in tragœdia; in comœdia, verò placet magis qui lætus eſt omnibus actoribus, ac fortunatus exitus.

**R. 9.** Fabula ſimplex, quatenùs opponitur implexæ, ea eſt quæ eſt una, continua, ſic, ut ſine peripetia, id eſt, ſine manifeſta in contrarium mutatione aut agnitione ad finem deducatur. Fabula verò implexa ea eſt quæ cum peripetia ſive mutatione aut agnitione, aut utraque ſimul ad finem uſque procedit.

**D.** Da exemplum utriuſque fabulæ ſimplicis & implexæ?

**M.** Habes ſimplicem Fabulam in Ajace Sophoclis, & Hercule furente Senecæ, & alibi paſſim multis in locis: ibi enim nihil accidit præter expectationem; v. g. Ajax plenus animi & contemptùs impatiens furit, poſteaquam verò ad ſe rediit, præ pudore ſibi mortem conſciſcit: eodem ferè modo Hercules ſe gerit, niſi quòd ſuperſit.

Fabulæ

Fabulæ implexæ eximium habes exemplum apud Senecam in Oedipo; ubi cum Oedipum missus Corintho senex adiisset, ut significaret regem ipsum à Corinthiis pronuntiatum esse, atque hac ratione gratissimum illi nuncium afferre se existimaret, contrarium effecit: paulatim enim intellexit ille se & parricidam, & incestis Jocastæ matris implicatum nuptiis; atque hinc subitò, & præter omnium expectationem factus est infelicitissimus. Ubi vidēs mirabilem periperiam, simul & agnitionem. Atque hæc fabula, quæ implexa dicitur longè præstat simplici, juxta mentem Philosophi, qui præcipit fabulam dramaticam esse simplicem, quatenus videlicet illa duplici, non verò quatenus implexæ opponitur.

§. II.

*Magnitudo Fabula Dramaticæ.*

D. QUÆNAM est justa magnitudo fabulæ dramaticæ?

M. Quod oculis evenire solet cum corpus videmus, idem planè accidit memoriæ cum dramaticam fabulam excipimus. Arist. c. 5, Ut enim, quæ vastiora sunt, oculorum conspectum, sic memoriæ captum, quæ sunt longiora, faciliè excedunt: utriusque verò facultatis vim, quæ sunt minutiora,

fugiunt. Atque hinc factum est ut quemadmodum in omni corpore, sic qualibet in fabula dramatica justa quædam debeat esse magnitudo, quam uno quasi intuitu complecti possit auditor; nè distracto in plura, aut obruto rerum multitudine animo remittant ac frigeant qui concitabuntur affectus. Quæ lex pro tragicis posita, valet etiam pro comicis; ubi per affectuum commotionem privatæ vitæ ritè instituendæ ratio quæritur.

D. Quare brevior esse debet fabula dramatica quàm epica?

M. A fine utriusque petitur ratio discriminis. In epica sufficit sic singulis inherere partibus viros principes, ut repetito quasi intuitu magnam præceptorum vim & copiam ad vitam ritè informandam complectantur, donec percepto tandem felici epopœiæ exitu ad simile aliquid suscipiendum accendantur; quem finem huic Poemati propositum esse su-  
 l. 1. c. præ docuimus. Dramatica verò cum debeat affectus concitare, debet quoque  
 l. 2. tota ferè animo simul objici, ut vim suam omnem in concitandis illis affectibus possit exercere.

D. Quanam est igitur illa magnitudo?

c. 2. M. Præter assignatam superius magnitudinem actionis, quæ materiæ locum tenet, duplicem insuper facit illam philosophus; unam actionis compositæ, quæ

forma est seu fabula; alteram quam vocat quantitatis.

*M.* Quanam est magnitudo actionis compositæ?

*M.* In eo posita est ut quæ dicitur actio primaria, uno solis ambitu contineatur, Arist. id est ut unum diem naturalem vel nullo modo, vel parum certè excedat, atque etiam ut breviori temporis spatio, putà duabus vel tribus horis, possit definiri; immò eò perfectior & convenientior erit illa actio, quò magis accedet ad tempus, quo solet in scena exhiberi. Sed latius multò possunt excurrere quæ adhibentur episodica; quamvis & rariora & breviora esse oportebit, quàm quæ adjiciuntur in epopœia; nè rerum multitudinem ac varietatem animus distrahatur atque obruatur sic in dramate, ut ad primariam actionem non satis attendat, minùsque concipiat, qui debent hinc oriri potissimum affectus. Atque eo sensu accipienda sunt philosophi verba, cum tragœdiam inter & epopœiam id quoque assignat discriminis, ut certo quodam tempore tragœdia, nullo definiatur epopœia. c. 2. c. 15.

*D.* Quanam est magnitudo quantitatis?

*M.* Quantitas illa posita est in numero versuum; ad ducentos trecentosve supra mille, atque etiam apud recentiores ad

duo millia recensentur : hæc autem lex optima fuerit , ut inter ternas & senas horas exhibeatur drama ; adeò ut nec brevius sit nec longius ; non brevius quidem , ne fortè locus non detur concitandis , ut par est , affectibus ; non etiam longius , nè possit usurpari illud Plautinum : *Lumbi sedendo , & oculi spectando dolent*. Jam verò quæ sint partes fabulæ dramaticæ , aut quæ illarum dispositio , patebit ex dicendis capite proximè consequenti , & ex capite II.

## C A P U T IV.

### *De Partibus Poematis Dramatici.*

D. Q UÆ sunt partes Poematis dramatici ?

M. Cùm Poema dramaticum ex materia constet , quæ est actio , quam descripsimus ; & forma , quæ est eadem actio composita exculaque , de qua modò egimus , hinc factum est ut modò materiæ , modò formæ , modò utriusque simul habitâ ratione , in suas partes variè soleant authores illud Poema distribuere. Sex omninò dramatis in suas partes reperio divisiones.

D. Affer , quæso , & explica illas omnes divisiones.

S. I.



## §. I.

*Divisio Dramatis in Diverbium  
& Choricum.*

**M.** **P**rima divisio est in diverbium & choricum, quæ omnium maxime generalis est; nam quidquid est in dramate ad hæc duo genera revocatur, ut geratur aut canatur. Diverbium itaque est ea pars dramatis in qua colloquuntur aguntve inter se qui dicuntur actores. Choricum verò dicitur illa pars in qua iidem actores, vel alii concinunt aliquid cum dramate connexum, de quo c. 53 postea.

## §. II.

*Divisio in Nexum & Solutionem.*

**A**ltera divisio in nexum & solutionem tam latè patet quàm prima: quamvis alio modo drama partiatur. Nexum in dramate, ut habet Aristoteles, est totum id quod à principio ad ultimam c. 161 usque pertinet partem, ex qua fit mutatio Poet. fortunæ; hac autem mutatione felicitati infelicitas in tragœdia, & felicitas infelicitati succedit in comœdia. Solutio verò à mutationis principio ad finem us-

- que protenditur. Sic in Oedipo Senecæ quidquid antecedit illum locum ubi se tandem & patris interfectorem, & matris maritum agnoscit Oedipus, unde summa oritur infelicitas, est in nexu; reliqua sunt in solutione. Sed de nexu & solutione, quantum satis est, dictum superius in fabula epica.

## §. III.

*Divisio in Prologum, Episodium, Exodum & Choricum.*

- Arist. **T**ertia divisio fit in prologum, episodium, exodum & choricum. Prologus præcedit primum cantum, diciturque ea pars continere quasi semina omnium quæ dicenda sunt in reliquo dramate; adeò ut actorum nemo prodeat in scenam qui non sit cognitus in prologo, vel de vultu, vel de nomine, vel alio quovis modo. Quod tamen de illis debet intelligi, quorum res hîc agitur præcipuè; potest enim è domesticis amicisve de novo aliquis induci.

D. Quorum erat prologum agere?

M. In prologo produxere Poetæ antiquiores deum aliquem è machina, qui proloqueretur; alii postea actorem, qui rem totam summatim exponeret, uno hoc perfunctus munere in tota fabula;

alii unum ab alio audientem fabulæ argumentum. Adhibentur etiam nunc machinæ loco prologi, enarranturque principis laudes, in cujus gratiam fabula composita est.

Episodium hoc loco juxta Aristotelem ibid. continet tres actus intermedios, adde quæ tam primariam actionem, quam secundarias sive adjunctitias comprehendit. Ubi notari velim, & actionem illam primariam, & secundarias etiam esse actoris primarii; quamvis hæ quoque actiones adjunctiæ possint esse illorum qui sunt post primarium actorem nobiliores, qui vocantur idè actores episodici. Exodus est quintus actus ubi catastrophe, de qua mox, sicuti & de choro, capite proximo consequenti.

#### §. IV.

*Divisio in Protasyn, Epitasyn  
Catastasyn & Catastrophen.*

**Q**uarta divisio fit in protasyn, epitasyn, catastasyn, & catastrophen.

Protasyn, quæ significat præstitutionem & præordinationem, est dramatis initium, in quo proponitur summa rei sine exitûs declaratione, ut animus auditoris suspensus teneatur; nam si præsciretur fabulæ exitus, non sic placerent quæ postea dicerentur.

Epitasis, quæ rei constitutionem significat, vel ut alii interpretantur, exaggerationem, est ea pars quæ protasis proximè consequitur, & in qua turbæ excitantur, totaque rei negotiatio magis ac magis involvitur, diciturque Latinis nodus erroris, Gallis verò, *l'Intrigue de la piece.*

Catastasis est ea pars in qua continuatur rerum perturbatio: ostenditur tamen quomodo possint illæ postea explicari; unde à multis catastasis confunditur cum epitasi.

Catastrophe, quæ subversionem sonat, est ea pars in qua totum negotium dissolvitur, cum actor primarius à felicitate transit ad infelicitatem, vel contra. Ad extremum drama, si ita fieri possit, illa est rejicienda, quò magis auditoris animus suspendatur ac delectetur.

## §. V.

### *Divisio in quinque Actus.*

**Q**uinta divisio fit in quinque actus, qui sic appellantur ab actione cujus sunt partes; quare tot sunt illi actus, quot habet actio diversas partes, & præcipuas; quinque recensentur. Primus argumentum exponit, at non rei exitum; secundus rem propriè deducit in actum;

tertius turbas ciet; quartus viam ostendit  
quâ res implicitæ dissolvantur; quintus  
impedita artificiosè expedit. Quare nec  
plures, nec pauciores esse jubet Horatius:

*Neve minor, neu sit quinto productior  
actus*

*Fabula, quæ posci vult, & spectata  
reponi.*

D. Estne semper eadem actuum magni-  
tudo?

M. Augetur illa, vel minuitur pro ra-  
tione rerum quæ tractantur, quæ possunt  
esse magis minùsve graves populoque  
jucundæ. Jam verò actus in varias sce-  
nas distribuuntur.

D. Quid vocas scenam in actu?

M. Scena dicitur pars actûs in qua una  
vel plures personæ colloquuntur; designa-  
tur autem personarum vel adyentu, vel  
interventu, vel abitu.

D. Quot sunt scenæ in uno actu?

M. Plures sunt pro ratione rerum quæ  
possunt esse graviores vel jucundiores;  
pauciores olim adhibebantur, jam ad tre-  
decim & amplius numerantur.

D. Quot sunt actores in dramate?

M. Plures esse quàm quatuordecim ve-  
rant artis magistri, qui si prædeant simul  
in scenam, tres tantum aut quatuor ad  
summum loqui permittuntur. Ita præ-  
cipit Horatius:

*quarta loqui persona laboret.*

in  
Arte

D. Undè petuntur actorum nomina in dramate ?

M. Argumentum dramatis vel accipit vel fingit Poeta ; si fingit , ut in comœdia , fingit etiam personas ; si accipit ab historia , ut in tragœdia , tunc vel omnes indidem accipit personas , vel quasdam fingit , vel aliis nomen imponit. Quæ finguntur , vel ab ætate vocantur , ut senex ; vel à conditione , ut servus ; vel à munere & professione , ut nuntius , pastor , &c. Item in personis humilioribus congruentia moribus nomina solent imponi , sic senex dicitur chremes à *χρημῆσαι* , quod est excreare ; homo versatilis ingenii dicitur Pamphilus ; parasitus vocatur Gnarho à maxilla ; servus à servili cursu Dromo cognominatur ; atque etiam per illusionem aliquando nomen inditur , ut cùm Misargyrides , seu argenti osor appellatur qui illius appetentissimus est.

## §. VI.

*Divisio in Fabulam , Mores , Sententiam , Dictionem , Melodiam , & Apparatum.*

Arist. c. 4. **S**Extra divisio fit in fabulam , mores , sententiam , dictionem , melodiam & apparatus. Fabula , quam diximus

esse constitutionem rerum & actionem compositam, instar animæ obtinet in dramate; & continet actiones, mores, affectus, peripetias, agnitiones ac reliqua quæ vocantur fabulæ ornamenta; quare non tam pars dramatis quàm ipsum drama debet appellari.

*D.* Quomodò itaque mores, sententia & dictio cum fabula dicuntur drama ex æquo partiri?

*M.* Quia inter fabulæ partes sic eminent, ut drama partiri cum ipsa dicantur ab Aristotele.

*D.* Quid hîc intelligis per mores, sententiam & dictionem?

*M.* Morum nomine docuimus intelligi indolem & ingenium cujusque, diximusque requiri bonos, convenientes & æqualis tenoris. Sententia significat sensus qui genuini morum partus esse solent, ac proinde debent esse illis imprimis accommodati. Dictio est dicendi ratio quæ dramati conveniat, de qua in tragœdia & comœdia.

c. 9.  
& 12.

*D.* Quo sensu melodia & apparatus dicuntur esse partes dramatis?

*M.* Quia quamvis extra drama esse censeantur, ad ejus tamen splendorem cum conferant plurimum, sicut ad commotionem affectuum, duæ quoque dramatis partes vocantur à Philosopho. Quare de aliis cum egerimus sepeius, de his quoque modò agendum est.

c. 4.

## CAPUT V.

*De Choro in Dramate.*

D. Quid est chorus in dramate ?

M. Est pars fabulæ quæ sequitur , vel etiam præcedit actum cum concentu. Dicitur 1. Pars fabulæ , eo sensu quo dictum est jam in fine proximè superioris capitis. 2. Sequi actum aut etiam præcedere , quodd actui soleat postponi , raro præponi. 3. Cum concentu , quodd qui chorum agunt , concinere soleant , atque etiam aliquando loquantur.

D. Quid canitur à choro ?

M. Non canitur quilibet, sed aliquid cum fabula conjunctum , & affine argumento quod tractatur. Nam vel ferebant judicium de iis quæ agerentur in fabula , vel favebant bonis & lugentibus , vel monebant iram esse frænandam , insanosque motus coercendos , vel lugebant cum miseris , vel superos deprecabantur. Chori officia expressit Horatius his versibus :

in  
Arte. Actoris partes chorus officiumque virile  
Defendat : non quid medios intercinax  
actus ,  
Quodd non proposito conducat & hæreat  
apte.

Ille



Ille bonis faveatque, & concilietur amicis,  
Et regat iratos, & amet peccare timentes.  
Ille dapes laudet mensæ brevis, ille salu-  
brem

Iustitiam legesque, & aperitis otia portis.  
Illa tegat commissæ, Deosque precetur &  
oret

Ut redeat miseris, abeat fortuna superbis.

D. Idemne præstat modò, quod antiqui-  
tùs chorus in dramate?

M. Nihil aliud penè fuit drama à primo Arist.  
sui exortu, quàm chorus seu concentus: c. 2.  
sed cùm celebrari deinde cœptæ sunt ac-  
tiones ac perfici, rejectus est ille cho-  
rus ad finem actuum, tanquam aliquid  
adjectitium, quod tamen ad fabulam,  
ut diximus, pertineret, atque etiam acto-  
rum officio fungeretur; jam verò à re-  
centioribus sic adhibetur, ut serviat tan-  
tùm aliquibus saltationibus quæ pedibus  
modò exhibent quod cantus olim expri-  
meret; atque hæ saltationes Pyrrichæ  
appellantur.

D. Undenam hæc saltatio Pyrricha ap-  
pellata est?

M. Pyrricha genus fuit saltationis quam  
armati peragebant. Erat autem maximè  
in usu apud Lacedæmonios, apud quos  
jam tum à pueris hoc modo saltabant, ac-  
cinente interim aliquo carmen, ad cuius  
numeros motus componebant. Erat au-  
tem laboriosum hoc saltationis genus.

pugnantium ejaculantiumque, item iæus  
jactusque declinantium, interdum etiam  
subsilientium, & succiduo poplite sese  
excipientium, motus gestusque expri-  
mens. Dicta est aurem Pyrricha à Pyr-  
rho quodam Cerenſi, ut vult Plinius;  
vel à Pyrricho quodam Lacone, ut vult  
Aristoxenus; vel denique à Pyrrho Achil-  
lis filio, quem Aristoteles ait primum om-  
nium Pyrricham saltasse ad Patrocli ro-  
gum. Adhibetur itaque jam Pyrricha,  
quæ aliquid ad fabulam pertinens expri-  
mat, & ludicrâ numerosâque corporis  
agitatione spectatores delectet.

## C A P U T VI.

### *De Scenico Apparatu.*

D. Quid est apparatus dramatis?

M. In fabulæ partibus reponitur à  
Philosopho apparatus ille qui rectè di-  
ci potest ornatus ille omnis quo & scenæ  
& personæ instruuntur ad exhibendam ex  
arte fabulam.

D. Qualis debet esse scenæ ornatus?

M. Per scenam hîc intelligitur locus  
ubi exhibentur dramata; de quo difficile  
est aliquid præcipere, ob multiplicem  
dramatum varietatem. Agebantur ludi  
scenici in theatro, quod in modum he-

micycli erat ; in eo tria spectabantur maxime , scena , orchestra , proscennium. Scena est frons theatri ab uno cornu ad alterum cum coopertura. Orchestra locus est in quo spectatores drama intuebantur. Proscennium item locus ante scenam porrectus , in quem actores disturi prodibant. Scena itaque altior erat pulpito , pulpitum proscennio , proscennium orchestrâ. In scena duæ ponebantur aræ ; altera in cornu dextro , Baccho , in cujus honorem initia celebrabatur unice tragœdia ; altera in sinistro , deo illi , vel principi in cujus gratiam postea ludi etiam exhibebantur. Jam verò variè scena seu theatrum disponitur pro dispari rerum natura fabularumque varietate longè diversissima.

D. Qualis debet esse personarum ornatus ?

M. A diverso vestium genere diversas quoque sortiebantur appellationes dramata , sive fabulæ ; palliatæ vocabantur Græcorum fabulæ , quod pallio Græci actores uterentur ; Latinorum togatæ , quod togas illi adhiberent ; dicebantur item apud eosdem Latinos prætextæ fabulæ , quæ regum , principum , & virorum illustrium actiones imitabantur , quod personarum istiusmodi esset prætextæ ; togatæ tantum vocabantur , quæ actiones privatorum hominum exhibe-

In  
Arte.

bant, quia toga erat vestis popularis, juxta illud Horatii: *Vel qui prætexas, vel qui docuere togatas*. De vestium forma ornatuque in dramate nihil certi jam potest afferri, quòd varientur vestes pro diversitate regionum ac personarum quæ in scenam inducuntur.

Postquam ea protulimus quæ ad drama spectant universè, postulat jam dicendi institutum ut ad singulas ejus species descendamus, ac singulatim, quæ sunt cujusque propria, tradamus. Tres vulgo assignantur dramatis species; tragicum, comicum & mimicum; verùm cum mimicum drama sit imitatio quidem sermonum & actionum, sed sine ulla pudoris & honestatis reverentia per histriones, in quam tanquam in execrandam morum corruptelam meritò semper graviterque investi sunt quicunque doctrinâ & sanctitate floruerunt. Eâ nos omisâ specie Poeseos, de tragœdia comœdiaque, quæ naturâ suâ bonis moribus non adversantur, disputabimus.

## CAPUT VII.

### *Definitio Tragœdia.*

D. Quid est tragœdia?

M. Quid est tragœdia?  
1. Secundum vim vocis tragœdia

dia est cantus ob hircum; deducitur enim à vocabulis τραγῶς hircus; & ᾠδή cantus; quòd tragœdia prius fieret cantando in honorem Bacchi, cui hircus vinearum h'ctis mactabatur, sive quòd hircus præmium esset certantibus, juxta illud Horatii:

*Carmine qui tragico vilem certavit ob in  
hircum. Arte.*

Deducitur etiam tragœdiæ vox juxta alios à nomine τραγὴ Fæx: quia ora facibus perlinebant actores ante usum personarum ab Æschylo repertum, juxta hæc Horatii carmina:

*Ignotum Tragice genus invenisse Camæna in  
Dicitur, & plaustris vexisse Poemata Arte:  
Thespis,*

*Quæ canerent, agerent-ve peruncti faci-  
bus ora.*

1. Definitor tragœdia imitatio actionis unius, totius, veræ, verisimilis, &c. 3. insignis, quæ metro & harmoniâ, non narrando, sed agendo, misericordiam ciet ac terrorem, ut affectuum expiationem seu purgationem inducat.

D. Explica, quæso, singulas definitionis partes?

M. 1. Dicitur imitatio actionis, quia Poësis, maximè dramatica, actiones humanas imitatur, ut diximus superius.

2. Dicitur actionis unius, totius, veræ, verisimilis, insignis; quibus verbis

natur materia tragœdiæ, quâ partim  
convenit cum epopœia & comœdia, par-  
tim ab iisdem discrepat. Nam materia  
epopœiæ est actio quæ habet quidem  
omnes illas dotes, sed debet insuper fe-  
lici exitu terminari; quod in tragœdiam  
non cadit, quæ sæpius infelicem, raro  
admodum felicem habet exitum. Comœ-  
diæ verò actio, vulgaris est & obscura.

3. Dicitur metro & harmoniâ perfici  
tragœdia, quòd sermonem non qualem-  
cumque, sed numeris adstrictum, ut  
alia Poescos genera, requirat; item &  
harmoniam seu cantum, qui ad affec-  
tum commotionem faciat imprimis.

4. Dicitur non narrando, sed agendo  
exhiberi tragœdia; quia, cum sit Poema  
dramaticum, tota debet esse in actione;  
quo pacto ab epopœia discrepat, quæ  
partim in rerum narratione, partim in  
actione sita est, Poetâ modò narrante  
per se, modò alios narrantes agentesve  
inducente.

5. Dicitur excitare misericordiam &  
terrorem, ut affectuum expiationem pur-  
gationemque inducat; quibus verbis tra-  
gœdiæ finis attingitur, de quo postea  
pluribus.

## CAPUT VIII.

*De Materia Tragœdiæ.*

*D.* **Q**UÆ est materia tragœdiæ? *Arist.*

*M.* Est actio una, tota, vera, verisimilis, insignis & infelix.

*D.* Quo sensu actio tragœdiæ debet esse una?

*M.* Eo sensu. 1. Ut sit quædam actio primaria quæ in plures alias dividi non possit. 2. Ut omnia, quæ sunt illius actionis primariæ, in uno eodemque loco facta esse videantur, in eodem cubiculo v. g. in eadem domo, in eadem urbe, in iisdem castris; unde tragœdiæ apponi solet: Scena est Romæ, vel Corinthi, vel Athenis, vel alibi, ubi res gesta est. Sed lib. a. quomodo actio debeat esse una & tota, cap. 1. diximus alias. §. 2.

*D.* Quomodo debet esse vera & verisimilis actio tragœdiæ? & 3.

*M.* Eo sensu, ut verè contigerit actio primaria; alioqui non multum moveret tragœdia, si falsa esse crederentur quæ referrentur in scena; crederentur autem esse falsa, si talia essent; quia sunt actionis insignis, quæ non solet ignorari. Non ita dicendum de episodiis, quæ cum sint actiones adiunctivæ, per se sæpè non

adeò spectabiles , nihil opus est esse vera.

*D.* Possunt ne esse falsa actionis primariæ quæ dicuntur adjuncta.

*M.* Duplex genus est hujusmodi adjunctorum. Primum est eorum quæ sunt per se spectatissima , atque illa tam vera esse debent , quàm ipsa actio , cujus adjuncta sunt ; non licet v. g. fingere à patre filium , vel à filio matrem fuisse interfectam , nisi fide historię id constet ; pro falso enim habetur quod istiusmodi est , nisi consignetur historię monumentis , quæ non debuit illud omittere. Alterum genus est eorum quæ sunt minùs spectabilia , adeoque non solent , aut certè non debent necessariò in historia notari ; quæ si verosimilia sint , facillè vera esse credentur. Peccabit itaque contra hanc præceptionem qui Cæsarem naturali morte , non violentâ extinctum induxerit ; non peccabit qui eundem singulos interfectores alloquentem exhibuerit ; quòd primum , non item alterum historia notare debuerit. Quâ ratione debeat esse verisimilis actio tragœdiæ , satis indicatum est superiùs in materia dramaticis universè spectata.

*D.* Quo sensu insignis erit illa actio ?

*M.* Insignis erit , non ratione tantùm personarum quæ inducuntur , sed etiam , & quidem præcipuè ratione sui. Nimirùm id requirit propositus tragœdiæ fi-



nis, cum melius multò cieantur affectus purgenturque, quando illustriores inducuntur personæ, quæ à summa felicitate ad infelicitatem maximam deveniunt, ut c. 10. inferiùs docebitur. Insignem certè notamque vult esse Horatius hanc actionem:

*Rectius Eliacum Carmen deducis in in  
actus, Arte.  
Quàm si proferres ignota indicta-  
que primus.*

Quamquam & suus sit in tragœdia, ut in epopeia, locus personis ignobilioribus, sed iis quæ actores episodici appellantur.

D. Quo sensu debet esse actio tragœdiæ infelix?

M. Eo sensu, 1. Ut sit actio illa plena luctûs & terroris. 2. Ut infelici plerumque terminetur exitu; quia misericordiam & terrorem debet concitare, ut animi affectus ex fine suo purget.

D. Quomodò delectabit quæ plena luctûs erit tragœdia?

M. Non quidem res ipse tragicæ voluptatem afferent, ut notavit Aristoteles, sed excellens illarum delectabit imitatio. Nam eorum, quæ vel fugimus, Poet. c. 2.  
vel detestamur imagines, ut ferarum formas, & cadaverum affabrè factas non sine lætitia intuemur, quòd insitum sit à natura hominibus imitari, ut idem observa-

vit philosophus. Adde quod tan- & calamitatis expertes nos esse, ac doceri, quæ cavere oporteat, non mediocriter gaudeamus.

D. Nunquid licet aliquando felici exitu claudere tragœdiam?

M. Quamvis satius sit exitum tragœdiæ esse terribilem & inexpectatâ felicitis fortunæ in luctuosâ mutatione stupendum, volunt aliqui tamen licere ab ea lege deflectere in gratiam auditorum qui domum redire malint læti quàm tristes; adeoque indignius habitum v. g. primum actorem expedire se posse è magnâ, quam incurrerat calamitate; atque id unum requiri contendunt ut luctuosa sit tota tragœdiæ facies, ad illius finem obtinendum.

## CAPUT IX.

### *De Forma Tragœdiæ.*

D. QUÆNAM est forma tragœdiæ?

M. Q Est fabula sive compositio actionis tragicæ.

D. Qualis debet esse illa fabula, sive compositio?

M. Debet esse una, simplex, justæ cujusdam magnitudinis, in suas partes ritè distributa, & variis fabulæ ornamen-

ris conspicua ; quæ dotes explicatæ sunt superius , cum egimus universè de forma dramatis.

D. Quid speciatim præcipitur circa fabulam tragicam ?

M. Ut fabula illa sit implexa , id est, ut Arist. annexam habeat peripetiam , vel agnitionem , vel utramque simul ; atque etiam c. 14. vult talem esse philosophus , ut ex peripetia & agnitione oriatur maxima affectuum perturbatio , unde tres fabulæ illius partes designavit, peripetiam, agnitionem & perturbationem.

D. Quare indicitur à philosopho ejusmodi fabula ?

M. Quia cum finis sit tragædiæ excitare misericordiam & terrorem , satius est ex ipsa rerum atque actionum constitutione , quàm externo aliquo subsidio illos affectus commoveri. Nam ut in rhetoricis , quæ petuntur ex arte argumentata , iis quæ sunt extra artem , meritò præferuntur ; sic illas quæ ex illa fabula oriuntur perturbationes , iis quæ foris quærentur , longè anteponi necesse est.

Quare quemadmodum inepti oratores , Arist. qui in arte subsidium haberent nullum , c. 8. ad leges , testes , pacta & id genus alia ut plurimum confugiebant ; ita indocti olim Poetæ arte solâ histrionum miserationem ac terrorem movebant , quod suam non intelligerent ; atque etiam ea sæpè

quæ narratione erant dissimulanda , in  
 scena exhibebant , Hippolytum discerp-  
 tum , mactatos à Medea , à Thyeste vo-  
 ratos liberos , ut quæsitos cicerent ani-  
 morum motus. Præclarè itaque præcipit  
 Arist. philosophus , ita constitutam absque ullo  
 c. 11. histrionis artificio aut ope debere esse  
 fabulam , ut qui audiat solummodò aut  
 legat , miseratione perfundatur & terro-  
 re ; quòd fabulæ implexæ beneficio facilè  
 comparatur.

D. Qualia debent esse ornamenta fabu-  
 læ tragicæ ?

M. 1. Peripetiæ & agnitiones , ut di-  
 ximus , sunt adhibendæ concitandis af-  
 fectibus cumprimis idoneæ. 2. Inseren-  
 da episodica pauciora & breviora , ut su-  
 præ monuimus. 3. Machinæ usurpandæ ,  
 modò non in solutione fabulæ , sed in  
 lib. 2. nexu , ut docuimus. 4. Circa mores præ-  
 cap. 1. cipitur non tantùm ut boni sint , conve-  
 §. 3. nientes & æquabilis tenoris , sed etiam  
 graviores severioresque , pro rerum quæ  
 inducuntur , natura. Unde matronæ gra-  
 vi confertur tragædia apud Horatium :  
 in Arte. *Effutire leves indigna tragædia versus ,*  
*Ut festis matrona moveri iussa diebus*  
*Intererit satyris paulùm pudibunda pro-*  
*tervis.*

De eadem sic habet Ovidius

1. trist. *Omne genus scripti gravitate tragædia*  
*vincit.*

5. Aspergendæ

5. Aspergendæ sententiæ quæ graves lib. 1.  
 personas deceant, quâ cautione, superius cap. 9  
 tradidimus. 6. Dictio tam gravis esse  
 debet, quàm res ipsæ quæ tractantur;  
 versus iambicus trimeter usurpandus,  
 quem vocat, post Aristotelem, Horatius cap. 2.  
*alternis actum sermonibus*, quod ille nu-  
 merus familiaris sit, & in omnem facile  
 sermonem incurrat. Demittit tamen se  
 decenter tragœdia, uti se attollit co-  
 mœdia, ut idem observavit Horatius:  
*Interdum tamen & vocem comœdia tollit*, in  
*Iratusque Chremes tumido delitigat ore;* Arte.  
*Et tragicus plerumque dolet sermone pe-*  
*destri.*

## C A P U T X.

### *De Fine Tragœdiæ.*

D. Q U I S est finis tragœdiæ?

M. Q Finis tragœdiæ est concitare  
 quosdam animi affectus, ad reliquos om-  
 nes purgandos. Hanc affectuum expia-  
 tionem purgationemque, quam vocat,  
 tragœdiæ, ut finem inducit Aristoteles:  
 cui consentiunt alii qui ea de re scripsê-  
 re authores. Atque hic finis tam accu-  
 ratè, quàm dilucidè breviterque discu-  
 tiendus est; cùm exquisitus ab eo tum ar-  
 gumentorum, tum personarum, qui solet

hîc præcipi, delectus, atque ad eò optimi  
pendeat fabulæ tragicæ constitutio  
Arist. Quare disquirendum 1. Qui affectus in  
c. 4. tragœdia. 2. A quibus. 3. Quomodò de-  
beant concitari.

## S. I.

*Qui Affectus concitantur  
in Tragœdia*

D. **Q**ui affectus concitantur in tra-  
gœdia?

M. Misericordia & terror, quorum  
operâ purgantur omnes alii affectus: un-  
de scena appellata est quædam quasi pa-  
læstra humanorum affectuum, ubi præ-  
parantur illi & perficiuntur.

D. Quomodò purgant alios affectus  
misericordia & terror?

M. Misericordiâ tangimur, cùm vide-  
mus aliquem grandi aliquâ calamitate  
pressum, præsertim immerentem; time-  
musque ne quid simile nobis contingat,  
quod alteri nobis quodammodò æquali  
accidit; & sic misericordia parit timorem  
cautumque præstat quem afficit, ne ge-  
rat aliquid unde tanta sibi miseria pro-  
veniat. Item ad objectam gravis infortu-  
nii speciem terror incussus, ejusmodi vi-  
tandi mali desiderium injicit; quo desi-  
derio efficitur ut affectibus moderemur,

qui sunt veræ omnium germanæque causæ nostrarum calamitatum.

*D.* Ecquid poterit purgare affectus tragiæ in omnibus qui adsunt spectatōribus, quæ fortunam exhibet illustriū duntaxat personarum?

*M.* Quamvis regibus principibusque sint inferiores qui spectant tragiæ, illis tamen eo sensu sunt æquales, quod & homines sint & iisdem animi perturbationibus obnoxii, adeoque tenuiores sibi pro rata portione timent, quod lugent in regibus. Sic enim poterit quivis ratiocinari: Si Rex ob ambitionem, amoris impotentiam, odium, &c. in tantam prolapsus est calamitatem; quantò magis mediocris homo fortunæ, qualis ego sum, simile aliquod infortunium ex effrænatis animi motibus debet formidare?

*D.* Num requiritur ad purgandos animi affectus ut illi duo semper concitentur affectus, misericordia & terror?

*M.* Non posset purgare ejusmodi affectus, quæ sine terrore ciceretur misericordia; neque enim moderabitur animi perturbationibus qui non timebit eandem quam spectat calamitatem; posset autem sine misericordia terror: moderabitur enim, qui eo, quod cernit, infortunio terrebatur. Atque hinc fit ut solus terror aliquando sine commiseratione quæatur in tragiæ; eoque nomine im-

probus inducatur in theatrum, qui suâ calamitate timorem pariat simile infortunium incurrendi; sic Cleopatra & Phocas argumenta dedere tragœdiis; sed de his modò.

## S. II.

*A quibus concitentur Affectus  
in Tragœdia.*

D. **Q**uinam debent concitare misericordiam & terrorem in tragœdia?

Arist. *M.* Multò meliùs actores qui neque  
c. 11. improbi neque admodum probi sunt, sed inter illos medi, & qui cum amicis rem habebunt aut consanguineis, illos affectus commovebunt.

D. Quare minùs commovebunt qui sunt improbi?

*M.* Quia ut improborum felicitas indignationem parit, sic non parit infelicitas misericordiam aut terrorem; non misericordiam, quia dignum existimat quisque improbum calamitate quâ premitur; non terrorem, quia nemo sibi eventurum putat quod improbi culpâ factum esse videt. Terreatur, esto, qui scelestum affligi scelestus aspicit; sed vulgò non sunt aut censentur improbi qui adsunt spectatores; adeoq; non est existimandum improbi



probi calamitate illos esse perterrendos.

*D.* Non poterunt igitur improbi in scenam produci?

*M.* Poterunt utique, ut jam præmonuimus, sed eâ adhibita cautione, ut si minùs misericordiam, terrorem saltem vel probis spectatoribus incutiant; quod sanè fiet, si non tam ex culpa quàm ex errore humano lapsi videantur.

*D.* Quare minùs apti sunt movendæ Arist. commiserationi incutiendæque terrori, c. 13. qui sunt maximè probi?

*M.* Quia qui probus est imprimis, cum sit infelix, non misericordiam excitat aut terrorem; non misericordiam, cum solam pariat indignationem eamque maximam, si abominando facinore tollatur è vivis; non terrorem, quia, ut tradit Aristoteles, nemo sibi propter probitatem idem eventurum esse putat, cujus præmium est felicitas. Rhet. lib.

*D.* Non licebit ergo probos in scenam producere?

*M.* Constat christianos martyres datos esse aliquando feliciter in theatrum, uti & viros alios probos, qui semel aut amore ducti, impotentiùs, aut irâ abrepti, vehementiùs cæco quodam impetu mortem aliis intulerunt. Quare lex illa quæ improbos probos-ve arcet à theatro, pro optima tragiæ forma posita est; nec quidquam aliud voluit philosophus, cum

hic præcepit, quàm quid sit ea in re præstantissimum indicare.

D. Quem facis actorem medium probum inter & improbum ?

M. Is est, juxta eundem philosophum, qui nec virtute nec vitio admodum excellit, qualem Oedipum fuisse accipimus; cujus neque magnæ virtutes, neque summa vitia commemorantur, quæ abripere in contrarium affectus auditoris solent.

Arist. 2. Qui peccat imprudens, ac proinde c. 11. nec viri boni nomen meretur; quia illius officium est transgressus: nec contrà improbi, quia inconsultò peccat. Sic idem Oedipus, cùm patricidium summum esse crimen non ignoraret, Læium tamen miser per ignorantiam peremit. Debet etiam summâ ille dignitate præcellere, ut hac ratione major calamitas terrorem simul & commiserationem augeat.


D. Quare amicos inter & consanguineos res geri debet in tragœdia ?

Arist. M. Quia 1. Si inimicus inimicum occidat, nulla excitabitur commiseratio; nisi quatenus factum ipsum communi humanitatis recordatione commovet; atque etiam facillè ferent homines in alio quod essent ipsi quoque facturi. 2. Si nec amicus nec inimicus alteri mortem inferat; sed ignotus ignoto; cùm hoc agat sine affectu, nec ipse movebit affectus. 3. Si nec affinitate aut sanguine conjunctus

occidat, non adeò commovebit. Quare præstat ut inter amicos & cognatos resgeratur; ut si frater fratrem, parens filium, filius parentem aut occidat aut iuvadat. Ab amicis enim ista cum fient, movebunt commiserationem: à consanguineis, atrociora etiam videbuntur, ut cum Clytemnestram Orestes, Eriphylem tollit Alcæon.

## §. III.

*Quomodo concitentur Affectus  
in Tragædia.*

D.  Uomodo concitantur affectus Arist. in tragædia? c. 13.

M. In hoc variant tragædi, apud quos vel committit actor facinus, vel non committit; iterum vel committit ignarus rei vel conscius; item sic committit, ut factum vel post, vel ante agnoscat; item ante agnoscat, ut animum mutet priusquam id conficiat aut poenitentiam agat.

Atque ex his variis modis concitantur affectuum ortæ sunt variae species tragædiarum; quatuor celebrantur imprimis. 1. Est quando agnoscitur qui occiditur; ut cum Medea liberos occidit. 2. Quando agnoscitur post mortem qui occisus est; ut cum Oedipus Laïum

suâ manu peremptum audit. 3. Quando agnoscitur eo tantum momento quo perire debet & periculo eripitur; ut cum Iphigenia agnitum Orestem morti subducit. 4. Quando agnoscitur qui periturus est & ad mortem quaeritur, nihil tamen conficitur; ut cum Æmon apud Sophoclem stricto ense parentem insequitur, heque tamen quidquam agit.

D. Licet-ne oculis objicere atrociora spectacula quibus sanguis effunditur & horror animis incutitur?

M. Non licet; neque enim debent induci in theatrum aut incredibilia quædam, ut sunt metamorphoses, aut fœda aspectu, aut visu atrocia, juxta illud Horatii:

in  
Arte. *Nec pueros coram populo Medea trucidet,  
Aut humana palam coquat exta nefarius  
Atreus,  
Aut in avem Progne mutetur, Cadmus in  
anguem.  
Quodcumque ostendis mihi sic incredulus  
odi.*

D. Quæ referri poterunt quæ oculis non licebit subicere?

M. 1. Prænuñciabuntur gerenda vel ab eo qui facinus patraturus est, vel ab aliquo alio. 2. Postquam gesta fuerint, narrabuntur, quod nuntiorum munus esse solet; sic præceperat Horatius:

*non tamen intus*

*Digna geri, promes in scenam, multaue tolles*

*Ex oculis quæ mox narret facundia præsens.*

*D.* An non licebit aliquid ob oculos ponere quod speciem aliquam habeat crudelitatis?

*M.* Licebit vincula ipsumque demortui principis cadaver deferre in medium ad commovendum auditorem; item verbera aliaque sævitæ instrumenta licebit coram exhibere, at non percutere aut perimere, nisi post scenam id fieri simuletur.

---

## CAPUT XI.

### *Præceptorum usus in scribenda Tragœdia.*

*D.* **T**RADITAS hæcenus de tragœdia præceptiones, quæso te, ad usum ut revoces, & scribendæ tragœdiæ unum aliquod paradigma proponas.

*M.* Si velis ex arte tragœdiam scribere, nudam primùm ac sine ullo ornamento delineabis actionem, quæ est materia tragœdiæ; deinde ad fabulam, quam voles inducere, attendes videbisque sitne simplex an implexa; si implexa, an peripetiam simul & agnitionem, & qua-

lem utramque admittat, & cum superioribus an bene cohaereat; an terror ex rebus oriatur, an commiseratio, aut quomodo possint aliunde commoveri: tum personas conquiret, quarum ipse habitus affectusque animo indues: episodica postmodum excogitabis. Postquam sic fuerit constituta fabula, quid in nexu, quid in solutione inducere necesse sit, examinabis: nam in nexu, non in solutione debent esse episodica, neque etiam proluxa illa aut otiosa; sed brevia & cum actione primaria rite connexa. Si simplex fuerit fabula, curabis artificiosè ut desinat; si implexa, agnitionem ut habeat & peripetiam elegantem, & quæ tragicos affectus seu perturbationes ipsa per se excitare possit.

*D.* Profer, quæso, exemplum tum simplicis, tum implexæ fabulæ.

*M.* Fabulæ simplicis exemplum sit Troadum tragedia apud Senecam, quæ sic habet: Græci, expugnata Troja, Calchantem consulunt quo pacto salvi domum pervenire, ac faventes sibi deos redituri habere possint; Calchas Polyxenam & Astyanactem necandos esse pronunciat; atque id conficitur. Reliqua sunt episodica, aptè illa fabulæ intexta; sic episodium est Agamemnonis cum Pyrrho colloquium, quod ex Calchantis de mactanda Polyxena consilio nascitur; item epi-

sodium est tota illa scena in qua ab Ulyssæ quæritur Astyanax, ac tandem invenitur; quod pariter è consilio de præcipitando Astyanacte oritur.

Fabulæ implexæ exemplum esto Oedipi tragœdia apud eundem Senecam. Oedipus disquisitens quis sit Læi interfector, se & illius filium & interfectorem, atque etiam Jocasæ matris suæ maritum esse agnoscit; quare effossis sibi præ pudore & ira oculis, abit in exilium, & Jocasæ se gladio confodit. Hæc est actio primaria ad quam non spectat necessarid Oedipi in prologo de pestilentia sermo; quamvis cum eadem aptè cohæreat. Item ejusdem Oedipi cum Creonte & Tiresia colloquium, tum proluxa illa inferatam descriptio umbrarumque evocatio, sunt episodica, nisi fortè eum nominatim de Læi corde agitur; Oedipi autem & Senis, & Phorbantis ex parte colloquium ad mutationem paulatim deducunt: ad nexum tamen referri possunt: reliqua sunt in solutione, ubi est peripetia, & agnitio mirabilis.

## CAPUT XII.

*De Comœdia.*

D. QUID est comœdia ?

M. **Q** Comœdia, secundum vim vocis, est paganus cantus : *κομῆ* enim græcè significat, *pagum* latinè, & *ᾠδή* cantum : sic appellata quodd in pagis habuerit originem ; vel, ut alii volunt, à Como hilaritatis ac remulentia deo dicta est comœdia, quasi *κομῆδης* sit canere Como digna.

D. Quomodd definitur comœdia ?

M. Definitur imitatio dramatica actionis unius, totius, civilis aut privatae & vulgaris, stylo populari exhibita, & lætè semper exitu terminata, ad proponendum vitæ privatae exemplum. Atque hæc definitio comœdiæ materiam, formam & finem attingit ; de quibus breviter admodum agendum est, cum satis ea sint exposita in materia, forma & fine Poematis dramatici universè spectati, & alibi passim pluribus in locis. Neque etiam superest quidquam de comœdiæ partibus adjiciendum iis quæ fusè supra de Poematis ejusdem dramatici in suas partes divisione sumus prosecuti.

D. Quid habes circa materiam comœdiæ ?

M. Est



M. Est actio cuius jam recensitæ sunt in definitione, & superius explicatæ in materia dramatis, varietates affectiones. Veritatem vel falsitatem admittit illa, quia privati hominis est actio, obscura per se, c. 2. & ignota; neque imitatur res illustres & terribiles aut admirabiles; sed civiles & privatas, ut avaritiam senum, fraudes servorum, & similes, quæ alios sollicitudine, lætitiâ alios impleant: quare debet esse insuper jocularis, ut delectet, & ea vitia exagitare quæ risum potius quàm misericordiam moveant.

D. Quid præcipis circa formam comœdiæ?

M. Præter ea quæ dicta sunt in forma Poematis dramatici, cavendum est ut intexantur. 1. Quædam peripetiz; non quæ magnos ac vehementes, sed remissiores lenioresque ciant animorum motus. 2. Agnitiones, non ex unde oriantur maximæ perturbationes; sed quæ levioribus de causis ortæ, non admodum moveant, ut in Plautinis comœdiis; quæ fit è crepundiis, nonnunquam cistulis, aut annulis agnitio. 3. Episodia brevia & apta. 4. Mores solutiores & jocis salubusque conditi; in quibus magno opus est delectu; videndumque ne sint frigidi, multò minùs obsceni: quod jure in Plauto reprehendit Horatius:

At nostri præavi Plautinos & numeros, & Artes

*Laudavere sales : nimium patienter utrumque ,*

*Ne dicam stultè , mirati ; si modò ego & vos*

*Scimus inurbanum lepidò seponere dicto.*

5. Sententiæ rariores , ac vix aliæ quàm pertinentes ad vitam quotidianam & infrequentiori usu positæ , ut sunt tri-  
ta ac vulgaria proverbialia. 6. Dictio apta rebus , adeoque non grandis , ut in tra-  
gœdia ; sed contra humilis , suavis & me-  
diocri ornatu contenta ; quamvis possit aliquando altius assurgere , cùm gravio-  
res affectus sunt exprimendi , ut ait Ho-

in  
Arte. ratiùs :

*Interdum tamen & vocem comœdia tollit ,  
Iratùsque Chremes tumido delitigat ore.*

Adeoque metrum optimum erit , quod proximè accedit ad solutam orationem.

*D.* Quid statuis circa finem comœdiæ ?

*M.* Vult philosophus comœdiæ esse ex inimicis amicos efficere , quod universè dictum esse oportet ; ut cùm pater filio reconciliatur , aut cùm fraude aliquâ vel casu ex ipsa actionis natura exorto , à se invicem disjuncti duo homines mutuo in gratiam redeunt. Sed istud est officium comœdiæ potius quàm finis , qui in eo positus est ut vitæ privatæ exemplum proponatur , ut inde mores quisque suos corrigat.


*Ex dictis colliges à tragœdia potissi-*

mum differre comœdiam. 1. Materiâ ; tragœdia res grandiores , comœdia tractat humiliores. 2. Personis ; in tragœdia nobiles sunt , in comœdia humiles & obscuræ. 3. Dictione ; grandior est in tragœdia , vulgaris in comœdia. 4. Exitu ; funestus esse solet in tragœdia , in comœdia felix est atque hilaris.

D. Quid si personæ illustres inducantur in scenam , quæ fabulam comicam peragant ?

M. Non erit hæc tragœdia aut comœdia , sed tertium dramatis genus ortum ex utraque , quod appellabitur tragicomœdia , cujus finis est semper lætus , personæ partim illustres , partim vulgares ; res modò ludicræ , modò tristes. Amphitruonem vocat tragicomœdiam Plautus , ubi sic loquitur in prologo Mercurius :  
*Faciâ ut commista sit tragi-comœdia ;*  
*Nam me perpetuò facere , ut sit comœdia ,*  
*Reges quò veniant & dii , non par arbitror.*

Quid igitur ? quoniam hic servus quoque partes habet ,  
*Faciâ proinde , ut dixi , tragi-comœdiam.*



# INSTITUTIONUM

## POETICARUM

### LIBER IV.

#### *DE RELIQUIS POEMATIS*

**M. POST** epicam & dramaticam  
 Poësin celebrantur multa-minora  
 Poemata, quorum alia sic à se invicem  
 differunt, ut singula singulas easque ma-  
 ximè diversas constituant species, ut  
 elegia, epigramma, satyra, ode, &c.  
 alia verò, cum sint ut plurimum in ge-  
 nere heroico, majorem habent inter se  
 conjunctionem ac velut affinitatem;  
 quanquam ad oden quoque referri pos-  
 sint, cum commodè canantur ad lyram;  
 sunt hæc, epithalamia, genethliaca  
 epicedia, epinicia, soterica, protrep-  
 tica, parænetica, &c. de quibus omni-  
 bus breviter modò, pro dicendi institu-  
 to, disputabimus.

#### CAPUT

## CAPUT I.

## De Elegia.

**Q**UID est elegia ?

*M.* Elegia propriè est funebris cantus, à flebili lugentium sono sic dicta, qui crebriò ἰ λυγροῖς *he ! he !* ingeminant.

*D.* Quæ est materia elegiæ ?

*M.* Est propriè res funebris & tristis ; undè Ovidius in mortem Tibulli canit.

*Flebilis indignis Elegiæ solve capillos :*

*Ab ! nimis ex vero nunc tibi nomen erit.*

*Et 5. Tristium ;*

*Flebilis ut noster status est , ita flebile carmen.*

Factum est tamen deinde ut non tantum res funebres ac tristes , sed res quoque lætæ , amores , vota , preces , gratulationes , & convicia elegiaco carmine scriberentur , ut videre est apud ipsiſum Ovidium. De materia primisque elegiæ authoribus sic statuit Horatius :

*Versibus impariter junctis querimonia primum ,* 1 m.

*Post etiam inclusa est voti sententia compos.* Artes

*Quis tamen exiguos elegos emisit author .*  
*Grammatici certant , & adhuc sub iudice*  
*lis est.*

D. Quæ est forma elegiæ?

M. Forma elegiæ est ipsius constitutio & compositio, seu quædam eorum quæ canuntur elegiacè dispositio; de qua sic præcipi potest, ut Poema illud tersum sit, lene, perspicuum, dictio mollis & æquabilis, morata, tenera, affectibus plena, & delicatâ quâdam suavitate condita. Quare commodè eleganterque frequentes inducuntur commiserationes, conquestiones, exclamationes, apostrophæ, prosopopœiæ; alluditur breviter ad fabulas & historias; interlucent interdum acumina, quanquam pro ratione rerum quæ celebrantur, magnificè etiam procedat elegia, ut quæ apud Propertium scripta est in Actiacam victoriam, & alibi passim apud authores probatissimos.

D. Quale metrum servire debet elegiæ?

M. Hexametrum junctum pentametro; unoquoque disticho ferè semper absolvendum esse sensum volunt nonnulli: quo jure, ipsi viderint, cum secus factum esse constet ab optimis scriptoribus. Vitandæ autem in elegia crebriores durioresque consonantium collisiones, elisionesque vocalium, maximè in pentametro, quod frequentius desinit in vocem dissyllabam: sua pentametra ita claudere solet Ovidius. Non est tamen invenustum aliquando in trissyllabam desinere, aut etiam

in pentesyllabam, ut apud Propertium :

*O Tigris ! ô ferro durior & chalybe !*

*Illis ampla satis forma pudicitia.*

---

## C A P U T II.

### *De Epigrammate.*

D. QUID est epigramma ?

M. Si vocis etymon attendas, est inscriptio quævis ; ἐπιγραφεῖν enim græcè est *inscribere* latinè. Si definitionem quæras : dicitur breve Poema cum simplici cujuspiam rei, vel personæ, vel facti indicatione ; aut aliquid ex propositis deducens.

D. Quotuplicis generis est epigramma ?

M. Duplicis, ut indicat definitio ; aliud enim simplex est, quod simplici rei, personæ, aut facti indicatione continetur, ut sunt inscriptiones donariorum & statuarum, ut isti clypei :

*Æneas hæc de Danaïs victoribus arma.*

Alterum compositum dicitur, quod in ratione ducenda colligendaque, & quasi in argumentatione positum est.

D. Quæ est materia epigrammatis ?

M. Sunt res universæ, personæ, facta, quæ exornari, reprehendi, fieri, probare possunt.

D. Quæ est ejus forma ?

M. Est ipsa ratio tractandi epigrammatis, quod solet scribi carmine vel hexametro, vel elegiaco, vel phaleucio, vel iambico.

D. Quis est finis ?

M. Est communis omni Poeti delectare docendo, seu laudet, seu vituperet Poeta, qui ab hoc fine non debet recedere.

*Quare talles jocos : non est jocus esse malignum.*

*Nuquam sunt grati qui nocere sales,*  
inquit prudenter Seneca. Debet itaque haberi ratio honestatis, & nomen personarum subteriri, si acrius illæ impetantur. Acrior certè videtur Martialis, qui Poetam, cujus domum absumpserat incendium, sic irridet :

*Pierios vatis Theodori flamma penates  
Abstulit : hoc musis, hoc tibi, Phæbe, placet.*

O scelus ! ô magnum facinus, crimenque deorum !

*Non arsit pariter quoddam domus, & dominus.*

D. Quot sunt epigrammatis dores ?

M. Tres numerantur præcipuæ, brevitās, perspicuitas & acumen.

D. In quo posita est illa brevitās ?

M. In eo, ne quid desit aut redundet; aliquando duobus versibus, aliquando quatuor, pluribus etiam potest constare.



re, ut videre est apud Martialem.

D. In quo consistit perspicuitas?

M. In eo quod, retento puro elegantique sermone, fugiatur rumor & affectatio. Huc pertinet divisio cujuscunque ferè epigrammatis in duas partes; alteram quæ res exponitur; alteram quæ aliquid colligitur.

D. Quid vocas acumen epigrammatis?

M. Acumen, quatenus in oratione dictisque cernitur, est rei expositio; aut conclusio ingeniosa: hoc est, quæ præter rei communem usum & expectationem fit, & tamen cum re, qua de agitur, maximè sit conjuncta. 1. Dicitur expositio sive conclusio; quia alia epigrammata in expositione nativa & arguta posita sunt; alia in comparatione & deductione unius ex alio, ut jam præmonui. 2. Dicitur extra rei communem usum & expectationem; quia argutia omnis edæstimator maximè, quod excitet admirationem: ea verò potissimum admiramur quæ minimè expectamus. Acumen itaque colligitur ex re inexpectata & admirabili, quæ maximè cum re nostra conjuncta sit. Rerum autem affectiones variae ac circumstantiae attendendæ sunt; ut ex iis aut explicatio aut conclusio elici possit inexpectata & admirabilis. Quare, ut illæ affectiones à locis rhetoricis petuntur, inde quoque peti debent acmina.

D. Da, quæso, exempla ?

M. Acumen ducitur v. g. à notatione nominis. Sic quispiam colligebat Romam fore castam cùm Clemens VIII. summus Pontifex creatus est, quòd Hippolytus vocaretur :

*Sancta pudicitia virtus redit exul in urbem.*

*Quid mirum est ? urbi præsidet Hippolytus.*

Lepidum est istud in filium coqui qui reprehenderat vocem, dapes, positam in carmine, primâ syllabâ productâ contra legem :

*Condieram malè fortè dapes ; sed doctior alter*

*Corrigit, atque istâ se probat arte coquum.*

Venustum est istud Ausonii de Didone sumptum à conjugatis reciprocis :

*Infelix Dido nunquam bene nupta marito !*

*Hoc pereunte fugis, hoc fugiente peris.*

Ab adjunctis sumptum est istud Martialis :

*Crine ruber, niger ore, brevis pede, lumine luscus ;*

*Rem magnam præstas, Zoile, si bonus es.*

Ab eodem loco deductum est istud de fratre & sorore eximix formæ, nisi quòd unus dextero, sinistro altera careret oculo :

*Lumine Acron dextro caret, & Leonilla sinistro,*

*Et formâ potis est vincere uterque deos.  
Blande puer, lumen quod habes, concede  
sorori :*

*Sic tu pulcher Amor, sic erit illa Venus,  
A simili est istud Sarbievii de B. Ludo-  
vico Gonzaga, juxta quem pictus erat  
Angelus :*

*Angele, Gonzaga es, si piëtas exuïs alas :  
Si Gonzaga alas induïs, Angelus es.*

*A dissimili est istud in S. Franciscum  
Xaverium diem ultimum obeuntum in  
oriente, qui natus erat in occidente :  
Nasceris occiduïs, eoïs occidis oris :*

*Dissimile hoc unum, cætera solis habes.*

*Alios prætermitto locos undè peti pos-  
sunt acumina : si plura velis, adibis epi-  
grammatarios.*

## C A P U T III.

### *De Satyra.*

D. QUID est sãtyra ?

M. Q Satyra videtur nomen ducere à  
satyris, diis petulcis, lascivis & dica-  
cibus ; qui inter actus tragœdiarum ac  
postea comœdiarum inducti in theatrum,  
non tantum sermone parum verecundo,  
libero, aculeato, vultu ac corpore risum  
movebant ; verum etiam cives improbos  
nominatim carpebant ; undè satyra ab

aliquibus ad Poema dramaticum revocatur. Videtur etiam dicta satyra, quasi satura, quodd varium complectatur argumenti genus; quare definitur satyra Poema jocosum, liberum & aculeatum, ad reprehendendos corrigendosque mores corruptos.

D. Quæ est materia satyræ?

M. Dici potest turpitudine risu digna vel odio; exagitant enim satyrici Poetæ, inertes, parasitos, deformes, loquaces, ingratos, ambitiosos, prodigos, avaros, &c. materiam satyræ his duobus versibus definivit Juvenalis:

*Quidquid agunt homines, votum, timor, ira, voluptas,*

*Gaudia, discursus, nostri farrago libelli.*

D. Quæ est forma satyræ?

M. Est ipsius constitutio & compositio, in qua illinendæ sunt quibusdam suavitatibus objurgationes, ut æquiore animo excipiantur, adeoque versutum, sagax, callidum, disertum, acutum ingenium requiritur. Amat satyra crebras sententias, acutas & acres, puritatem, & elegantiam in verbis, remissos mollioresque numeros, dictionem submissam, quotidianæ locutioni similem; unde Horatius qui in odis usque ad eod numero studuit, ut idcirco numerosus vocetur ab Ovidio: idem tamen in satyris numerum illum neglexit; non quia aliter

non

non posset, sed quia hunc neglectum satyris putaret convenire. Nullæ certæ partes in hoc Poemate assignantur; aliquando insinuatio, sæpius abruptum & incitatum principium adhibetur.

D. Quis est finis satyræ?

M. Est objurgando & irridendo abstergere homines à vitiis, & ad virtutem incitare. Videndum tamen ut joci ac fales satyrici careant obscœnitate, ne, dum animos vult purgare Poeta, ad morum turpitudinem invitet.

## C A P U T IV.

### *De Poemate Lyrico.*

D. Quid est Poema lyricum?

M. Quid dictum est Poema lyricum à lyra, quæ inter organa mûsica celebris est; adhibebatur ad hujusmodi carmen concinendum. Quare vocatur etiam illud Poema ode & melos, id est cantus, unde Poetæ lyrici & melici.

D. Quæ est materia Poematis lyrici?

M. Longè latèque patet hæc materia; continet enim laudes deorum & hominum, vota, preces, exhortationes ad virtutem capessendam, ad vitia fugienda, deplorationes calamitarum, desideria, conquestiones; fontium, montium, vil-

larum aliorumque locorum amœniorum  
laudes & descriptiones; deliberationes  
item & invitationes aliaque innumera  
quæ brevi Poemate concludi possunt,  
comprehendit. Nam ut docet Horatius :  
in  
Arte. *Musa dedit fidibus divos puerosque Deo-*  
*rum,*

*Et pugilem iſtorem, & equum certamine*  
*primum,*

*Et juvenum curas, & libera vina referre.*

D. Quæ est forma Poematis lyrici ?

M. Est ipsa compositio seu ratio scri-  
bendi illius Poematis; ubi notandum est  
quod est epopœiæ gravitas, tragiæ  
vehementior affectus, comœdiæ jocus,  
elegiæ mollities, satyræ acerbitas, epi-  
grammati acumen, idem esse Poemati  
lyrico suavitatem. Quare debent adhi-  
beri verba florida, polita, non sine  
majestâtè induci sententiæ, vitari litera-  
rum collisiones duriores, aliaque obser-  
vari quæ diximus facere ad suavitatem  
lib. 2. narrationis epicæ & ad dotes dictionis  
c. 6. poeticæ.

lib. 1. D. Quot sunt versuum genera in odis ?

c. 10. M. Sunt sanè quàm plurima, quæ suas  
ducunt appellationes vel ab authoribus,  
ut alcaïci ab Alcæo, sapphici à Sappho,  
asclepiadici ab Asclepiadè, &c. vel à  
metris quibus constant, ut trochaïci à  
Trochæo, dactylii à Dactylo, anapæsti-  
ci ab Anapæsto, &c. Sed illorum metro-

rum leges à grammaticis petendæ sunt.

D. Quid est strophe, antistrophe & epodus?

M. Ode dividebatur in strophem, antistrophem & epodum. Strophe erat pars illa odæ quam chorus in lustranda ara in deorum laudem modulabatur progrediendo ab oriente in occidentem. Antistrophe vocabatur cùm chorus revertebatur canendo ab occidente in orientem. Epodus fiebat cùm in medio consistebat chorus, & quod supererat carminis persolvebat. Verùm jam nomine epodi intelligitur illud genus carminis in quo singulis versibus singulæ clausulæ subjiciuntur & veluti accinuntur, idque ferè alio genere carminis & plerumque breviori; cujusmodi sunt pleraque apud Horatium in libro epodon, iambico dimetro post heroicum, aut trimetrum iambicum statim succedente.

D. Quid est ode distrophos, tristrophos & tetrastrophos?

M. Ode dicitur distrophos, quæ plures habet strophas seu clausulas, quarum singulæ continent duo carmina; quæ clausulæ strophe dicuntur, quòd post duos versus, ad duos alios reverti oporteat, ut in hac oda Horatii v. g.

*Sic te diva potens Cypri,*

*Sic fratres Helenæ, lucida sidera.*

Post hæc duo carmina eodem modo

duo alia succedunt :

*Ventorumque regat pater,*

*Obstrictis aliis, præter Iapyga;*

& sic deinceps ad finem odæ. Ita dicitur illa ode tristrophos, quæ continet plures strophas sive conversiones, quarum singulæ habent tria carmina; & tetrastrophos, cujus singulæ strophæ quatuor includunt versus.

D. Quid est ode monocolos, dicolos & tricolos?

M. Ode dicitur monocolos seu uniformis, quæ unius ejusdemque generis habet carmina, talis est prima ode Horatii :

*Mæcenas atavis edite regibus,*

*O & præsidium, & dulce decus meum, &c*  
cujus omnia carmina sunt asclepiadica. Dicitur dicolos, quæ habet strophas, quarum carmina sunt duplicis generis; tricolos, cujus strophæ continent carmina triplicis generis.

## C A P U T V.

*De Hymno, Parodia & Carmine  
Intercalari.*

D. Quid est hymnus?

M. Quid est ode ad dei laudes virorumque illustrium celebrandas instituta; *hymnus enim græcè, est celebrare latine.*  
Multæ



Multa sunt Hymnorum genera ; alii enim sacri appellantur quibus deum cœlitesque colimus , suntque in usu maximè in nostris templis ; alii heroici , in honorem virorum illustrium. Item alii dicebantur olim invocatorii , cùm dei cœlitumque implorabatur auxilium ; alii supplicantes , cùm præter invocationem vota etiam adhibebantur ; alii emissorii , quibus dii compositis carminibus dimittebantur ; certos enim festos dies celebrabant quibus interesse deos suos existimabant , eosque censebant non esse dimittendos sine carmine. Item alii dicebantur hymni physici , quibus cœlum , terram , solem reliquasque naturæ partes nobilissimas celebrabant ; alii fabulosi , quibus fabulas & commenta sua prosequerantur , ut Titanum bella , &c. Reliqua quæ ad hymnos spectant è capite superiori petenda sunt , cùm hymni sint carmina lyrica.

*D.* Quid est parodia ?

*M.* Est imitatio versuum , ubi sententia tamen ad contrarium sensum detorquetur. Istud genus carminis frequentavit imprimis Joannes-Baptista Masculus , profanos sensus ad religiosa scè argumenta convertens. Sarbicyus item odas Horatii aliquot improbas ad pietatem traduxit per parodiam : ejusdem Horatii oden laudatissimam è libro Epodon :

D d

Od. 3.  
l. E.  
pod.

*Beatus ille qui procul negotiis,*

*Ut prisca gens mortalium,*

*Paterna rura bobus excercet suis,*

*Solutus omni sœnore, &c.*

*Ad laudem religiosi otii sic deflectit :*

*At ille, Flacce, nunc erit beator*

*Qui mole curarum procul,*

*Paterna liquit rura, litigantium*

*Solutus omni jurgio, &c.*

*D. Quid est carmen intercalare ?*

*M. Intercalare carmen, quod & regium dicitur, est illud in quo post aliquod versuum intervallum, idem semper recurrit : apud Virgilium in eclogis ille versus sæpius usurpatur :*

*Incipe Mœnarios mea mecum tibia versus.*

*& ille deinde :*

*Ducite ab urbe domum, mea carmina,  
ducite Daphnim.*

*Habes eximiam hujusmodi carminis formam apud Jonium, Prizonium aliosque recentiores Poetas.*

## C A P U T VI.

*De Eclogis, Silvis & Diris.*

*D. Quid est eclôga ?*

*M. Quid Ecloga, quæ & bucolicum carmen à bubulco, & pastoritium à Pastore dicitur, est imitatio rusticarum actio-*

num stylo mediocri & suavi, vel per meram enunciationem, vel per dramaticam personarum effictionem. Eclogæ vocantur à delectu & concinnitate sermonis; ἑκλογαί enim græcè, est *seligere* latinè: cum autem bucolicum carmen initio inconditum esset, ut plurimum, puriora quædam elegantioraque seligebantur; unde huic generi carminum indita est appellatio.

D. Quæ sunt leges hujus Poematis?

M. Tractantur in eo vota, gratulationes, altercationes, pollicitationes, conquestiones, gaudia; sed videndum ut omnia agrum redolcant. Dicendi character debet esse humilis; frequentes adhibendæ comparationes ex agris deductæ; jucundæ item descriptiones inferendæ. Hexametrum carmen adhibendum, modò ne adsit granditas, neve longiore ambitu circumducatur. Ducem habes in hoc genere Poeseos, ut in heroico, Virgilium; qui quantò sublimior videtur in *Æneide*, tantò se submissius de industria deprimat in bucolicis.

D. Quid vocas silvas?

M. Sunt carmina subito calore effusa, neque anxiam curam castigata; silvæ dicuntur, quòd oblatam quasi temerè materiem ex tempore & stylo veloci percurrat, & tractet Poeta, dum calor menti infidet. Statur certè initio suarum sil-

varum libellos , qui subito calore & quâdam festinandi voluptate sibi fluxerunt , filvas vocat , additque illa Poemata solum habere gratiam celeritatis.

D. Quid intelligis per diras ?

M. Diræ sunt quoddam carminis genus quo quidquid furoris , imprecatorium , querelarum , conviciorum in mentem venit , effundit Poeta. Sic Dido  
 N. 4. Æneam apud Virgilium, Medea Jalonem apud Senecam , diris prosequuntur. Tale est istud in Alvarum Lusitanum Malacæ præfectum , qui D. Francisco Xaverio Indiarum Apostolo , scedè abruptâ salutari ad Sinas sanctissimi viri susceptâ legatione , mortem acceleraverat :

*An tu micantis summe dominator poli ,  
 Terribilis ultor sceleris , hoc pateris nefas !  
 Hoc grande crimen cernis ! & lentus graves*

*Reponis iras ! scelere Xaverius cadat  
 Egensque solusque , & rudi inclusus casâ !  
 Trabatque longas Alvarus vitæ moras !  
 Hoc ille videat oculus , hoc ille arbiter  
 Fandi & nefandi , impunè ! nec rapidum  
 manus*

*Suspensa vibret fulmen ! eludat minas ,  
 Iras tonantis spernat , accensas suo ,  
 Irrideat quas verticî intentâs faces ?  
 Justos furores quid diu cohibes , deus ?  
 Faculare fulmen , tandem ô ultrices gemat  
 Sceleratus iras , obrue infandum caput.*

Huc, huc catenæ ferreæ, huc carcer gravis,  
Horrenda quidquid vincla, vel ferri rigor,  
Enses cruenti præferunt dirum, horridum  
Aut quidquid uncus ferrens, quidquid rota  
Armata acuto chalybe, vel lateri vorax  
Admotus ignis, quidquid horrendum intulit  
Rabies Tyrannorum, huc ades. Jamjam pete,  
Invade, frange, perde sceleratum caput;  
Sed perde lentâ morte, se videat mori,  
Cupiatque, nec possit: diu noctu impium  
Oberret animo grandius pœnâ nefas, &c.

Expeditis, de quibus libri hujus initio, variis carminum generibus, illud unum superest, id de Poematis, quæ ad heroicam Poësin commodè revocantur, quamvis ad lyram quoque venustè cani possint, breviter disseramus: sunt hæc, epithalamia, genethliaca, epicedia, &c.

## CAPUT VII.

*De Epithalamio, Genethliaco & Epicedio.*

D. Quid est epithalamium?

M. Est Poema pro nuptiali pompa conscriptum, sic dictum à vocibus Græcis ἐπὶ ad, & θάλαμος, nuptiale cubiculum.

D. Quomodò conficiendum est illud Poema?

*M.* Laudes conjugum celebrandæ, faustum augurium capiendum, fructus illarum nuptiarum prædicandus, vota concipienda pro connubii felicitate & futurâ prole. Consule Poetas qui scripsêre epithalamia, Catullum, Statium, Claudianum, & è recentioribus Frizonium in hymenæo regio, qui sic incipit:

Her. lib. 3. *Dum tua regales hymenæo sidera tadas  
Accendunt, dirî tandem vîstricia Martis,  
&c.*

*D.* Quid est genethliacum?

*M.* Est Carmen quod nascentibus accinitur; γενεθλιον enim græcè, est *natiuitas* latinè; unac genethliacon, natale carmen.

*D.* Quomodò scribendum est ejusmodi carmen?

*M.* Parentum virtutes celebrantur; spes de puero excitatur; varix loci ac temporis notantur circumstantiæ. Habes eximiam genethliaci formam apud Frizonium, quod inscribitur: Gallia ad Cunas Delphini; quem sic alloquitur sub initium:

*Hinc ego te instratum cunis quas aulica  
circum*

Her. lib. 4. *Pompa fluit, solio Majestas intulit alto,  
Aspicio, venerande puer, regumque voluptas,*

*Et populi communis amor; salve, inclyte  
Delphin,*

*Spes hominum, pignusque deum, mea gloria salve.*

*Quantum instar genitoris habes, &c.*

*Deinde parentibus gratulatur,  
Vos quoque divinâ felices prole parentes,  
&c.*

*Tum notatis aliquot diei natalis circumstantiis, vota facit, felicitatemque prænuntiat.*

*Cresce oleas inter, princeps, ac pacis alumnus.*

*Reliquias bellorum, & adhuc stillantia tela sanguine, funesto prohibe recalescere motu.*

*Invitat postea omnes populos ad diem fortunatam celebrandam:*

*Tuque age, fama loquax, nunc omnibus i  
cita pennis.*

*I. cita, fama, tubis nunc omnibus ora resolve,*

*Per mea regna volans, Boreanque, Notonque pererra,*

*Hesperiasque domos, Eoaque Memnonis arva, &c.*

*Demum precatur superos ut munus suum tueantur ac foveant:*

*Quod superest, munus faciles defendite vestrum,*

*Cœlicolæ, &c.*

*D. Quid est epicedium?*

*M. Est Carmen funebre quæ Nenia Romanis, Græcis epicedium dicitur ab ἐπι & ᾠδή, cura, quæ mortuis præcipue debet impendi.*

D. Quæ sunt leges epicedii ?

M. Narrantur demortui laudes ; pompa funebris describitur ; conditur epitaphium ; Poeta denique apprecatur æternitatem. Habes formam epicedii absolutissimam apud Frizonium pro Alphonso Mancino, in quo ille versus, ut alii intercalares, plenus est lachrimarum & luctus:

Her. *Ite, & feralem Mancino ducite pompam,*  
lib.2. *Ô misera, ô pullâ mœrentes cyclade Musæ.*

lib.4. Habes & eximium apud eundem epicedium in mortem Annæ Austriacæ Francorum Reginæ.

## CAPUT VIII.

*De Epinicio, Eucharistico, & Propemptico.*

D. QUID est epinicion ?

M. Quid est carmen pro reportata victoria conscriptum, sic dictum ab *ἐπὶ* & *νίκη*, *victoria*. A variis circumstantiis loci, temporis, hostium multitudinis, &c. celebranda est victoria ; observanda tradita posteris imperatoris prudentiæ & fortitudinis monumenta ; exponendum qui fructus ex victoria consequantur, vota precesque pro patriæ victoriæ in columitare fundendæ. Habes passim apud auctores exempla quæ in hoc genere carminis imiteris, D.



D. Quid est eucharisticum ?

M. Est Poema quo gratias alicui agimus ob præstitum beneficium, sic dictum ab εὐχαριστῶν, gratias agere : debet eo in carmine prædicari acceptum beneficium, dantis humanitas, & beneficentia extolli; accipientis necessitas non debet omitti, item miscenda vota in gratiam dantis. Sic gratias agit Didoni Æneas :

O sola infandos Troia miserata labores !  
 Quæ nos reliquias Danaûm, terræque Æneæ  
 marisque

Omnibus exhaustos jam casibus, omnium  
 egenos,

Urbe, domo socias, grates persolvere  
 dignas.

Non opis est nostræ, Dido, nec quidquid  
 ubique est

Gentis Dardaniæ, magnum quæ sparsa per  
 orbem.

Dii tibi, si qua pios respectant numina, si  
 quid

Usquam justitia est, & mens sibi conscia  
 recti,

Premia digna serant; quæ te tam leta tu-  
 lerunt

Sæcula ? qui tanti talem genuêre parentes ?  
 Hujus Carminis passim exempla sup-  
 petunt apud authores.

D. Quid est propempticum carmen ?

M. Propempticum à προπέμνω deducitur,  
 est carmen in gratiam aliquò abeuntium

E c

scriptum, in quo vota concipiuntur eorum causâ, vel ad avertendum malum aliquod vel ad bonum aliquod, ac præcipuè fortunatum iter apprecandum. Talis est ode Horatii in gratiam Virgilii Athenas navigaturi, quæ sic habet:

lib. 1. Sic te Diva potens Cypri,

Od. 3. Sic fratres Helena, lucida sidera,  
Ventorumque regat pater,  
Obstrictis aliis præter Iapiga;  
Navis quæ tibi creditum

Debes Virgilium, finibus Atticis  
Reddas incolumem, precor,  
Et serves animæ dimidium mee.

He- Poemata, quibus amicos, atque unum  
roic. imprimis sub Amyntæ persona in Indiam  
lib. 3. proficiscentem prosequitur, quæ tu consule.

## C A P U T IX.

*De Carmine Soterico, Protreptico  
& Paranetico.*

D. QUID est sotericum carmen?

M. Quid est carmen pro salute recepta, & vitato gravi aliquo periculo: dicitur Sotericum; quod *σωτήριον* græcè, *salutem* sonet latinè. In eo debet expendi periculi magnitudo, in eo subeundo forti-

tudo, in vitando solertia vel felicitas, bona ex vitato exorta celebrari. Habes absolutissima hujus carminis exempla apud Frizonium in quatuor odis quas ad Franciam, ad christianissimum regem, augustissimam reginam matrem post recuperatam regis sanitatem inscripsit, quarum prima sic incipit:

*Peane ovantes junge lyre modos,  
Et martiales, Francia, laureas:*

Lyr.  
lib. 1.

*Defuncta fatali periclo;  
Magnifici rea surge voti, &c.*

D. Quid est carmen protrepticum?

M. Idem est atque adhortatorium carmen à verbo *πρὸς τὸν ἀδελφόν* adhortor, cum scilicet alios ad aliquid suscipiendum impellimus. Nihil est usitatus ejusmodi carmine apud Poetas. Formam habet illius exquisitam Frizonius in sacra expeditione ad principes christianos.

*Surgite, magnanimi proceres, quos athere ab alto*

Heroic.

*Increpùere sacrum spirantia classica Martem, &c.*

lib. 2.

Quæ carmina, si quæ alia, vim habent ad permovendos animos; ducitur enim adhortatio ab Ottomanici hostis ferocitate & successu funestè felici; ab amplitudine regionum ab eo devastatarum, à Solymæ urbis sanctitate ab eo tam foedâ servitute oppressæ; à futuræ victoriæ certis conjecturis, &c.

D. Quid est carmen parænericum ?

M. Est monitorium carmen à παραίνεω, *admoneo* sic dictum ; in quo præcepta sapientiæ continentur. Sic Poeta pro suo officio alios monet , v. g. ne se periculis temerè objiciant ; ne majora viribus suscipiant ; ne quid aliud aggrediantur cujus ipsos postea pœnitere possit. Habes ejusmodi carmina passim apud Poetas , tum veteres , tum recentiores , ac proinde nihil est opus , festinanti præsertim , exempla proferre. Sed finem hîc habento nostræ Poeticæ Institutiones , quarum usus utinam ad majorem dei , ejusque matris augustissimæ gloriam , qui fuit unus mihi finis propòsitus , conferantur.



# TRACTATUS DE TABELLIS ÆNIGMATICIS, SIVE DE PICTO ÆNIGMATE.

**D.** **S**TUDEO jam ex te audire ea quæ passim de ænigmate circumferuntur. Quare pergratum mihi feceris si, traditis Poeticis Institutionibus, doctrinam ænigmaticam adjicias; quandoquidem sic illa plurimi ab omnibus politioris litteraturæ hominibus.

**M.** Quàm miras illa doctrina delicias, tam difficiles habet explicatus. Quàm multi enim nullis hîc adstringi legibus volunt, qui modò aliquid proferant cui subsit aliquid venustatis, acuminis aliquid, an bene cum re qua de agitur

FF

illud cohæreat nec-ne, non admodum curant; & tamen debent esse ænigmati certæ leges; neque enim res quælibet rei alteri significandæ, vel ænigmaticè, censenda est idonea.

*D.* Illas tu mihi, quæso, leges expone.

*M.* Dicam equidem quod sentiunt ac loquuntur eo de argumento prudentes & acuti rerum existimatotes. Neque enim is ego sum qui leges ausim ipse constituere; neque etiam quàm latè patet ænigmatum, gryphorum, aut emblematum velim doctrinam dicendo persequi. Satis habeo hîc de tabellis ænigmaticis, quodd genus illud ænigmati celebretur maxime, disputare, eaque proferre quæ peritis ad veritatem maxime accedere videantur. Arque huic nostræ disputationi ut modum aliquem ac dicendi ordinem præfiniam, exponam.

1. Quid sit ænigma, atque imprimis ænigma piæctum, de quo hîc agitur.
2. Quæ res possint exhiberi ænigmaticè in tabellis.
3. Quæ sint leges rei ænigmaticè significantis.
4. Quæ sint conditiones rei ænigmaticè significatæ.
5. Quomodo sit instituenda ænigmati solutio.
6. Quis sit usus traditarum præceptionum, ubi nonnulla proponenda sunt ænigmatum paradigma.

## S. I.

## Quid sit Ænigma Pictum.

D. Quid est ænigma pictum?

M. Q. 1. Si vim vocis illius quæras, *αἶνος* græcè, significat latinè *laudem*, item sermonem laude dignum atque admiratione, cumque tantum qui propter obscuritatem solis sapientibus est cognitus. Atque hinc factum est ut illiusmodi sermones antiquis Æni dicerentur; unde postea *αἰνολογία*, obscure significo, *αἰνυργα*, sermo obscurus. Atque hic sermo gryphus etiam dictus est, quod homines eo quasi irretiri soleant; *ρεϋφ* enim græcè, significat *rete* latinè.

2. Cum res obscure significata, vel picturâ, vel dictione possit adumbrari, alia sunt in pictura, alia in dictione posita ænigmata.

3. Itaque universè describitur ænigma, vel symbolum, vel oratio rem unam aperte & alteram obscure significans. Pictum verò ænigma definitur symbolum aliquod picturâ exhibitum, quo res una aperte, altera obscure significatur. Exempli causâ, in picta Christi domini e cruce pendemis imagine, mortis Christi aperte exhibetur mysterium; obscure verò balsamum, vel aliquid aliud po-

test designari. Jam verò cùm & rei apertè exhibitæ, & obscurè significatæ suæ sint leges, sua officia, de illis seorsim agendum erit, postquam ænigmati materiam subjecerimus, sive res quæ cadunt in ænigma, exposuerimus.

## §. II.

*Quæ res possint exhiberi ænigmaticè in Tabellis.*

**D.** Quæ subjecta est ænigmati materia, seu, quæ res cadunt in ænigma?

**M.** Res physicæ & naturales, non morales exhibentur ænigmaticè; cùm hoc pacto differat maxime ænigma ab emblemate, in quod virtutes & vitia solent cadere, contra quàm fit in ænigmate.

**D.** Nunquid excludis rem arte factam ab ænigmate?

**M.** Nequaquam; res enim naturalis dicitur materia ænigmati, quatenus morali opponitur. Itaque in naturalibus recensentur.

1. Elementa, res cœlestes, meteora; ut aer, aqua, ignis, astra, sol oriens, sol occidens, meridies, lux, umbra, dies, nox, diluculum, aurora, iris, nix, grando, glacies, ros, ventus, pluvia, nubes, &c.



2. Mixta, ut lapides, gemmæ, metalla, adamas, electrum, corallium, &c.

3. Plantæ, flores, arbores cæque notiores.

4. Animantes, quæ dicuntur populares; atque illustres, ut leo, aquila, equus, taurus, &c. apis, bombix, &c.

5. Quæ pertinent ad hominem, ut anima, memoria, cerebrum, oculus, manus, sanguis, lac, lachrima, cor, verbum, somnus, risus, suspitium, coma, vox, echo, &c.

6. Artefacta, ut annulus, campana, chrystallus, circinus, cithara, clepsydra, clypeus, corona, fistula, galea, horologium, lampas, larva, liber, lorica, moneta, panis, papyrus, perspicilia, pila, pugillaria, pulvis tormentarius, sagitta, sceptrum, sigillum, speculum, spongia, tuba, tympanum, &c.

7. Quæ sunt partim naturalia, partim artefacta, ut acetum, balsamum, cera, mel, oleum, saccharum, sal, thus, vinum, &c.

8. Quæ pertinent ad varios ludos, ut alea, latrunculi, &c.

9. Tragœdia, comœdia, satyra, elegia, &c.

Atque etiam usus obtinuit ut quæ sunt quasi physica ænigmaticè exhibeantur, ut secretum, mendacium aliaque bene multa quæ hîc enumerare sin-

varum libellos , qui subito calore & quâdam festinandi voluptate sibi fluxerunt , filvas vocat , additque illa Poemata solum habere gratiam celeritatis.

D. Quid intelligis per diras ?

M. Diræ sunt quoddam carminis genus quo quidquid furoris , imprecatorum , querelarum , conviciorum in mentem venit , effundit Poeta. Sic Dido lib. 4. Æneam apud Virgilium , Medea Jalonem apud Senecam , diris prosequuntur. Tale est istud in Alvarum Lusitanum Malacæ præfectum , qui D. Francisco Xaverio Indiarum Apostolo , scedè abruptâ salutarî ad Sinas sanctissimi viri susceptâ legatione , mortem acceleraverat :

*An tu micantis summe dominator poli ,  
Terribilis ultior sceleris , hoc pateris nefas !  
Hoc grande crimen cernis ! & lentus graves*

*Reponis iras ! scelere Xaverius cadat  
Egensque solusque , & rudi inclusus casâ !  
Trabatque longas Alvarus vitæ moras !  
Hoc ille videat oculus , hoc ille arbiter  
Fandi & nefandi , impunè ! nec rapidum  
manus*

*Suspensa vibret fulmen ! eludat minas ,  
Iras tonantis spernat , accensas suo ,  
Irrideat quas verticî intentas faces ?  
Fustos surores quid diu cohibes , deus ?  
Faculare fulmen , tandem ô ultrices gemat  
Sceleratus iras , obrue infandum caput.*

*Huc, huc catena ferrea, huc carcer gravis,  
Horrenda quidquid vincla, vel ferri rigor,  
Enses cruenti præferunt dirum, horridum  
Aut quidquid uncus ferrens, quidquid rota  
Armata acuto chalybe, vel lateri vorax;  
Admotus ignis, quidquid horrendum intulit  
Rabies Tyrannorum, huc ades. Jamjam pete,  
Invade, frange, perde sceleratum caput;  
Sed perde lentâ morte, se videat mori,  
Cupiatque, nec possit: diu noctu impium  
Oberret animo grandius pœnâ nefas, &c.*

Expeditis, de quibus libri hujus initio, variis carminum generibus, illud unum superest, id de Poematis, quæ ad heroicam Poësin commodè revocantur, quamvis ad lyram quoque venustè cani possint, breviter disseramus: sunt hæc, epithalamia, genethliaca, epicedia, &c.

## CAPUT VII.

*De Epithalamio, Genethliaco &  
Epicedio.*

D. Quid est epithalamium?

M. Est Poema pro nuptiali pompa conscriptum, sic dictum à vocibus Græcis ἐπὶ ad, & θαλαμὸς, nuptiale cubiculum.

D. Quomodò conficiendum est illud Poema?

*M.* Laudes conjugum celebrandæ, faustum augurium capiendum, fructus illarum nuptiarum prædicandus, vota concipienda pro connubii felicitate & futurâ prole. Consule Poetas qui scripsere epithalamia, Catullum, Statium, Claudianum, & è recentioribus Frizonium in hymenæo regio, qui sic incipit:

Her. lib. 3. *Dum tua regales hymenæo sidera tadas  
Accendunt, diri tandem vîstricia Martis,  
&c.*

*D.* Quid est genethliacum?

*M.* Est Carmen quod nascentibus accinitur; γενεθλιον enim græcè, est *natiuitas* latinè; unac genethliacon, natale carmen.

*D.* Quomodò scribendum est ejusmodi carmen?

*M.* Parentum virtutes celebrantur; spes de puero excitatur; varix loci ac temporis notantur circumstantiæ. Habes eximiam genethliaci formam apud Frizonium, quod inscribitur: Gallia ad Cunas Delphini; quem sic alloquitur sub initium:

*Hinc ego te instratum cunis quas antîca  
circum*

Her. lib. 4. *Pompa fluit, solio Majestas intulit alto,  
Aspicio, venerande puer, regumque voluptas,*

*Et populi communis amor; salve, inclyte  
Delphin,*

*Spes hominum, pignusque deum, mea gloria salve.*

*Quantum instar genitoris habes, &c.*

*Deinde parentibus gratulatur,  
Vos quoque divinâ felices prole parentes;  
&c.*

*Tum notatis aliquot dici natalis circumstantiis, vota facit, felicitatemque prænuntiat.*

*Cresce oleas inter, princeps, ac pacis alumnus.*

*Reliquias bellorum, & adhuc stillantia tela sanguine, funesto prohibe recalescere motu.*

*Invitat postea omnes populos ad diem fortunatam celebrandam:*

*Tuque age, fama loquax, nunc omnibus i  
cita pennis.*

*I cita, fama, tubis nunc omnibus ora resolve,*

*Per mea regna volans, Boreanque, Notonque pererra,*

*Hesperiasque domos, Eoaque Memnonis arva, &c.*

*Demum precatur superos ut munus suum tueantur ac foveant:*

*Quod superest, munus faciles defendite vestrum,*

*Cælicolæ, &c.*

*D. Quid est epicedium?*

*M. Est Carmen funebre quæ Nenia Romanis, Græcis epicedium dicitur ab ἐπι & κῆδος, cura, quæ mortuis præcipue debet impendi.*

D. Quæ sunt leges epicedii ?

M. Narrantur demortui laudes ; pompa funebris describitur ; conditur epitaphium ; Poeta denique apprecatur æternitatem. Habes formam epicedii absolutissimam apud Frizonium pro Alphonso Mancino, in quo ille versus, ut alii intercalares, plenus est lachrimarum & luctûs:

Her. *Ite, & feralem Mancino ducite pompam,*  
lib.2. *O misera, ô pullâ mœrentes cyclade Musæ.*

Habes & eximium apud eundem epicedium in mortem Annæ Austriacæ Francorum Reginae.

## CAPUT VIII.

*De Epinicio, Eucharistico, & Propemptico.*

D. QUID est epinicion ?

M. Quid est carmen pro reportata victoria conscriptum, sic dictum ab ἐπι & νίκη, *victoria*. A variis circumstantiis loci, temporis, hostium multitudinis, &c. celebranda est victoria ; observanda tradita posteris imperatoris prudentiæ & fortitudinis monumenta ; exponendum qui fructus ex victoria consequantur, vota precesque pro patriæ victoriæque incolumitate fundendæ. Habes passim apud auctores exempla quæ in hoc genere carminis imiteris, D.

D. Quid est eucharisticum?

M. Est Poema quo gratias alicui agimus ob præstitum beneficium, sic dictum ab *εὐχαριστία*, gratias agere: debet eo in carmine prædicari acceptum beneficium, dantis humanitas, & beneficentia extolli; accipientis necessitas non debet omitti, item miscenda vota in gratiam dantis. Sic gratias agit Didoni Æneas:

O sola infandos Troia miserata labores!  
*Quæ nos reliquias Danaum, terraque* Æneæ  
*marisque*

Omnibus exhaustos jam casibus, omnium egenos,

Urbe, domo socias, grates persolvere dignas.

Non opis est nostræ, Dido, nec quidquid ubique est

Gentis Dardaniæ, magnum quæ sparsa per orbem.

Dii tibi, si qua pios respectant numina, si quid

Usquam justitiæ est, & mens sibi conscia recti,

Premia digna ferant; quæ te tam læta tulerunt

Sæcula? qui tanti talem genuerunt parentes?  
 Hujus Carminis passim exempla suppetunt apud authores.

D. Quid est propempticum carmen?

M. Propempticum à *προπέμνω* deduco, est carmen in gratiam aliquò abeuntium

Ec

scriptum, in quo vota concipiuntur eorum causâ, vel ad avertendum malum aliquod vel ad bonum aliquod, ac præcipuè fortunatum iter apprecandum. Talis est ode Horatii in gratiam Virgilii Athenas navigaturi, quæ sic habet;

lib. 1. Sic te Diva potens Cypri,

Od. 3. Sic fratres Helenæ, lucida sidera,  
Ventorumque regat pater,  
Obstrictis aliis præter lapiga;  
Navis quæ tibi creditum

Debes Virgilium, finibus Atticis  
Reddas incolumem, precor,  
Et serves anima dimidium meæ.

He- Poemata, quibus amicos, atque unum  
roic. imprimis sub Amyntæ persona in Indiam  
lib. 3. proficiscentem prosequitur, quæ tu consule.

## C A P U T IX.

*De Carmine Soterico, Protreptico  
& Parænetico.*

D. QUID est sotericum carmen?

M. Est carmen pro salute recepta, & vitato gravi aliquo periculo: dicitur Sotericum, quod *sōtēria* græcè, salutem sonet latinè. In eo debet expendi periculi magnitudo, in eo subeundo forti-



tudo, in vitando solertia vel felicitas, bona ex vitato exorta celebrari. Habes absolutissima hujus carminis exempla apud Frizonium in quatuor odis quas ad Franciam, ad christianissimum regem, augustissimam reginam matrem post recuperatam regis sanitatem inscripsit, quarum prima sic incipit:

*Pæne evantes junge lyrae modos,*

Lyr.  
lib. 1.

*Et martiales, Francia, laureas:*

*Defuncta fatali periculo;*

*Magnifici rea surge voti, &c.*

D. Quid est carmen protrepticum?

M. Idem est atque adhortatorium carmen à verbo *προτρεπτικόν* adhortor, cum scilicet alios ad aliquid suscipiendum impellimus. Nihil est usitatus ejusmodi carmine apud Poetas. Formam habet illius exquisitam Frizonius in sacra expeditione ad principes christianos.

*Surgite, magnanimi proceres, quos æthere ab alto*

Heroic.

*Increpuere sacrum spirantia classica Martem, &c.*

lib. 2.

Quæ carmina, si quæ alia, vim habent ad permovendos animos; ducitur enim adhortatio ab Ottomanici hostis ferocitate & successu funestè felici; ab amplitudine regionum ab eo devastatarum, à Solymæ urbis sanctitate ab eo tam fœdâ servitute oppressæ; à futuræ victoriæ certis conjecturis, &c.



# TRACTATUS DE TABELLIS ÆNIGMATICIS, SIVE DE PICTO ÆNIGMATE.

**D.** **S**TUDEO jam ex te audire ea quæ passim de ænigmate circumferuntur. Quare pergratum mihi feceris si, traditis Poeticis Institutionibus, doctrinam ænigmaticam adjicias; quandoquidem fit illa plurimi ab omnibus polioris litteraturæ hominibus.

**M.** Quàm miras illa doctrina delicias, tam difficiles habet explicatus. Quàm multi enim nullis hîc adstringi legibus volunt, qui modò aliquid proferant cui subsit aliquid venustatis, acuminis aliquid, an bene cum re qua de agitur

FF

## §. I.

*Quid sit Ænigma Pictum.*

- D.** Quid est ænigma pictum?
- M.** **Q** 1. Si vim vocis illius quæras, *αἶνος* græcè, significat latinè *laudem*, item sermonem laude dignum atque admiratione, cumque tantum qui propter obscuritatem solis sapientibus est cognitus. Atque hinc factum est ut illiusmodi sermones antiquis *Æni* dicerentur; unde postea *αἰνολογία*, obscure significo, *αἰνυργα*, sermo obscurus. Atque hic sermo gryphus etiam dictus est, quod homines eo quasi irretiri soleant; *ρεῦφος* enim græcè, significat *rete* latinè.
2. Cum res obscure significata, vel picturâ, vel dictione possit adumbrari, alia sunt in pictura, alia in dictione posita ænigmata.
3. Itaque universè describitur ænigma, vel symbolum, vel oratio rem unam aperte & alteram obscure significans. Pictum verò ænigma definitur symbolum aliquod picturâ exhibitum, quo res una aperte, altera obscure significatur. Exempli causâ, in picta Christi domini e cruce pendentis imagine, mortis Christi aperte exhibetur mysterium; obscure v.ò balsamum, vel aliquid aliud po-

test designari. Jam verò cùm & rei apertè exhibitæ, & obscurè significatæ suæ sint leges, sua officia, de illis seorsim agendum erit, postquam ænigmati materiam subjecerimus, sive res quæ cadunt in ænigma, exposuerimus.

## §. II.

*Quæ res possint exhiberi ænigmaticè in Tabellis.*

**Q**Uæ subjecta est ænigmati materia, seu, quæ res cadunt in ænigma?

**M.** Res physicæ & naturales, non morales exhibentur ænigmaticè; cùm hoc pacto differat maxime ænigma ab emblemate, in quod virtutes & vitia solent cadere, contra quàm fit in ænigmate.

**D.** Nunquid excludis rem arte factam ab ænigmate?

**M.** Nequaquam; res enim naturalis dicitur materia ænigmati, quatenus morali opponitur. Itaque in naturalibus recensentur.

1. Elementa, res cœlestes, meteora; ut aer, aqua, ignis, astra, sol oriens, sol occidens, meridies, lux, umbra, dies, nox, diluculum, aurora, iris, nix, grando, glacies, ros, ventus, pluvia, nubes, &c.

2. Mixta, ut lapides, gemmæ, metalla, adamas, electrum, corallium, &c.

3. Plantæ, flores, arbores cæque notiores.

4. Animantes, quæ dicuntur populares; atque illustres, ut leo, aquila, equus, taurus, &c. apis, bombix, &c.

5. Quæ pertinent ad hominem, ut anima, memoria, cerebrum, oculus, manus, sanguis, lac, lachrima, cor, verbum, somnus, risus, suspirium, coma, vox, echo, &c.

6. Artefacta, ut annulus, campana, chrystallus, circinus, cithara, clepsydra, clypeus, corona, fistula, galea, horologium, lampas, larva, liber, lorica, moneta, panis, papyrus, perspicilia, pila, pugillaria, pulvis tormentarius, sagitta, sceptrum, sigillum, speculum, spongia, tuba, tympanum, &c.

7. Quæ sunt partim naturalia, partim artefacta, ut acetum, balsamum, cera, mel, oleum, saccharum, sal, thus, vinum, &c.

8. Quæ pertinent ad varios ludos, ut alea, latrunculi, &c.

9. Tragœdia, comœdia, satyra, elegia, &c.

Atque etiam usus obtinuit ut quæ sunt quasi physica ænigmaticè exhibeantur, ut secretum, mendacium aliaque bene multa quæ hîc enumerare sin-

gula difficilioris esset operæ ac laboris  
etiam supervacanei.

### §. III.

*Quæ sint leges rei ænigmaticæ  
significantis.*

D. **A** Gè ergo , quæ sunt jam leges  
ænigmatiſ ?

M. Cùm duo ſint , ut monui , in  
unoquoque ænigmatè ; unum quod aper-  
tè , alterum quod obſcurè ſignificatur ;  
ſive res ſit , una quæ ænigmaticè ſignifi-  
cat , altera quæ ſignificatur ænigmaticè ;  
ſic utrique ſux privatæ leges ſunt attri-  
butæ.

D. Quæ ſunt itaque leges rei ænigma-  
ticè ſignificantis.

M. Haſ leges pictores ipſi plerumque  
præſcribunt quas violare nemo auſit ænig-  
matiſtes.

Prima eſt , nihil ut peccetur contra fi-  
dem hiftoriæ , ſed habeatur ratio loci ,  
temporis , perſonarum aliarumque ma-  
joris momenti circumſtantiarum. Contra  
hanc legem peccet ille qui crucis myſtè-  
rion ſic exhibeat , ut ad Calvariæ mon-  
tem allabatur mare.

Alter lex eſt , ut ſit aliquid unum in  
tabella ad quod cætera omnia , ut ad ali-

quid primarium commodè referantur ; ut in allato exemplo de Christo è cruce pendente , debeat omnia quæ sunt in tabella cum eo mysterio , vel necessario , vel saltem probabiliter esse conjuncta ; putà deipara virgo , divus Joannes evangelista , diva Magdalena , dolorum instrumenta , aliæque ejusmodi. Sed cavendum imprimis est ne quid profanum sacris admisceatur , aut aliquid monstro simile quod oculos offendat.

D. An non licebit aliquid adpingere quod sit extra rem quæ exhibetur , quod solventis ænigma torqueat ingenium juxta ac sapiat eruditionem ?

M. Adpingatur , per me licet , symbolum aliquod , quamvis ad id quod exhibetur non admodum pertineat ; si modò tabellam non corrumpat , sed in aliqua tabellæ parte longè summota , minùs certè spectabili adpingatur. Atque ut in eodem hæteamus exemplo , in tabella Christum cruci affixum exhibente adpingatur urbs Solyma , adpingantur agri circumjecti , atque ex occasione proferatur aliquid quod iis locis sit probabiliter affixum.

D. Ita-ne vis aliquid unum in tabella depingi ad quod cætera omnia referantur ut duo vel plura non æquè primariò proferantur ?

M. Duo , fateor , æquè primariò pos-

sunt in tabella ænigmatica proferri ; uti fit in congressu duorum amicorum. Sed illud dictis quid officit ? est enim hîc aliquid unum ad quod cætera dirigantur , congressus , verbi gratiâ , amicorum , ad quem alia referuntur adpicta symbola , quæ causas , effecta , dotes , usus & proprietates rei significant quæ ænigmaticè exhibetur.

*D.* Ad alias , quæso , tabellæ leges.

*M.* Tertia lex esto , ut unaquæque res , quæ significatur ænigmaticè , suis in ipsa tabella coloribus depingatur : putà si res illustris , vel humilis ; terribilis , vel mitis ; læta , vel tristis significetur : habitum tabella induat regium , vel humilem ; terribilem , vel mitem ; lætum , vel tristem : Undè

Quarta lex huic affinis constituitur : ne persona , quæ exhibetur in tabella illustris , sensu donetur vel humili vel ridiculo. Erret itaque is qui regem corporis habitu martiali depictum de avicula , quæ vulgò Trochilus seu Regulus , vulgò *le Roitelet* appellatur , ausit interpretari.

Quinta denique lex esto , ut ipsa res quæ ænigmaticè significatur , non pingatur in tabella. Verbi gratiâ , si symbolum aliquod exhibeas quod ænigmaticè gladium significet ; non debes reipsa gladium adpingere. Quod sic ego tamen intelligi



telligi velim, ut sine tabellæ corruptione ea res possit abesse. Nam si oculus aut manus, exempli causâ, ænigmaticè significetur, ac personæ ad id in tabella significandum adhibeantur, non opus est illas aut cæcas, aut manibus abscissis exhiberi. Atque hæ sunt leges rei ænigmaticè significantis.

## §. IV.

*Quæ sint Leges rei ænigmaticè significata.*

D. **Q**uæ sunt leges rei ænigmaticè significatæ?

M. In tabella ænigmatica rei significatæ quatuor leges præcipuè constituuntur.

Primæ est, ut res quæ significatur ænigmaticè, sit physica & naturalis, non moralis: cum eâ ratione potissimum differat ænigma ab emblemate, ut dictum est superius.

Alteræ lex est, ut res illa sit simplex ac singularis, quæ in sensum facile cadere possit ac demonstrationem. Sic magnes, aurum, aut illiusmodi aliquid, non regnum aut urbs, aut illud quod ex diversis omnino naturis constet, ænigmaticè exhibetur. Ratio potest hæc afferri sanè.

optima, quod unum aliquid in tabella debet sumi ænigmaticè & metaphoricè; cætera, ut jam exponam, debent illi in sensu naturali ac proprio convenire. Scilicet autem fieret si quod rerum diversarum collectionem aggregationemque complectitur, significaretur ænigmaticè; quia singulas ferè partes in sensu metaphorico interpretari oporteret, adeoque non tam unum, quam multiplex ænigma constituere.

Tertia lex est, ut in tabella ænigmatica illud unum quod est primarium, sumatur in sensu improprio, metaphorico, ænigmatico; ac deindè cætera omnia in sensu proprio & naturali explicentur. Ita si tabellam, quæ Christum cruci affixum exhibet, velim de balsamo interpretari, dicam Christum esse balsamum, quod in sensu improprio & metaphorico accipitur; neque enim illud corpus potest esse balsamum: tum cætera, quæ fuerint depicta in tabella, balsamo convenire in sensu naturali debeo demonstrare. Atque etiam, ut sit omnibus numeris absolutum ænigma, cum primum dixi illud corpus esse balsamum, debent statim, vel tacente, quæ hinc depicta sunt omnia vel per se videri balsamo accommodatissima. Ratio est, quia si multa symbola alia ex aliis deducta simul illigentur, sumanturque omnia in sensu improprio & meta-

phorico, non erit illud unum, sed multiplex ænigma; adeoque erit ænigma in ænigmate, quod aiunt, & obscuritas maxima in rem de se satis obscuram inducetur.

D. Cerrè si res sic habeat, atque unum aliquid sumatur improprie cui cætera omnia proprie convenient, erit illud operosum maximè ænigma solvere.

M. Non erit admodum operosum, si qui proponit ænigma, præscriptas leges observet religiosè, quanquàm hac in parte aliquid indulgetur, si eximium aliquid ac reconditioris doctrinæ afferatur. Tum enim, non id tantum quod est primarium, sed quod etiam secundarium est atque adjunctum, poterit in sensu metaphorico & ænigmatico explicari. Sic tabella quæ depictum exhibebit judicium Salomonis decantatissimum, optimè significabit ænigmaticè cerebrum, quæ sedes est judicij, quod in sensu metaphorico accipitur; poterunt quoque sensu eodem duæ illæ mulieres, quarum una infantulum dissecari vivum postulabat, nolebat altera, poterunt, inquam, dici duæ pelles, quibus cerebrum involvitur, quarum una pia mater, altera dura mater appellatur; quod sanè miram habet convenientiam.

Quarta denique lex constituitur, ut subsit aliqua ratio cur res una signifi-

cet aliam ænigmaticè , id est , ut sit convenientia aliqua inter utramque rem & significantem & significatam , eaque vel à natura vel ab institutione petita. Ita in exemplo allato iudicium Salomonis egregiè dicitur significare ænigmaticè cerebrum , quòd sit sedes iudicii. Christus è cruce depositus in sinum Joannis Evangelistæ excipientis , rectè adumbrat secretum , quod in amici veluti sinum consijcitur. Atque hoc sensu potest ænigmatis solutio , vel priùs , vel posteriùs in sensum moralem deflecti , quàm in sensu physico & naturali explicetur. Sic Christus in cruce de balsamo ritè intelligitur , explicaturque in sensu naturali , arreptâ inde velut occasione , quòd sicut balsamo curantur vulnera corporis , sic & animi curantur Christi sanguine , cujus livore , ut loquitur Propheta , *sanati sumus*.

Atque hæ sunt ænigmatum leges quæ passim afferuntur certissimæ , ad quas qui solutionem , quam attulerit , voluerit exigere , dicet ad rem accommodatissimè.

### §. V.

#### *Quomodo sit instituenda Enigmati- tis solutio.*

**P.** **A** G B sanè , superest modò mihi  
ut præcipias quomodò ænigma-  
tis

cis solutio instituenda sit.

*M.* Satis puto ex dictis constat quomodo illa sit instituenda ; dicam tamen , quando ita cupis , quomodo universè sit expedienda ænigmatis solutio.

1. Attendes ad id quod est in tabella ænigmatica. primarium , quo debet rei natura , quæ ænigmaticè significatur , tota ferè contineri.

2. Examinabis cætera tabellæ adjectoria ornamenta quibus rei ænigmaticè adumbratæ , tum causæ , tum effecta doctesque omnes in sensu naturali significantur ; cavebisque ne quid momenti alicujus prætermittas ; nam in minutiis quibusdam nihil opus est immorari.

3. Prolato nomine rei significatæ , totum sensum paucis aperies , ut rem totam uno quasi intuitu deprehendant qui adsunt auditores.

4. Singillatim resumes omnia , atque ostendes pluribus quàm rite omnia rei ænigmaticè significatæ in sensu naturali conveniant.

5. Si quid erit alicujus momenti quod ad sensum tuum difficilè possit accommodari , illud cursim perstringes vel jocosè eludes. Neque enim opus est eodem modo explicari omnia , aut ad mentem ænigmatistæ exigere.

6. Poteris vice epilogi , brevè omnia anacephaleosi retractare , atque etiam in

gratiam adpictæ in tabella personæ, vel historię, aut in honorem viri cujusdam primarii, qui adsit, carmen aliquod at-textere.

7. Orationem sic compones, ut jucundè fluat non sine acumine ac lepore, variis brevioribusque floreat descriptionibus, atque etiam eleganti identidem intexto carmine splendescat. Nam perindè est ænigma, vel strictâ, vel solutâ oratione, vel utrâque permixtâ explicare.

D. Profer, quæso, jam aliquot ænigmata quæ juxta allatas modo leges solvantur.

M. Selecta profero, quorum ex solutione traditarum præceptionum patebit usus manifestè.

## §. VI.

### *Primum Ænigma.*

CHRISTI Domini è cruce pendentis effigies. Ubi 1. Christi corpus tribus clavis cruci affixum. 2. Idem corpus album ac sanguineis guttis perspersum. 3. Lachrimæ ab oculis manantes. 4. Crux coloris cinerei ac paulum rubescens. 5. Sol ad occasum vergens. 6. Nubes circumquaque. 7. Deipara virgo cruci obversa, gladioque, ut aliquando pingitur,

confossa. 8. Magdalena crucem amplexa  
 sparsis capillis & vultu inflammato. 9.  
 Circumjecti colles rupeſque.

*Solutio.*

Hic perfectè designatur & opobalsamum & xylobalsamum, id est succus balsami & lignum balsami. Succus balsami per corpus, lignum balsami per crucem significatur. Ad hanc solutionem adhibendam me movet ille cujus *livore*, ut loquitur Isaïas, tanquam pretiosissimo balsamo *sanati sumus*.

Et sanè balsamum nascitur imprimis in Judæa, quæ exhibetur in tabella; item balsami succus ex arbore, factâ incisione, exprimitur; & quod est mirum, ternâ incisione factâ, si Plinio credimus, cujus sunt hæc verba, L. 12. c. 26. *Nunc etiam singularum arborum largior vena ter omnibus percutitur æstatibus*, quod graphicè exhibent clavi tres cruci infixi. Albus succus est in Judæa, atque, ut ait Strabo, lacti similis; rubeus est in India: in modum lachrymæ defluit americanum balsamum, inquit Monardus. Nonne hic omnia perfectè designantur? En succi candor, en rubor, en lachrymæ.

Jam verò arbor balsamina coloris est cinerei, rubescens tamen; truncus est accisis sæpiùs in anno ramis; emoritur illa, si altiùs infigatur ferrum; nam ut Plinii verbis utar, *ferrò ladi vitalia odit*.

*hec arbor.* Omnia hîc per se loquuntur. Arbor est cinerea, rubescens tamen; truncus est sine ramis, sine foliis; emortuus, quia ferro tribus in locis transfixus, læsis vitalibus. Quâ parte transfixa est, hærens cruci corpus, manantem ex incisionis arbori vulneribus succum balsaminum exhibet.

Cælum, sol, nubes ad balsamum quoque, ut illius causæ, faciunt plurimum, atque imprimis nubes fœtæ imbribus: undè Theophrastus ait coli arborem illam in Judæa propter frequentiores pluvias quæ solent esse illi gratissimæ. Sol in occasum vergit, quia tunc inciduntur arbores balsaminæ, qui mos apud Indos viget maximè. Solent illi, appetente nocte, incisionibus arborum illarum alligare vascula, quibus liquor per totam noctem fluens excipiatur.

At quid illa mulier gladio confossa, crucique obversa? Quid altera arborem complexa, spatis capillis, inflammato vultu? In utraque muliere vis balsami arguitur planè mirabilis. Omnibus ferè vulneribus opportunum est balsamum, sed vulneribus imprimis aliquo acumine inflatis, quod egregiè exhibet ille gladius, mœsta item & lachrimabunda debuit exhiberi mulier, ob vim doloris, & balsamo obversa; undè certum vulnere remedium quærit. Quærit & altera mu-



lier remedium dolori , quia opportunum esse docent balsamum capitis doloribus , cui idè circumligatur , & cerebro impostum omnem , ut aiunt , expungit dolorem. Vultu est inflammato , vel ob mali vim acerrimam , vel etiam , quod aiunt , balsamo vultus colorem intendi.

Enimverò quid colles , quid rupes ad balsamum ? Balsamum implet colles , inquit Plinius. Tempore Trajani , inquit Thuanus , crescebat balsamum in montibus Engaddi & in monte Libano.

Denique si velim in sensum , quem vocat moralem , illud desicere , nihil potest dici aptius , accommodatius nihil. Nam pretiosissimum fuit , ut jam insinuavi , sanguis Christi , balsamum ; cuius virtute sauciata lethaliter natura humana , curata fuit : *Ejus enim livore* , ut cum vate evangelico loquar , *sanati sumus*. Quàm grave per peccatum homo acceperit vulnus , spoliatus gratuitis , vulneratus in naturalibus , ut fert axioma theologicum , non est hujus loci aut temporis disputare. *Magnus venit è cælo medicus* , inquit Augustinus , *quia magnus in terris jacebat egrotus* , medicinamque comparavit , quâ creatos primùm homines , ut loquitur Nazianzenus , *instauravit & refinxit , & quidem diviniore figmento* ; cuius pretium admiratus Eusebius Emisenus , exclamat : *Tanti videor*,

quantū Deus; in remedium enim fusus  
Dei sanguis transit. Felix ferrum! felix  
cem ac dilectam præ cæteris arborem!

Namque mihi pretiosa fluunt opobalsa-  
ma ligno

Ducta salutifero, quæ grandia vulnera  
curent.

Quàm bene felices plagas, vitalia cerno  
Vulnera, & irriguo manantes ubere fontes,  
Fugis ubi panacæa fluit, requiesque, sa-  
lusque!

Venales ite, ite animæ, devota caducis  
Corda opibus, cupidâ peregrina per æquora  
pinn

Currite, sollicitæ Solymæas currite ad oras,  
Atque Palestinis opobalsama querite cam-  
pis;

Quò malesuada fames & inextaturata li-  
bido

Evocat. Interea sancto de fonte liquores,  
Vitali affixus trunco, mercabor amicos  
Vulneribus, gratisque sacros mercabor  
odores.

## S. VII.

### Alterum Enigma.

**D**Eipara virgo in cælum assumpta.  
Ubi. 1. sanctissimæ trinitatis per-  
sonæ tres in superiore parte tabellæ. 2.  
Apostoli stupore defixi pompam intuen-

tes in parte inferiori. 3. Angeli circum-  
quaque volantes. 4. Nubes. 5. Sol oriens.  
6. Aquæ longè summotæ. 7. Sylvæ,  
flores, plantæ, atque draco in sylvis.

*Solutio.*

Solutionem subjicio si minùs exquisi-  
tam, sed planam certè apertamque,  
quod in ænigmate placet maximè. Res  
enim per se notissima exhibetur, & tam  
apertè exhibetur, vix ut ænigma esse  
videatur. Quæ est ista quæ ascendit?  
nimirum in sensu naturali:

*Virgo curuli*

*Nube volat, cælumque petit, summique  
tonantis*

*Se sistit solio.*

Deipara est, de qua canitur canticor.  
3. Quæ est ista quæ ascendit per desertum,  
sicut virgula fumi ex aromatibus myrrhæ  
& thuris, & universi pulveris pigmenta-  
rii? In quæ verba Rupertus sic deiparam  
alloquitur: Tu pulvis es qualem pigmen-  
tarius spiritus sanctus conficit ex optimo  
thure, quod est suavitas mentis. Talis fu-  
mus, immò talis fumi virgula tu, ô beata  
Marial suavem odorem spirasti altissimo;  
ascendit autem dei genitrix de deserto præ-  
sentis sæculi, virga de radice Jesse, in-  
quit creditus Hieronymus. Itaque in  
sensu proprio est deipara virgo, in sen-  
su ænigmatico est virgula fumi & thurei  
fumi, vulgò *la fumée de l'encens*. Quo-

modò virgulæ fumi convenient , omnia hæc in sensu naturali expendamus.

*Cernis*

*Quàm se rectà ferat , quâ majestate per auras*

*Attollat virgo ; ut dominam comitentur euntem ,*

*Ac læti aspirent genii famularibus alis :*

*Nimirum se rectà polo fert virgula fumi ,*

*Et circum ambrosios latè diffundit odores :*

*Colludit passim zephyrorum innoxia turba ,*

*Celsa vebunt animæ molles ad sidera fumum.*

Sunt enim hi qui dicuntur angeli & spiritus ; sunt , inquam , venti qui pinguntur alati pro more , & cælum versùs fumum deferunt.

Jam verò cui , aut à quo thus offertur ? Habeo in superiori parte tabellæ , cui ; habeo in inferiori , à quo aut à quibus offeratur. Nimirum sanctissimæ trinitatis personæ tres hîc describuntur , quibus ut supremus cultus , sic & thus offertur. Christum natum , ut habet Gregorius Magnus sic adoraverunt Magi , ut auro Regem , thure Deum , & myrrhâ mortalem prædicaverint. Nam divinitatem per thus significatam unus adorat , inquit Theodoretus :

*Ast bi quid cælo palmas & lumina tendunt ?  
Aut quid supplicibus votis pia sidera pul-  
sant ?*

*Sunt*

Sunt nimirum duodecim apostoli dignitate pontifices, ex officio thus deo offerentes; ipse corporis habitus gestusque orantes arguit, quibus uti & aliis illud Pauli ad Timotheum potest accommodari: *Volo ergo viros orare in omni loco levantes puras manus.* Atque etiam hi angeli orantes, præsertim si cum thuribulis aureis exhibeantur, ut in apocalypsi, thus ritè significabunt.

Cæteræ quoque hujus tabellæ velut appendices ad thus faciunt eximiè. Thus aliud est flavum, aliud rufum, album aliud; adsunt illi colores in tabella. Oritur thus ad orientem æstivum in locorupibus cincto propè mare, in sylvis: Ecce rupes, ecce summotas aquas, sylvas, solem orientem. Draco in extrema tabellæ parte depingitur, quod thuri mirè convenit; aiunt enim thuris fragrantia fugari dracones; quorum etiam venenothus opportunum est remedium;

*Ergo triumphalem, redi viva à funere virgo, Pompam agita, & summi solio te siste tonantis.*

*Thureus in tenues us se vapor explicat auras*

*Summa petens, ac se cælo gratissimus infert:*

*Sic te tollis humo; ac patria dum tendis olympo,*

*Virtutum ambrosios latè diffundis odores.*

*Instar Ithuris habens ultrices numinis iras  
Humano placas generi, cœloque sequestra  
Supplicibus fundis gratissima munera ter-  
ris.*

*Monstra fugas Erebi, lapsa promissa paren-  
ti*

*Fœmina; nam Stygium virgo domitura  
draconem*

*Turpe capus superimpositâ ceris ardua  
plantâ.*

*Ergo agè quisquis amas, terræque, potio-  
que Mariam,*

*Subiecto leges & debita jura ferentem:*

*Continuò indignos animo depone timores,*

*Sive fremat totus collectis viribus Orcus,*

*Sive adversa premat fortuna, gravique  
procellâ*

*Implicitet, ac casus supremaque fata mi-  
netur:*

*Tutus ages, si curam impendit virgo clien-  
ti,*

*Tutus eris, si te præsentî numine firmat.*

## S. VIII.

### *Tertium Enigma.*

**J**oannes in deserto. Ubi. 1. Idem  
Joannes ex antro prodiens. 2. Vena-  
tores, quorum unus antro obversus.  
3. Rupes, montes, saltus, rudera.  
4. Fluvius. 5. Canes, cervi attingent-

*Enigmaticis.*

197

res aures, aviculæ in ramis arborum.

*Solutio.*

Perfectè nobis in hac tabella echo describitur. *Ego vox clamantis in deserto*, inquit, ipse Joannes. Christus verbum est, vox est; & Joannes quasi vocis illius imago, est *vox clamantis*; quemadmodum echo vocis imago solet appellari, & in deserto, cum in desertis locis frequentiores sint echones. Itaque Joannes propter illam convenientiam in sensu metaphorico & ænigmatico echo appellatur; cætera in sensu proprio echoni conveniunt.

Cernis hominem venatorem, loquenti similem, rupi & antro, undè prodit Joannes obversum? Audin vocem ab illa rupe, ab illo antro reflexam. Vox enim ore emissâ, si ad aliquod corpus offensa repulsaque resiliat, echo dicitur: Nimirum cum lingua sonos attemperat arte,

Et circum affusas latè diverberat auras:  
Hanc vocem dixere; objecto concava molles

Si multo anfractu excipiat remorata, resultat

Illâ per anfractus varios revolubilis, & quas

Percussit simplex, numerosa repercutit aures.

Sic pulsu cava saxa sonant, vocalibus an-

*Ludicra sic resilit vocisque & mentis imago.*

Rupes abscissas hiantesque, montes, rudera, sylvas, saltus, quis nesciat loca esse fingendis echonibus cumprimis idonea, & pro sua diversitate diversas nobis exhibere echones, debiles, languidas, fortes, stridulas, streperas, amœnas, luctuosas, claras & rinnulas, graves & obtusas?

Fluvius quoque adpingitur, quia, ut aiunt physiologi, cum aqua maximè politâ & speculari superficie sit, & ad reflectendum aptissima, echones ad lacus, stagna, flumina melius multò solent resonare. Atque etiam ego velim hîc alludi ad festivum illud quod de Comensî cive, nomine Lavisario, Cardanus memoriæ prodidit; qui juxta flumen de nocte cum iter faceret, à echone delusus, penè merfus est. Rem ego carmine repræsentō:

*Nox erat, & radios medio sublimis ab axe*

*Cynthia vibrabat niveis invec̃ta quadrigis:*

*Cum raucas juxta Lavisarius anxius oras  
Fluminis ignotî sese incommitatus agebat.*

*Arte laboratos lucos, & amœna vireta  
Attigerat, longè produnt cum denique certam*

*Littore ab adverso fumantia culmina villam.*

*Illuc*



Illuc flectere iter, rancum & transmittere  
flumen.

Ardet; at optantem avertit torrentior am-  
nis

Qui nemori assultat, fractâque remurm-  
rat undâ.

Explorat num fortè aliquis trans flumi-  
na vocem

Audiat, ad quam ultrò verba exoptata re-  
mittat.

Rupe sub adversâ latitans resonabilis echo,  
Humanos fingens sonitus responsat, &  
ho! ho!

Clamanti, extemplò similis vox reddidit,  
ho! ho!

Ille ut ab opposita ripa sua dicta referri  
Audiit. An tuiò rapidi vada fluminis, in-  
quit,

Hâc transire licet? Licet, improba retin-  
lit echo.

Ille amnem ingreditur; sed mox latera ar-  
dua cingunt.

Latè assultantes fluctus: incertus eundi,  
Vicinam repetit sua per vestigia ripam.

Tum clamat, me vis indignâ morte perire,  
Perfide: tum rediit repêiens vox ludicra,  
Fide.

Fidam, ait, & tantis caput objectare pe-  
riclis

Ausim ego? fatali nunquam committere  
lymphæ

Me sinat infusus per membra trementia ter-  
ror.

Error, ait nympha; & repetit Lavisarius,  
 error

Noster terror erit? Nī mens mea fallitur,  
 annis

Ille tibi ignotus; retulit vox improba,  
 Notus.

Ergo iterū tentanda via est: aliunde  
 fluēta,

Ille ait, experiar. Forsan vada tuta per  
 undas.

Exhibeant hac parte aditus. Sic fatus,  
 iniquam

Deseruit ripam, progressus longius; undis  
 Paulatim infundens titubantia membra,  
 fluentum

Alas ingreditur: vestigia fallit arena  
 Mobilis, infidis tantum non mergitur undis.  
 Sollicitus ripam repetit, vocemque joco-  
 sam

Haud responsuram probris oneravit, &  
 auras

Questibus incassum. Silet echo dissita:  
 iustis

Miratus jam nulla dari responsa querelis,  
 Mæstus abit, secumque agitat, quis deni-  
 que demon

Credulum inexpertis fallax immiserit un-  
 dis.

Illum deindè casum amico narravit ip-  
 se Lavisarius; cui, quid rei esset, intel-  
 ligenti ridendum se propinavit.

Verū quò spectabit reliqua venatio,

*Enigmaticis.*

155

venatores , canes , cervi , lepores arrectis  
auribus , aufugientesque ac territz avi-  
culæ ? Res per se loquitur : clamat iste ,  
clamat ille , clamant & alii qui sunt ex-  
tra tabellam projecti ; canes allatrant ,  
resonant sylvæ , voces ac strepitus è ru-  
pibus , montibus , antris , silvis repercu-  
tiuntur : ubique sonus , echo ubique ;  
quo excitati sonitu strepituque aures ar-  
rigunt lepores , aufugiunt cervi , avo-  
lant aviculæ , omnia nescio quam spirant  
trepidationem.

*Sic ubi , quæ refluxum rapido secat ære  
Garumnæ ,*

*Dives opum subiit revoluta per æquora nã-  
vis*

*Lunatum in Portum : latè vasto illa fra-  
gore*

*Intonat , incenditque auras , urbemque sa-  
lutat.*

*Assimilant vastum Lormonia saxa frago-  
rem ,*

*Quique polo capita alta ferunt fluviumque  
coronant ,*

*Responsant colles ; subjecta in littora , in  
urbem*

*Oppositam , in vallem Enqueriam , bima-  
resque per agros*

*Continuè sese reboantia murmura fundunt.*

*Sic ferit attonitos cives gratissimus horror :*

*Lunato in portu sic ludit amabilis echo.*

F I N I S.

MAG 2018781



